

Lucas lelpox Jesucristo pejwɔajan

Lucas tuadutpox lelaliajwa Jesucristo pejwɔajan

1 1-2 Jesús tuadut wɔt naewɔajnaɔ ampathatat, xabich jiw taenson. Asew japixot taen, Jesús nabijat wɔt. Taenpi, japi jiw, potɔajnaɔcha naewɔajan Jesús pejwɔajan. Asew jiw jumtaenpi Jesús pejwɔajan, japi jiwbej lel jumtaenpoxan, asew jiwbej matabijaliajwa Jesús pejwɔajan, japon naewɔajanpoxanbej. 3-4 Xan Lucas wɔajnaɔchaemtax jiw matabi-japi japawɔajan, xanbej chiekal matabijsliajwan. Teófilo, puexa jiw xam sitaenponam, lelx ampawɔajan xam chiekal matabijs-liajwam Jesús pejwɔajan. Lelx wɔt ampawɔajan, nejchaxoelx: “Xan lelx Jesús ispoxanliajwa, Teófilo chiekal matabijsliajwa diachwɔajnakolaxpox, asew jiw majt naewɔajanpoxanliajwa, Jesús pejwɔajanliajwa” —an, nejchaxoelx wɔt.

Dios pej-ángel jum-aechpox nalaelsaxaelpox Juan, jiw nabautisan

5 Rey Herodes, Judea tuajnaɔpijiw tato'al wɔtɔk, japamatkoijan sacerdote duk. Japon pawɔl Zacarías. Sacerdotesxot kaemɔt pawɔl Abías. Zacarías japamɔtpijin. Pijow pawɔl Isabel. Japow Aarón pamow. Zacaríasbej Aarón pamon. Judífos-xot Aarón chiekal matxoelasacerdote.

6 Zacarías, pijow sɔapich, chiekal pachaempi Diosliajwa. Chiekal naexaxisɔlbejpi Dios tato'alpox. Samata, chinax kaen aton jumchiyaxisal japiliajwa: “Japi chiekal naexaxis-el Dios” —chiyaxisal. 7Pe Isabel xijil, nafoena xot. Japow xabich pati'ow, pamal sɔapich.

8 Zacarías, pejmɔt sɔapich, naliaxa wɔt nabichliajwa Dios pejtemplobatat, japon fol, pejmɔt sɔapich, nabichliajwa Dios

pejbichax. **9** Tãadusliajwa wut nabichliajwa Dios pejtemplobat, me-ama japi pejkabuan, majt natamejapi matabijaliajwa, achan Dios makafisaxaes bowaliajwa incienso. Jawut Zacarías makafich bowaliajwapon incienso. Do jawut, lowpon Dios pejtemploba. **10** Zacarías incienso bowa wutfuk, xabich judíos Dios kawuajan tathoetlel. **11** Do jawut, Dios pej-ángel chalechkal natulaelt Zacaríasxot. Japon ángel nuk altar poklalel, incienso bowaxot. **12** Zacarías taen wut ángel, xabich nejchaxoelon. Xabich beljowbejpon. **13** Do jawut, ángel jum-aech:

—Zacarías, ¡nabej nejlewlé! Dios xam jumtaen nejkawuajnaxan. Nijow Isabel naxuwlaxael xam naxulanliajwa. Wuldüyaxaelampon Juanwultat. **14** Xam xabich nejchachaemlaxaelam naxulanliajwa. Asew jiwbej xabich nejchachaemlaxael, xamal suapich, xaljamch nalaelt wut. **15** Naxulan xabich pachaemaxael Diosliajwa. Feyaxilon vino. Feyaxilbejpon saxa. Japoch xaljamch nalaelsaxael wut, chanlaelsaxael Espíritu Santo tato'laspox. Samata, japon isfulaxael Espíritu Santo tato'laspoxan. **16** Asamatkoi japon naewuajan wut, xabich judíos kofaxael babijaxan ispoxan, paklokolan Dioskal naexasisfulaliajwa. **17** Naewuajnaaxaelon wajpaklon wuajna Dios pejjamechan jiw jumtaeliajwa. Me-ama chajiakolaxtat profeta Elías Dios pijaxtat jiw naewuajnaful wut, jachiyaxaellapis Juan. Juan naewuajanpoxtat poejiw pejme pachaemaxael, paxi suapich. Jiw, majt Dios naexasis-eli kaenejchaxoelaxaeli, Dios naexasiti suapich. Jasox Juan isful wut, jiw chiekal naexasisfulaxael, wajpaklokolan pat wut —aech ángel, Dios buxto'aspox jumchiliajwapon Zacarías.

18 Do jawut, Zacarías wuajnachaemt wut ángel, jum-aechon:

—Xan xabich pati'nán. Tajowbej xabich pati'ow. ¿Machiyaxaelenkat xan matabijsliajwan, najum-ampoxan japoch xaljamchliajwa diachwuajnakolax wut? —aech Zacarías.

19 Dios pej-ángel jumnot wut, jum-aech:

—Xan Gabriel, Diosliajwa nabistaxponan. Dios nato'ak xam jumchiliajwan japox. **20** Xam naexasis-emil xot xan jum-anox, ma amwut xam buxwuajnajilaxaelam. Hasta xan jum-anox pat wut naxulanliajwa, jawut xam pejme naksiyaxaelam —aech ángel.

21 Zacarías nospaei wutfuk, ángel suapich, jiw tathoetlel wuajnowet. Nakaewa nawuajnachaemt wut, jum-aechi:

“¿Ma-aech xotkat Zacarías piach kejił nakolsliajwa Dios pej-templobaxot?” —na-aechi nakaewa. **22** Do jawut, Zacarías nakolt wut, naksiyaxilon. Ja-aech wut, wuajnoweti tathoetat nejchaxoeli: “Zacarías masoxtat bej taenbejpon Dios pej-ángel templobatat” —aechi, nejchaxoel wut. Zacarías pejke-etat jiw chanaekabuanaful, naksiyaxil xotlison. Ja-aechfulon, buxwuajanjil xoton.

23 Zacarías Dios pejbichax toet wut templobaxot, fulaechon pejba poxade. **24** Do jawux, Zacarías pijow, Isabel, moejow. Cinco juimtje pejbaxot kawetapow. Laeja-elow asalel. Nejchaxoel wut, jum-aechow: **25** “Dios nakajachawaet. Samata, xan moejwax. Amwutjel kaes jiw najumchiyaxil: ‘Japow pawis naxuwłaxil’ —nachiyaxil jiw xanliajwa, naxuwłaxaelen xot” —aech Isabel, nejchaxoel wut.

Dios pej-ángel jum-aechpox Jesús nalaelsaxaelpox

26 Isabel naxuwłaliajwa wut, tres juimtje wewe'pas wut, Dios to'ak pej-ángel Gabriel Nazaret paklowax poxadik, Galilea tuajnułel. **27** Dios to'ak pej-ángel pawis poxadik, japow pawł María, taeliajwaspow. Japow chinax aton bu'moejs-esal. Chajia jumdutow asamatkoi nakjiyaliajwa, José suapich. Japon José, rey David pamon. **28** Ángel pask María dukxot. Pat wut, jum-aechon:

—¡Moi, María! Dios xabich nejchachaemil xamliajwa. Pomatkoicha Dios xam chalaful —aech ángel.

29 María japox jumtaen wut, xabich nejchaxoelow. Do jawut, pajut najum-aechow: “¿Achax chiyaxaelkat japox, ángel najum-aechpox?” —aechow, nejchaxoel wut. **30** Pe Dios pej-ángel jum-aech Dios buxta'aspo:

—María, ¡nabej nejlewe'! Dios xabich nejchachaemil xamliajwa. **31** Mox nawuajna xam moejwaliajwam. Xam naxulchaxael. Japoch xaljamch pawłaxael Jesús. **32** Japon paklonaxael. Tato'laxaelbejpon Dios pijaxtat. Jumchiyaxaeson: “Dios athupijin paxulan” —chiyaxaeson. Wajpaklon Dios pajut wulduiyaxael japon reyliajwa. Me-ama pejuwajnapijin David, jachiyaxaeson. **33** Japon reyaxael, Dios pejiw pomatkoicha tato'laliajwapon. Japon pejtato'lax toepaxil —aech Dios pej-ángel Maríaliajwa.

34 María wuajnachaemt wut, jum-aechow:

—¿Ma-aech xotkat japox wɔlja-aech xanliajwa, poi fis-enil wɔt? —aechow.

35 Ángel jɔmnot wɔt, jɔm-aechon:

—Dios pej-Espíritu Santo fɔloeyaxoek xam poxasik, me-ama itloejen. Do jawɔt, xam moejwaxaelam Dios pejpamamaxtat. Samata, yamxɔch nalaelt wɔt, Dios pijnaxael. ‘Dios paxɔlan’ —chiyaxaeson. **36** Nejawɔl-atow Isabel, pati'owpow, japow naxɔwɔlaxael. Jiw jɔmtispow: ‘Japow naxɔwɔlaxil’ —tispow, naxɔwɔlaxael. Japow moejwopox seis juimtjelisox. **37** Dios xajɔp puxa isliajwa. Ajil Dios xajɔpaxilpox —aech ángel Maríaliajwa.

38 María jɔm-aech:

—Xan Dios pamakwan. ¿Dios nej is xam najɔm-ampox! —aechow.

Do jawɔx, ángel chijia Maríaxot.

María fɔlaechpox taeliajwa Isabel

39 Dios pej-ángel chijia wɔt Maríaxot, do jawɔt, María thilt. Thilt wɔt, bichakal fɔlaechow Judea tɔajɔnɔlɔl, mɔaxan poxade, Isabel dukpaklowax poxade. **40** Jaxotde pa'a wɔt, patow Zacarías pejbaxot. Do jawɔt, María moi-aech Isabelliajwa. **41** Isabel japox jɔmtaen wɔt, yamxɔch, wojetatpoch, xabich nachoela. Do jawɔt, Isabel jɔm-aech Espíritu Santo pijaxtat. **42** Jɔm-aechow pinjametat Maríaliajwa:

—Dios is xabich pachaempox xamliajwa. Me-ama asew watho'liajwa, jachi-el Dios. Dios isaxaelbej xabich pachaempox naxɔlan, nalaelsaxaelponliajwa. **43** Xam tajpaklon penaxaelam. Jachiyaxaelam xot, xan kaes pachaempowa-enil xam nataeliajwam. **44** Xam ‘¡Moi!’ —na-am wɔt, xaljamch, wojetatpoch, xabich nachoela, xabich nejchachaemil xot. **45** Xambej xabich nejchachaemlam, naexasitam xot ángel jɔm-aechpox, Dios pijaxtat jachiyaxaelpox —aech Isabel Maríaliajwa.

46 Do jawɔt, María jɔm-aech:

“Xan jɔm-an ampox, nejchaxoelx wɔt Diosliajwa. Dios xabich pachaem.

47 Xan xabich nejchachaemlax, Dios nabɔ'weyaxael xot.

48 Xabich nejchachaemlaxbej, Dios namakafit xot japon pamakwanliajwa. Dios xabich pachaem xanliajwa. Samata, xabich jiw jɔmchisfɔlaxael xanliajwa: ‘Dios is pachaempox Maríaliajwa’ —chisfɔlaxael jiw xanliajwa.

- 49** Dios xabich mamnik puexaliajwa. Ispón xabich pachaempox xanliajwa. Dios kaes pejme pachaem. Me-ama jiw, jachi-el. Kaes ajil, me-ama japon, jason.
- 50** Dios beltaen jiw, japi sitaenpi Dios.
- 51** Dios is koechaxan, xabich pachaempoxan. Pe jiw nejchaxoelpi: ‘Xan kaes pejme pachaeman. Me-ama asew jiw, jachi-enil’ —aechi, nejchaxoel wut, japi jiw Dios mastaeaxaes.
- 52** Dios chiekal toet jiw, tato'alpi ampathatpijiw, japi naexasis-eli Dios. Asew jiw lax nakaewaliajwa jum-aechi: ‘Xatis xabich kaes pejme pachaema-esal’ —aech wuti pajutliajwa, nejchaxoel wut, japi Dios wulduiyaxaes asew tato'laliajwapi.
- 53** Majt xabich litaxaelapi, japi Dios chaxduwslisi pachaempoxan. Kemaeyalax, Dios to'axaes ke-etat asalelaliajwa.
- 54** Dios kajachawaet pejjiw, japi judíospi. Nejkiowa-elon japi beltaeliajwa.
- 55** Jasoxtat Dios jumdut wajwujnapijiwliajwa, Abraham, pamojiwbej” —aech María.
- 56** María duk tres juimtje Isabel pejbaxot. Do jawux, María nawia'a pejba poxade.

Juan nalaeltpox, japon jiw bautisanaxael

57 Isabel wepach pejmatkoi naxuwllaliajwa. Samata, naxuwalpox. Faenow poich. **58** Pejjiw, mox duilibej, japox wultaena wut, taechipow, nejchachaemil xot japowliajwa. Japi jiw matabija, Dios is pachaempox japowliajwa. **59** Kae-semana wut yamxuch nalaelttox, japi jiw fulaen xaljamch circuncidaliajwapi, Dios pejmarkaxliajwa. Japox japi pejkabuan, judíos xot. Jawut yamxuch wulduisias pax Zacarías pejwultat. **60** Pe Isabel jum-aech:

—¡El! Pawulaxaelon Juan —aechow.

61 Pejjiw jumnot wut, jum-aechi:

—Diachwujnakolax nejjiwxot chinax kaen pawula-el japawul —tispow.

62 Japi taxdoefa wujnachaemsliajwa yamxulan pax, pax wulduiliajwa paxulan, me-ama japon nejxasink. **63** Pe jawut, Zacarías wuljow tawlofach, jaxot lelaliajwa. Lelsox jum-aech:

“Pawəłaxaelon Juan” —aech Zacarías lelpox. Jawət, puexa jiw xabich nejchaxoelanuil.

64 Do jawət, chalechkal Zacarías pejme chiekal naksiyapon. Me-ama majt, ja-aechon. Naksiyapon pachaempoxan Diosliajwa. Jəm-aechon: “Dios, xam xabich pachaemam” —aechon Diosliajwa. **65** Puexa jiw, mox duili, xabich nejchaxoelanuil. Asew jiw Judea tɔajnpɔrijiw, mɔaxanlel duili, nachapaefɔl jəmtaenpox. **66** Puexa jiw, pajut chiekal jəmtaenpi, nawɔajnpachaemsna wət, jəm-aechi, nejchaxoel wət: “Japoch yamxuch ti't wət, ɔmachiyaxaelkat?” —aechi, nejchaxoel wət, japi chiekal matabija xot Dios kajachawaesfɔlaxaespox.

Zacarías jəm-aechpox

67 Zacarías, japon yamxulan paxpon, jəm-aech Espíritu Santo pijaxtat, jəm-aech wəton Dios ispoxliajwa:

68 “Xatis judíos wajDios jəmchisfɔlaxaes: ‘Xam xabich pachaemam’ —chisfɔlaxaes wajpaklon Diosliajwa. Japox jəmchisfɔlaxaesbej, to'ak xoton paxulan, japon bə'welijwa pejjiw.

69 Dios to'ak pamamakolan xatis nakbə'welijwa. Japon, rey David pamon. David, Dios pamakan.

70-71 Japoxliajwa Dios chajia bəxtə'a pejprofetas, jəmdusliajwa wəton. Dios jəmdut to'axaelpox kaen aton, japon nakbə'welijwa wajdaelmajiwxot, puexa xatis jiw naknejweslapixotbej.

72 Dios nakbeltaeyaxael. Me-ama wajwɔajnpajiw jəmduch, jachiyaxaelbej Dios xatisliajwa. Nejkiowaxilon chajia jəmdutox wajwɔajnpajiwliajwa.

73 Dios jəmdut japox waj-am Abrahamliajwa.

74 Jəmdutpon nakbə'welijwa wajdaelmajiwxot. Ja-aech wət, nakbə'weyaxaelon tanbichfɔlaliawas wajlewla-elaxtat.

75 Jasoxtat Dios tanbichfɔlas wət, chiekal isfɔlaxaes Diosliajwa, xatis babijax is-elaxtat pomatkoicha” —aech Zacarías, jəm-aech wət judíosliajwa.

76 Zacarías jəm-aech paxulan Juanliajwa: “Wɔa, jiw jəmchiyaxael xamliajwa: ‘Dios athɔrijin pejprofeta’ —chiyaxael jiw xamliajwa. Japox jəmchiyaxaeli, naewɔajnafɔlaxaelam xot wajpaklon wɔajna, asamatkoi pask wət, jiw chiekal naexasisliajwa wajpaklon.

77 Jiw naewuajnafulaxaelam matabijaliajwapi Dios bu'weyaxaespo, Dios beltaeyaxaes xoti babijaxan ispoخانliajwa.

78 Dios nakbeltaen xot, Mesías fuloeyaxoek Diosxotsik xatisxotaliajwa. Me-ama juimt julan wut, jachiyaxoekon.

79 Wajpaklokolan pat wut, japon jiw naewuajnafulaxael diachwuajnakolaxpox. Majt jiw pejnejchaxoelaxtat, me-ama nanuamti itkuataxot. Ja-aechpi, japi asamatkoi chiekal pachaemaxael, naexasit wuti Mesías naewuajanpoxan. Jawut japi pejnejchaxoelaxan, me-ama itliak wut, jachiyaxael. Majt pejlowlapi tupaliajwa, japi pejlowlaxil, japon chiekal naewuajan wut. Japi chiekal duilafulaxael” —aech Zacarías, jum-aech wut paxulan Juanliajwa.

80 Juan chiekal ti'sful wut, kajachawaesfulas Espíritu Santo. Chiekal ti't wuton, pajilaxxot dukon. Do jawux, tuduton jiw naewuajnaliajwa. Japox ja-aech wut, judíos papasful Juan, jiw bautisanxot.

Jesús nalaeltpox

(Mt 1.18–25)

2 Mox pawuajna wut Jesús nalaelsliajwa, japamatkoiyan, Augusto tato'al puexa Roma paklowaxpijiw. Japonbej tato'al asatujnuchanpijiw. Japon to'a pejjiw japi jiwwulan lelaliajwa, xajuiliajwabej puexa jiw duili japatujnuchanxot, matabijsliajwapon massuapich impuesto kaenanula mosaxaeli japi jiw. **2** Japox matxoela ja-aech, jiwwulan lelaliajwa wut, japon Cirenio gobernador wut Siria tuajnuaxot. **3** Puexa japi jiw to'as kaenanula fulaeliajwa pejwuajnapijiw pejpaklowaxan poxade, japapaklowaxxot wullelaliajwas, xajuiliajwasbejpi.

4 Samata, japamatkoi José nakolt Nazaret paklowax, Galilea tuajnuaxot. Do jawut, José fulaechlison Belén paklowax poxade Judea tuajnuaxotaliajwa, pejwuajnapijin rey David, japapaklowaxxot nalaelt xot. **5** José bu'fol María. Japow José pijowaxael. Japow moejow. **6** Belén paklowaxxot wut, María pejmatkoi wepach naxuwllaliajwa. Jawut boejpunspow. **7** Do jaxot paxulch nalaelt, matxoelapijin. Yamxuch xakiach ponbu'. Ochpon naxaeyaxan pak xalwuajtholaxtat. Japi chakow jiw papatbatatliajwa, ba xajupa-el xot.

Ovejas tataefulpi chapaeispox Jesús nalaelsax

8 Belén paklowaxxot mox, yoxot, jaxot ovejas tataefulpi chala pejew ovejasmütan madoi. **9** Do jawüt, japixot chalechkal natulaelt Dios pej-ángel. Dios pijaxtat xabich itliakon japixot. Me-ama itliakax xabich itliak wüt, ja-aechon. Ovejas tataefulpi japox taen wüt, xabich beljowpi. **10** Do jawüt, ángel jum-aech: “¡Xamal nabey belwe! Xan chimiawüajan xaloeckx xamal xabich nejchachaemlaliajwam. Japox xamalliajwa, puexa asew jiwliajwabej. **11** Amwütjel Belén paklowaxxot, rey David majt dukxot, nalaelt Cristo. Japon paklokolan, Dios to'aspon, fúloekon athülelsik jiw bü'weliajwa. **12** Xamal jalwekam wüt, japoch yamxuch faenaxaelam, ponbü' xakiachpoch, ochpon pak naxaeyaxan xalwüajtholspoxat” —aech ángel ovejas tataefulpiliajwa.

13 Do jawüt, Dios pej-ángelxot, xabich kaes ángeles chalechkal natulaelba. Japi jajuw wüt, jum-aechi Diosliajwa: “Dios xabich pachaem” —aechi. Jum-aechbejpi:

14 “¡Puexa ampathatpijiw nej sitaepi Dios, athuxotse dukpon! ¡Nej pachaemabejpi, duil wüt ampathatat! ¡Japi nej isfule Dios nejxasinkpoxan!” —aechful ángeles jajuiyaxtat.

15 Dios pej-ángeles kaxase wüt athü poxase, ovejas tataefulpi nakaewa najum-aechi:

—Chijias Belén paklowax poxade taeliajwas ja-aechpox, ángel nakchapaeipox, Dios büxto'aspox —na-aechi nakaewa.

16 Do jawüt, japi bichakal fúlaech Belén paklowax poxade. Jaxot pa'a wüt, taeni María, José suapich. Taenbejpi narianach, ok wüt pak xalwüajtholaxtat. **17** Ovejas tataefulpi japoch taen wüt, asew jiw chapaeipi Dios pej-ángel jumtisox japochliajwa. **18** Puexa jiw japox jumtaen wüt, xabich nejchaxoelanuili, ovejas tataefulpi chapaei wüt japox. **19** María pajut boejlach nejchaxoelafül ovejas tataefulpi jum-aechpoxliajwa. **20** Do jawüt, ovejas tataefulpi nawiapi. Fol wüt, jum-aechi: “Dios xabich pachaem. Is pachaempox” —aechi, taen xoti japox, jumtaen xotbejpi ángel jum-aechpox. Diachwüajnakolax japi puexa taen, me-ama Dios pej-ángel jumtispi japoxliajwa.

Jesús büflaechpox Dios pejtemploba poxade

21 Yamxuch nalaelt pox siete matkoivan xent wüt, japoch yamxuch circuncidas Dios pejmarkaxliajwa. Do jawüt,

wɔlduwspɔn Jesúswɔltat. María moejowa-el wɔtʃuk, Dios pej-ángel chajia jɔmtispɔw japawɔltat paxɔlan wɔlduiliyajwa.

22 Moisés chajia lelpox judíos chiekal naexasit japi pachae-maliajwa Diosliajwa. Samata, cuarenta matkoiyan xent wɔt Jesús nalaeltɔx, José, Maríabej, japi bɔflaech Jesús Jerusalén paklowax poxade, paxɔlan itpaeliajwapi Dios pejtemplobatat. Jasox ispi, asamatkoi japoch xaljamch ti't wɔt Dios tanbichfulaliajwa.

23 Jasox islisi, Moisés chajia lelpox jɔm-aech xot japoxliajwa: “Puexa yamxi poejiw, matxoelanalaelapi, japi Dios tanbichaxael, ti't wɔt” —aech xotɔx. **24** Do jawɔx, José, María sɔapich, ofrenda chaxduwpi Diosliajwa, Moisés chajia lelpox jɔm-aech xot japox isliajwa. Japox jɔm-aech: “¡Chaxdu'e kolenje cha-aex a-u, o, kolenje a-utxɔlan, Dios pej-ofrendaliajwa!” —aechɔx.

25 Japamatkoiyan Jerusalén paklowaxxot aton duk, japon pawɔl Simeón. Japon chiekal pachaem Diosliajwa. Pomatkoi-cha chiekal naexasiton puexa Dios jɔm-aechpoxan. Simeón pejmatpɔatxot Espírítu Santo. Japon wɔaj nawet Cristo pasax, judíos bɔ'weyaxaespon. **26** Espírítu Santo pijaxtat Simeón chajia matabijt, japon laeja wɔtʃuk japon taeyaxaelpox Cristo, japon Dios jɔmduchpon. **27** Samata, Espírítu Santo pijaxtat Simeón fɔlaech Dios pejtemploba poxade. Do jawɔt, Simeón taen José, María sɔapich, bɔ'fol wɔti Jesús isliajwa Dios to'aspox, me-ama Moisés chajia lelpox jɔm-aech. **28** Jawɔt Simeón isfit Jesús. Do jawɔt, Dios kawɔajan wɔt, jɔm-aechon:

29-30 “Tajpaklon Dios, najɔmdutampon tajut chiekal taenxli-son, jiw bɔ'weyaxaelpon, ampon. Samata, amwɔtjel xan, nabistaxponan xamliajwa, ¡natapaem xan tɔpaliajwan, xabich nejchachaemlaxtat!

31 Xam ampoch to'am jiw bɔ'welialjwa, puexa jiw taelialjwa.

32 Japon pijaxtat judíos-eli matabijaxael diach-wɔajnakolaxpox. Japon pijaxtatbej nejjiw, judíos, asew jiw sitaeyaxaes” —aech Simeón, Dios kawɔajan wɔt.

33 José, Maríabej, xabich nejchaxoelanuil, jɔmtaen wɔti Simeón jɔm-aechpox yamxɔchliajwa. **34-35** Do jawɔtbej, Simeón Dios kawɔajan Joséliajwa, Maríaliajwabej, yamxɔchliajwabej, Dios isliajwa pachaempox japiliajwa. Do jawɔtbej, Simeón jɔm-aech asamatkoi jachiyaxaesox Maríaliajwa:

—Asamatkoi xamliajwa, me-ama espadatat xɔa'la wɔti, xabich xaenkaxael, jachiyaxael xamliajwa, naxɔlan asew jiw

pijaxtat nabijasax taenam wut. Xabich israelitas japon naexasisaxisal. Japi napelsaxael. Xabich asew jiwłax naexasisaxaes japon. Japilax bə'weyaxaes. Xabich jiw babejjamechan jumchiyaxaeson. Jasoxtat asew jiw matabijaxael, achax pejnejchaxoelaxanxot. Samata, asamatkoi xam xabich nejxaejwaxael —aech Simeón Maríaliajwa.

36-37 Jawut kaeow pawis jaxotbej Dios pejtemplobatat. Japow Dios pejprofeta. Pawulow Ana, Fanuel paxulow. Japow Aser pamow. Xabich pati'ow. Ochenta y cuatro waechan. Pansiow wut, pamal fitow. Pamal fitpox siete waechan wut, pamal naetupspow. Pamal tɔp wut, do kaes nakjiya-elisow. Pin-iawaechan tamach laejepow. Japow chinax nakols-el Dios pejtemplobaxot. Ja-aech japow, Dios pejbichaxan nabist xot. Pomatkoicha japow Dios kawuajnaful. Dios piach kawuajnalijwa wut, xabich piach naxae-elow. **38** José, María suapich, Dios pejtemplobatat wut, Ana mox soepan japixot. Jawut gracias-aechow Dioslijwa, yamxuchlijwabej. Do jawut, jum-aechow yamxuchlijwa puexa Jerusalén paklowaxpijiwlijwa, japi wuajneweti bə'weyaxaespox japon pijaxtat.

José, María suapich, bunwiatpox paxulch Nazaret paklowax poxade

39 José, María suapich, toeti ispox, me-ama Moisés chajia lelpox jum-aech. Dolisi, paxulch bunwiati pejpaklowax poxade, Nazaret paklowax, Galilea tuajnułel. **40** Jesús chiekal ti'sful. Mamnikbejpon. Jesús kaes matabijsful, Dios kajachawaesfulas xot.

Jesús jam wutfuk, nospaeipox, judíos chanaekabuanapi suapich, Dios pejtemplobatat

41 Kaewaechful wut, José, María suapich, Jerusalén paklowax poxade. Fulalaecha taelijwa Pascuafiesta. **42** Jesús doce waechan wut, japon nakfol Jerusalén paklowax poxade, me-ama japi pejkabuan. **43** Pascuafiesta toep wut, japi puexa fiesta taeni nawia wut pejbachan poxade, jawut Jesús naman Jerusalén paklowaxxot. José, María suapich, matabija-el Jesús kaweta namanpox Jerusalén paklowaxxot. **44** José, María suapich, nuamtat fol wut, nejchaxoeli: “Jesúskas chajia wuajna nakfulaech wajjiwtat” —aechi, nejchaxoel wut. Samata, kaematkoi nejmach chiekal foli nuamtat.

Do jawux, José, María suapich, tae-el wuti Jesús, jawut tuadutlisi wuajnaemsliajwa pejjiw. Wuajnaemtbepi asew jiw, japi pejmatabijspipon. **45** Wulwek wuti pejjiwxot, japi faena-el Jesús. Do jawut, José, María suapich, kaxa nawen Jerusalén paklowax poxadin, jaxot wulwekaliajwapi Jesús.

46 Tres matkoi wut, faenipon Dios pejtemplobaxot. Japon ek judíos chanaekabuanaapixot. Naeweton japi. Jesús wuajnaemtbepi matabijsaxtat. **47** Jesús chiekal matabijt judíos chanaekabuanaapi jum-aechpox. Chiekal jumnotbejpon, wuajnaemtas wut. Puexa jiw, japox jumtaen wut, xabich nejchaxoelachalaki, Jesús xabich matabijt xot. **48** José, María suapich, taen wuti Jesús ekox, judíos chanaekabuanaapi suapich, xabich nejchaxoelanuili. María jum-aech Jesúsliajwa:

—Wua, xam jasox jachiyaximil xanalliajwa. Xan, nej-ax suapich, xabich nejchaxoelx, xam wulwekx wut —aechow.

49 Jesús jumnot wut, jum-aechon:

—¿Ma-aech xotkat xamal xan nawulwekam? ¿Xamalkat matabija-emil xan taj-ax Dios pejbaxotaxaelenpox? —aech Jesús.

50 Japi jummatatabija-el, Jesús japox jum-aech wut.

51 Pe María nejchaxoelaful, Jesús jum-aech wut japox. Nejkiowa-elow. Jawux José, María suapich, Jesúsbej, nawia Nazaret paklowax poxade. Jesús Nazaret paklowaxxot duk wut, naexasisfulon José, Maríabej, puexa japi tato'alpoxan. **52** Jesús chiekal ti'sful. Kaes matabij'sfulbejpon. Dios nejchachaemlaful Jesúsliajwa. Jiwbej nejchachaemlaful Jesúsliajwa.

Juan, jiw bautisan, pajilaxxot naewuajanpox

(Mt 3.1-12; Mr 1.1-8; Jn 1.19-28)

3 Tiberio tato'al, puexa Roma paklowaxpijiw. Japonbej tato'al asapaklowaxanpijiw. Japon quince waechan tato'al wut, japamatkoiyan, Poncio Pilato Judea tuajnuapijiw tato'al. Jawutbej Herodes Galilea tuajnuapijiw tato'al. Herodes pakoewan, pawul Felipe, japon puexa Iturea tuajnuapijiw, Traconite tuajnuapijiwbej, tato'al. Asan pawulpon Lisaniás, japon tato'al Abilinia tuajnuapijiw. **2** Jawut Anás, Caifás suapich, japi kolenje, sacerdotespaklokola. Japamatkoiyan Zacarías paxulan, japon pawulpon Juan, duk pajilaxxot. Jawutbej Juan buxto'as Dios, japon jiw naewuajnafulaliajwa. **3** Samata, Juan nanuamt Jordánlajtxot,

jaxot naewuajanpon jiw Dios pejjamechan. Juan naewuajan wut jum-aechon: “¡Kofim babijaxan isampoxan! ¡Isfulde Dios nej-xasinkproxan! Ja-amsfulam wut, Dios beltaeyaxael babijaxan isampoxanliajwa. Do jawut, xamal bautisaxaelen” —aech Juan, jiw naewuajnaful wut. **4** Juan, jiw bautisan, naewuajan wut jiw, patlisox Dios pejprofeta Isaías chajia lelpox Juanliajwa. Isaías chajia lel wut, jum-aechon:

“Kaen aton pajilaxxot nejlat wut, jumchisfulaxaelon jiwliajwa: ¡Kofim babijaxan isampoxan wajpaklonliajwa! Me-ama jiw chiekal nuamt chaemt wut paklon pasliajwa, ¡ja-amde nejnejchaxoelaxan! ¡Isfulde Dios nejxasinkprox! ¡Ja-amsfulde!

5 Puexa tufatan as tholaxaes nuamt chiekal najupaliajwa. Puexa muaxan koeyaxaesbej sat chiekal najupaliajwa. Nuamanbej, jajiali, matnoch xatathalaxaes. Nuamanbej muthan wut, pe'axaes chiekal najupaliajwa.

6 Puexa jiw matabijaxael Dios to'aspon jiw bu'welijwa' —chiyaxaelon” —aech Isaías chajia lelpox Juan, jiw bautisanliajwa.

7 Juan, jiw bautisanxot, xabich jiw papasful japi bautisaliajwas. Japi jiwxot, asew kofa-el wut babijaxan ispoxan, japibej nakiowa nakbautisia. Me-ama asew jiw babijaxan ispoxan kofapi, jachisiapi. Samata, jawut, Juan jum-aech japi jiwliajwa: “Xamal, me-ama jom dukpi welijwa, jit patuajax boejtaen wut, ja-am xamal. Pe asamatkoi xamal weyaximil, babejkolax kastikaxmatkoi pat wut. **8** ¡Kofim babijaxan isfulampoxan! ¡Isfuldelax Dios nejxasinkproxan! Japox ja-amsfulam wut, puexa jiw matabijaxael, diachwuajnakolax xamal babijaxan isampoxan kofampim. ¡Xamal nakaewa nabej najum-aechel: ‘¡Xanal Abraham pamojiwan! Samata, diachwuajnakolax Dios xanal nabu'weyaxael’ —nabej aeche' najut! Xamal Abraham pamojiwam. Pe nakiowa babijaxan isam wut, Dios xamal bu'weyaxil. Dios nejxasink wut, xajup ia' Abraham pamojiw dofaliajwa. **9** Naebaechnaechan, naboesfuli kaewaechful. Pe japanaechan kaes naboesfula-el wut, xamal liktam japanaechan. Do jawux, majow wut, jitat it-owam. Jachiyaxaelbej xamalliajwa, Dios kastika wut, naexaxis-emil wut Dios” —aech Juan, jiw bautisan, babijaxan isfulpiliajwa.

10 Do jawut, japi wuajnaechemt wut, jum-aechi:

—¿Machiyaxaelenkat xanal isfulaliajwan Dios nejxasinkpoxan? —aechi Juanliajwa.

11 Juan jumnot wut, jum-aechon:

—Xamal koloeyax wut Kamis, asan aton xabich kejił wut naxoelaliajwa, jıjapon aton chaxdu'e naxoelax! Xamal naxaeyaxan wut, asan aton xabich wejısal wut xaeliajwa, jıjapon aton chaxduim! —aech Juan.

12 Do jawut, pejme asew jiw pat Juanxot. Japi mox soepa bautisaliajwas. Japi impuesto mat-omwuljoew Roma gobiernoliajwa. Japi jum-aech, wuajnachamt wuti Juan:

—¿Xanal machiyaxaelenkat isliajwan Dios nejxasinkpoxan? —aechi.

13 Juan jumnot wut, jum-aechon japiajwa:

—Xamal jiw mat-omwuljowam wut impuesto, jımat-omwuljoem nejpaklon to'apoxantat! jıKaes pejme nabej mat-omwuljoe' jiw naekichachajbaliajwam! —aech Juan impuesto mat-omwuljoewliajwa.

14 Do jawux, soldawbej pat Juanxot. Japibej wuajnachamt wut, jum-aechi Juanliajwa:

—¿Machiyaxaelenkat xanal isfulaliajwan Dios nejxasinkpoxan? —aechi Juanliajwa.

Do jawut, Juan jumnot wut, jum-aech soldawliajwa:

—jıXamal nabej bu'athiye' kenosliajwam asew jiw pejew! jıNabej tasale'bej asew jiw, nejmachpijiw, japi pejew kenosliajwam! jıXanejchachaemilde nejpaklon motpoxantat! —aech Juan soldawliajwa.

15 Xabich jiw wuajnawesful Cristo pasaxaelpox, jıjapon Dios to'axoekspon jiw bu'weliajwa. Samata, jiw jumtaen wut Juan naewuajanpox, japi nakaewa najum-aech: “Diachwuajnakolax Juan bej Cristobej” —na-aechi nakaewa. **16** Pe jawut Juan pajut chiekal jum-aech puexa jiwliajwa: “Diachwuajnakolax xan jiw bautisafulax mintat, jiw kofa wut babijaxan ispoxan. Asamatkoi xanwux asan fulaeyaxaen. Japonlax to'axael Espıritu Santo jiw kajachawaesfulaliajwas. Espıritu Santo pejıpamamax, me-ama jit, jiw babijaxan ispoxan toejwaliajwas, jiw pejnejchaxoelaxan pachaemaliajwa. Japon fulaeyaxaelpon kaes pejme paklonaxael. Me-ama xan, jachiyaxilon. Xan omjinil jıjapon pejkajachawaesnanliajwa. **17** Lulpijin trigo bokchalula trigokal namaeliajwa. Do jawux, trigo jiapon batat cha-owaliajwa. Trigobok, trigotonanbej,

pelton lausliajwa jitat. Jachiyaxaelbej fulaeyaxaelon. Japon tamejaxael Diosxotse pachaempikal, japi jiw naexasiti Dios. Asewjiw, babijaxan ispi, naexasis-elbejpi Dios, japi pelsaxaeks jitadik, itkuawaxil poxadik” —aech Juan jiwliajwa.

18 Jasoxtat Juan naewuajnafulbej jiw. Asawuajantat, pachaemwuajan, Juan naewuajnaful jiw. **19** Juan fiatbej Herodes, Galilea tuajnapijiw tato'lan. Fiat wut, jum-aechon Herodesliajwa, japon fe'en xot pakoewan Felipe. Japow Felipe pijow. Japow pawul Herodías. Juan japox jum-aech Herodes nejchaxoelaliajwa, kaes asaxan babijaxan xabich isful xoton. **20** Pe Herodes naexasis-el Juan jum-aechpox. Pelax Herodes asax babijax pejme ispon, Juan jia xoton jiw jebatat.

Jesús bautisaspox

(Mt 3.13–17; Mr 1.9–11)

21 Asamatkoi, Juan jiw bautisa wut, jawutbej Jesús bautisas. Jesús bautisas wut, Dios kawuajan wuton, taenon athu fafachpox. **22** Jaxotsik Espíritu Santo fuloek, me-ama a-utlejen Jesús pejmatwuajajak. Do jawut, jumtaenbejpon athulelsk jumtiskaspo. Dios pajut jum-aech:

—Xam taxulnam, xabich nejxasinkaxponam. Xamliajwa xabich nejchachaemlax —aech Dios Jesúsliajwa.

Ampilap Jesucristo pejuwajnapijiw

(Mt 1.1–17)

23 Jesús treinta waechan wut, tudut naewuajnalialjwa jiw. Jiw nejchaxoel Jesúsliajwa: “Japon José paxulan” —aechi asbuan jumch, nejchaxoel wut. José pax pawul Elí.

24 Elí pax pawul Matat. Matat pax pawul Leví. Leví pax pawul Melqui. Melqui pax pawul Jana. Jana pax pawul José.

25 José pax pawul Matatías. Matatías pax pawul Amós. Amós pax pawul Nahúm. Nahúm pax pawul Esli. Esli pax pawul Nagai.

26 Nagai pax pawul Maat. Maat pax pawul Matatías. Matatías pax pawul Semei. Semei pax pawul Josec. Josec pax pawul Judá.

27 Judá pax pawul Joanán. Joanán pax pawul Resa. Resa pax pawul Zorobabel. Zorobabel pax pawul Salatiel. Salatiel pax pawul Neri.

28 Neri pax pawul Melqui. Melqui pax pawul Adi. Adi pax pawul Cosam. Cosam pax pawul Elmadam. Elmadam pax pawul Er.

29 Er pax pawul Jesús. Jesús pax pawul Eliezer. Eliezer pax pawul Jorim. Jorim pax pawul Matat.

30 Matat pax pawul Leví. Leví pax pawul Simeón. Simeón pax pawul Judá. Judá pax pawul José. José pax pawul Jonam. Jonam pax pawul Eliaquim.

31 Eliaquim pax pawul Melea. Melea pax pawul Mena. Mena pax pawul Matata. Matata pax pawul Natán.

32 Natán pax pawul David. David pax pawul Isaí. Isaí pax pawul Obed. Obed pax pawul Booz. Booz pax pawul Sala. Sala pax pawul Naasón.

33 Naasón pax pawul Aminadab. Aminadab pax pawul Admin. Admin pax pawul Arni. Arni pax pawul Esrom. Esrom pax pawul Fares. Fares pax pawul Judá.

34 Judá pax pawul Jacob. Jacob pax pawul Isaac. Isaac pax pawul Abraham. Abraham pax pawul Taré. Taré pax pawul Nacor.

35 Nacor pax pawul Serug. Serug pax pawul Ragau. Ragau pax pawul Peleg. Peleg pax pawul Heber. Heber pax pawul Sala.

36 Sala pax pawul Cainán. Cainán pax pawul Arfaxad. Arfaxad pax pawul Sem. Sem pax pawul Noé. Noé pax pawul Lamec.

37 Lamec pax pawul Musalén. Musalén pax pawul Enoc. Enoc pax pawul Jared. Jared pax pawul Mahalaleel. Mahalaleel pax pawul Cainán.

38 Cainán pax pawul Enós. Enós pax pawul Set. Set pax pawul Adán. Adán Dios isaspon atonliajwa.

Jesús xapaejaspox Satanás

(Mt 4.1–11; Mr 1.12–13)

4 Jesús duk wut, xabich kajachawaech Espíritu Santo. Samata, nawia'an wut Jordánlajtxotdin, Jesús Espíritu Santo b'fos pajilax poxade. **2** Jaxotde cuarenta matkoian kaweta wut, chinax xae-elon. Cuarenta matkoian toep wut, do jawut, Jesús xabich litaxaela. Jawut dep pejpaklon, Satanás, pat Jesúsxot. Paton xapaejalijwa Jesús, Jesús babijax islijwa Dioslijwa. **3** Samata, Satanás xapaejt wut, jum-aechon Jesúslijwa:

—Diachwɛajnakolax xam Dios paxɛlnam wɛt, ɟampot ia't to'im panax nadofaliajwa! —aech Satanás Jesúsliajwa.

4 Jesús ɟɛmnot wɛt, ɟɛm-aechon:

—Dios pejjamechan, chajia lelspx, ɟɛm-aech: 'Jiw duilaxil naxaeyaxankalliajwa. Ji wewe'pasbej Dios pejjamechan naexasisfulaliajwapi' —aech Dios pejjamechan, chajia lelspx —aech Jesús Satanásliajwa.

5 Do jawɛt, Satanás pejme xapaesliajwa wɛt, bɛ'folon Jesús pinamɛax athɛ poxase Jesús itpaeliajwas puexa tɛajɛchan ampathatat. **6** Do jawɛt, Satanás ɟɛm-aech:

—Puexa ampatɛajɛchan, paklowaxanbej, ɟapoxan puexa xan tejew, xan malech nachaxdut xoton. Xanbej paklokolnan ampatɛajɛchanpijiwliajwa. Puexa ɟapoxan xan malech chaxdusliajwan. Samata, chaxdusasianpon malech chaxdusaxaelen. **7** Tajwɛajnalel xam brixtat nukam wɛt, najɛm-am wɛtbej: 'Xam xabich pachaemam. Xam tajpaklokolnam' —na-am wɛt xanliajwa, puexa malech xam chaxdusaxaelen ɟapatɛajɛchan, ɟapapaklowaxanbej —aech Satanás Jesúsliajwa.

8 Jesús ɟɛmnot wɛt, ɟɛm-aechon:

—Dios pejjamechan, chajia lelspx, ɟɛm-aech: 'Kaen Dios jiw pejpaklokolan. Japonkal sitaeyaxaes. Owchiyaxaesbejpon' —aech chajia lelspx —aech Jesús Satanásliajwa.

9 Do jawɛt, Satanás pejme bɛ'folon Jesús Jerusalén paklowax poxade, pejme xapaesliajwapon Jesús. Jesús bɛ'fos Dios pejtemploba matwɛajase, kaes athɛ poxase. Jaxotse nosaspon. Jawɛt Satanás ɟɛm-aech:

—Diachwɛajnakolax xam Dios paxɛlnam wɛt, ɟamxot diwmik sat poxadik! **10** Xam sat naxbijaximil. Dios pejjamechan, chajia lelspx ɟɛm-aech:

'Dios to'axoek pej-áŋgel xam chiekal tataeflaliajwapi.

11 Xam jopam wɛt, jaelsabaxaeli naxbijasamatam ia', najala-samatambej' —aechox, Dios pejjamechan, chajia lelspx —aech Satanás Jesúsliajwa.

12 Jesús ɟɛmnot wɛt, ɟɛm-aechon:

—Xan diwaxinil. Xan chiekal matabijtax Dios natataefɛlpx. Dios pejjamechan, chajia lelspx, ɟɛm-aechbej: 'ɟNabej xapaes Dios, nejpaklokolan, asbɛan ɟɛmch taeliajwam japon xajɛp wɛt, o, xajɛpa-el wɛton weliajwa!' —aech chajia lelspx —aech Jesús Satanásliajwa.

13 Do jawut, Satanás kaes wejisal xot xapaejsliajwa, chijialison Jesúsxot. Jesús tamach waeltas. Pe asamatkoi Satanás pejme pasaxael pejme xapaejsliajwapon Jesús.

Jesús tuadutpox naewuajanax Galilea tuajnuxot

(Mt 4.12–17; Mr 1.14–15)

14 Jesús pejme kaxadin, Galilea tuajnu poxadin. Espíritu Santo kajachaxaesaxtat Jesús dukaful. Samata, japatuajnupejiw puexa chiekal naksiya Jesúsliajwa. **15** Jesús naewuajan judíos naewuajnabachanxot. Puexa jiw jumtaen wuti Jesús naewuajanpoxan, japi jum-aech chimiajamechan Jesúsliajwa.

Jesús Nazaret paklowaxxot

(Mt 13.53–58; Mr 6.1–6)

16 Jesús nawia'e Nazaret paklowax poxade, ti't poxade. Napatamatkoi wut, lechon judíos naewuajnaba poxade, pejkabuan xoton. Jaxot wut, nanton chanaexaljoeliajwa Dios pejjamechan, chajia lespox. **17** Jawut Jesús chaxduch xakoeyasfut xaljoeliajwa profeta Isaías chajia lelox. Dolison japafut ba'nat wut, faenon xaljoeyaxaelpox. Do jawut, xaljowpox jum-aechox:

18 “Dios pej-Espíritu Santo xan nachala, Dios pajut nama-kafit xot kejila naewuajnalialjwan chimiawuajan. Dios nato'abej naewuajnalialjwan babijaxan ispi, nabijatpibej Satanás pijaxtat. Japi pejnechaxoelaxan, me-ama jiw jebatat jiaspi, ja-aechpi. Dios nato'abej boejthusliajwan itliakla. Dios nato'abej bu'weliajwan jiw, jiw nabijati a sew jiw pijaxtat.

19 Dios nato'abej naewuajnalialjwan jiw amwutjel Dios bu'weyaxaelpox jiw” —aech Jesús pajutliajwa, chanaexaljow wuton Isaías chajia lelpox.

20 Do jawux, Jesús chanaexaljoeyax toet wut, xakoeyapon japafut. Chaxduton judíos naewuajnaba kajachawaesan. Do jawut, Jesús ek. Puexa jiw, jaxot chalaki, xabich natachaemaspon.

21 Jesús pejme jum-aech japiliajwa:

—Xamal jumtaenam xan xaljowx wut Isaías chajia lelpoxliajwa, amwutjel japox patlisox xamalxot —aech Jesús pajutliajwa.

22 Do jawut, puexa japi jiw jum-aechi pachaempoxan Jesúsliajwa. Japi xabich nejchaxoelachalak, Jesús jum-aech



©DCC

(San Lucas 4.16–21)

xot chamoeyaxan. Samata, nakaewa najum-aechi:

—¿Diachwujnakolax amponkatlap Jesús, José paxulan? —na-aechi.

23 Jesús matabijt japi jiw nakaewa najum-aechpox. Samata, jum-aechon:

—Xamal nejxasinka-emil naexasisliajwam xan jum-anox. Samata, xan najum-am asbuan jumch: ‘Xam asew boejthusunam wut, jamxotbej jiw boejthue!’

—am xamal. Jumchiyaxaelambej amprox xanliajwa: ‘Xanal wultaenx, Capernaum paklowaxxot koechaxan isam wut. Amxot, nejpaklowaxxotbej, koechaxan isam wut, ja-aech wut, xanal naexasisaxaelen xam naewujnamproxan’ —chiyaxaelam xanliajwa —aech Jesús japi jiwliajwa.

24 Jesús pejme jum-aech:

—Xan diachwujnakolax jum-an. Puexa profetas sitae-esal pejtujnukolaxpijw. **25-26** Wajwujnapijin, profeta Elías, Israel tujnuxot laeja wut, japamatkoijan, tres waechan y medio iam thilna-el. Samata, xabich jiw litaxaelaful potujnucha, naxaeyaxan ajil xot. Japamatkoijan Israel tujnuxot xabich watho' duil, pamaljiw naetupspi. Pe Elías to'a-esal Dios kaja-chawaesliajwapon watho', japatujnupijiw pamaljiw naetupspi. Elías to'aslax asatujnuxoxade, kajachawaesliajwapon Sarepta paklowaxpijow, Sidón tujnupijow, pamal naetupspow. **27** Wajwujnapijin, profeta Eliseo, laeja wut ampathatat, Israel tujnuxot duil xabich jiw, leprawaxae waeispi. Pe japixot kaen boejthusun-elon. Japonlax boejthut asatujnupijin, Siria tujnupijin, pawlpon Naamán —aech Jesús.

28 Japox jumtaen wuti, puexa judíos naewujnabatatri xabich palalapi Jesúsliajwa. Japi matabija Jesús kajachawaesaxisalprox. **29** Samata, xabich palala xoti, nanbapi. Do jawut, Jesús jaeltlisi. Bue'follisipon paklowax tathoetlel. Japapaklowax chiekal muxmatwujtat. Jaxot chuut xabich athu. Samata, jaxot fo'asiapi Jesús. **30** Pe jawut, Jesús xent japixot. Do jawut, Jesús chajia japatujnuxot.

Aton dep webaespoX pejmatpuaXot

(Mr 1.21–28)

31 Jesús fulaech Capernaum paklowax poxade, Galilea tʉajñulel. Napatamatkoi wʉt, jaxot judíos naewʉajñabatat Jesús jiw naewʉajan. **32** Japi jiw japox jumtaen wʉt, xabich nejcha-xoelachalaki, Jesús naewʉajan xot Dios pejkajachawaesaxtat.

33 Judíos naewʉajñabaxot, jaxot aton ekbej, pejmatpuaXot webaespon dep. Do jawʉt, japon aton nejlat wʉt, jum-aechon dep pijaxtat:

34—Jesús, Nazaret paklowaxpijnam, iXanal tamach natapaem! ¿Achaxasiamkat xanalxot? ¿Xamkat fulaeman xanal natoesliajwam? Xanal chiekal matabijax, xam Dios paxʉlnam, xabich pachaemamponam —aech dep, aton pejkaechatat nejlat wʉt.

35 Do jawʉt, Jesús jum-aech nejthʉaxtat depliajwa:

—Dep, iBoejlachde! iXam nakolde japon aton pejmatpuaXot! —aech Jesús.

Do jawʉt, japon aton satat xadapson dep puexa jiw pejwʉajñalel. Do jawʉx, dep nakolt japon aton pejmatpuaXot tabejs-elaxtat. **36** Puexa jiw xabich belwana, japox taen wʉt. Nawʉajñachaemsnapi nakaewa. Najum-aechi:

—¿Ma-aechon pejjametat dep nakolsliajwa, to'a wʉton dep? Me-ama Dios to'ason wʉt, ja-aechon. Ja-aech wʉt, iDep nakolt! —na-aech nakaewa japi jiw.

37 Do jawʉx, puexa Galilea tʉajñapijiw naksiyapi Jesúsliajwa.

Jesús boejthʉtpox Simón Pedro paem

(Mt 8.14–15; Mr 1.29–31)

38 Jesús nakolt wʉt judíos naewʉajñabaxot, fulaechon Simón Pedro pejba poxade. Jesús wʉajna Simón paem bu'xaenk. Xabich bu'tʉajnikow. Jaxotpijiw jum-aechi Jesús boejthʉsliajwa japow. **39** Jesús najult Simón paem okxot. Jawʉt waxae to'apon japow boejthʉlaliawas. Do jawʉt, japow kamta chiekal boejthʉs. Jawʉt, nantow. Do jawʉtbej, japow pajut naxaeyaxan athukow Jesúsliajwa, asew jiwliajwabej.

Jesús boejthʉtpox xabich jiw bu'xaeya

(Mt 8.16–17; Mr 1.32–34)

40 Juimt dach ek wʉt, jiw bu'xaeya buflaens Jesúslel. Japi nejmachwaxaetat bu'xaenkpi. Do jawʉt, Jesús jachafʉl

pejke-etat kaenanula jiw bu'xaenkpi. Do jawutbej, japi jiw chiekal boejthuls waxae. **41** Asew bu'xaeyaxot, dep webaespi pejmatpuatanxot, japibej boejthuton. Dep nakola wut japixot, dep nejla'bala. Nejla'bala wut, jum-aechbalapi:

—¡Xam Dios paxulnam! —aechbalapi.

Dep japox jum-aech wut, Jesús buxfiat. Jesús tapae-el dep kaes naksiyalajwa, japi chiekal matabija xot japon Cristo, Dios to'aspon jiw bu'welajwa.

Jesús naewuajanpox judíos naewuajnbachanxot

(Mr 1.35–39)

42 Sesa itliakaful wut, Jesús nakolt paklowaxxot japon tamachaliajwa. Do jawut, jiw wulwekson. Faens wuton, japi jiw jum-aechi Jesúsliajwa:

—¡Namandefuk xanalxot! ¡Nabej fulae'fuk asatuajnule!
—aechi. **43** Pe Jesús jum-aech:

—Xan naewuajnaxaelen asapaklowaxanpijiwbej. Japi naewuajnafulaxaelen chimiawuajan, Dios puexa pejjiw tato'laxaelwuajan. Dios nato'a japox isfulaliajwan —aech Jesús japi jiwliajwa.

44 Samata, Jesús naewuajnaful jiw Dios pejjamechan judíos naewuajnbachanxot, Galilea tuajnuxot, Judea tuajnuxotbej.

Xabich baxi xawawaelpox

(Mt 4.18–22; Mr 1.16–20)

5 Asamatkoi Jesús nuk pukababu'tat, Genesaret pukaxot. (Japapuka asawul, Galilea puka.) Xabich jiw Jesús tabe'nas, xabich jumtaesia xoti Jesús naewuajanpox Dios pejjamechan. **2** Do jawut, Jesús taen kolefalkam, oel wut thaejtat. Japafalkam tujil, nana xot nabaxiti, kiasliajwapi pejew chinchorro. **3** Do jawut, Jesús jul Simón pejfalkamtat. Jawutbej to'apon Simón thiklaliajwa falkam atuaxachde chadukaliajwa. Jesús falkamtat ek. Do jawut, tuaduton jiw naewuajnalialjwa, putat nuili. **4** Dolison, naewuajntax buxtoet wut, Jesús jum-aech Simónliajwa:

—¡Falkam fae'mach so'nik poxade! ¡Jaxotde xamal nejchinchorro pelsfulaxaemk baxi xawawaelalialjwam! —aech Jesús.

5 Do jawut, Simón jumnot wut, jum-aechon:

—Tajpaklon, pomadoicha xanal xabich nabaxitx. Xanal chinax kaen baxin xawaesa-enil. Pe xam naketo'am xot, chinchorro pelsaxaekan pejme —aech Simón Pedro.

6 Dolisi, jasox is wut, xabich baxi xawawaeli. Chinchorro mox pejxarsas, xabich xot baxi. **7** Simón, asew jiw suapich, itwaeipi asafalkampijiw, japi pejmatabijs kajachawaesliajwas. Japafalkam chapat wut Simónxot, xabich baxi wuluti kolefalkam. Do jawut, mox pejchabu'lapi. **8** Simón Pedro japox taen wut, brixtat nukon Jesús pejwujnalel. Do jawut, jum-aechon Jesúsliajwa:

—Tajpaklon, ¡napia'e xanxot! Xan babejnan —aech Simón Pedro.

9 Japox Simón Pedro jum-aech, japi puexa nejchaxoelanuil xot, xabich baxi xawawaelpoxliajwa. **10** Pedro chalaspi, ampi-lape. Kaen pawul Santiago. Asan pawul Juan. Japi Zebedeo paxi. Japibej nejchaxoelanuil pejfal kamtat. Do jawut, Jesús jum-aech Simónliajwa:

—¡Nabey nejlewlé! Amwutjel xam jiw tadusaxaelam japi Dios pejjiwaliaw. Me-ama xamal baxi xawawaelam wut, notam. Jasoxtatbej xamal itpaeyaxaelen jachiliajwam jiwliaw, japi jiw taj-nachalaliajwa, Dios pejjiwaliawbejpi —aech Jesús Simónliajwa.

11 Do jawut, itjuldepi paputade, thaejtade. Do jawut, puexa pejew waelalisi Jesús nakfulaeliajwa.

Jesús boejthutpox bu'xaeyan leprawaxaetat

(Mt 8.1–4; Mr 1.40–45)

12 Asamatkoi, Jesús asapaklowaxxot wut, kaen aton, bu'xaeyan, fulaen Jesúslel. Japon bu'xaenk leprawaxaetat. Taen wuton Jesús, brixtat nukon Jesús pejwujnalel, xabich sitaen xoton. Do jawut, natxatdik wut, sat makxabijindikon. Jawut jum-aechon Jesús boejthusliajwas:

—Tajpaklon, xan matabijtax xam xajupam naboejthusliajwam. Naboejthusasiam wut, ¡xan naboejthu'e! —aechon.

13 Jesús jacha wut, jum-aechon:

—Xam boejthusasian. Malis xam chiekal pachaemam —aech Jesús.

Do jawut, kamta japon aton chiekal boejthus leprawaxae.

14 Jawut Jesús jum-aech nejthu'axtat:

—¡Asew jiw nabey chapae' xam boejthutpox! ¡Majt xabua'de sacerdote poxade, japon xam taeliajwa leprawaxae boejthulpox!

Do jawux, ¡Dios chaxdu'e, me-ama Moisés chajia to'a chaxduiliajwa, xam leprawaxae chiekal boejthul xot! Jasoxtat jiw matabijaxael xam chiekal boejthulpox leprawaxae —aech Jesús japon atonliajwa.

15 Do jawut, puexa japatujnupijiw wultaena Jesús ispox. Jiw japox wultaena wut, xabich jiw papasful Jesúsxot jumtaeliajwa Jesús naewuajanpox. Japi papatbej boejthusliajwas bu'xaenkproxan.

16 Jesús boejthusful wut bu'xaeya, kaematkoisful atmaxach fulalaechpon jiwjilax poxade tamach Dios kawuajnalijwa. Jesús jasoxan ja-aech, boejthusful wuton bu'xaeya.

Jesús boejthutpox nabejkan, japon chinax laejaxilpon

(Mt 9.1–8; Mr 2.1–12)

17 Asamatkoi, Jesús jiw naewuajan wut, jaxot fariseos naewet, judíos chanaekabuanapi suapich. Japixot, asew jiw fulaen cha-aelpaklowaxanxot, Galilea tuajnueldin, Judea tuajnueldinbej. Asew jiw fulaenbej Jerusalén paklowaxxotdin. Jesús boejthusful wut bu'xaeya, puexa japibej taen, Jesús isful wut koechaxan Dios pijaxtat. **18** Do jawut, kaesuapich poejiw chaxpat kaen nabejkan. Japon ok camillatat. Japi poejiw nejchaxoel batuchade chaxleliajwapi nabejkan Jesús pejwuajnalel cha-osliajwapi. **19** Pe japi chaxleyaxil nabejkan batuchade, wuajna xabich jiw batu wuluk xot. Ja-aech wut, ba matwuajase chaxjulachi. Jaxotse bamatwuaj pinjiyax tuakapi. Do jawux, jaxotsik chakakofanpi nabejkan Jesús pejwuajnalel. **20** Chakakofan wut, nejchaxoeli: “Ampon boejthusaxaes Jesús” —aechi, nejchaxoel wut. Jesús chiekal matabijt japi nejchaxoelpox. Samata, Jesús jum-aech nabejkanliajwa:

—Xam babijaxan isampoxanliajwa beltaenx —aech Jesús.

21 Judíos chanaekabuanapi, fariseos suapich, japox jumtaen wut, nejchaxoeli: “¿Achankat ampon aton, jum-aechpon babejjamechan Diosliajwa? Japox jum-aech wuton, japox pachaema-el Diosliajwa. Kaen Dios xajup beltaeliajwa, jiw babijaxan ispoxanliajwa” —aechi, nejchaxoel wut Jesúsliajwa.

22 Do jawut, Jesús chiekal matabijt japi nejchaxoelox. Samata, wuajnachaemt wut, jum-aechon:

—¿Ma-aech xotkat xamal japox nejchaxoelam xanliajwa?

23 Kaes pejme tampa xan jumchiliajwan laejaxilponliajwa: ‘Xam beltaenx babijaxan isampoxanliajwa’ —chiliajwan. Pe

ja-an wut, jiw xan namatabijaxil, xan puexa jiw pakoewkolnanponan. Jum-an wutlax nabejkan jumtaeliajwa: ‘¡Nande! ¡Laejim!’ —an wut, japox jum-an wut, jiw diachwujnakolax xan namatabijaxael, xan puexa jiw pakoewkolnanponan. **24** Samata, xamal itpaeyaxaelen, xan puexa jiw pakoewkolnan xajuxpox jiw beltaeliajwan babijaxan ispoxanliajwa ampathatat —aech Jesús judíos chanaekabuanapiliajwa, fariseosliajwabej. Samata, Jesús jum-aech nabejkan jumtaeliajwa:

—¡Nande! ¡Nejcamilla fi'e! ¡Xalaem nejba poxade! —aech Jesús.

25 Do jawut, nabejkan nantlison puexa jiw pejwujnalel. Jawut fitlison pejcamilla. Fulaechlison pejba poxade. Fulaech wut, jum-aechfuldepon Diosliajwa: “Dios xam xabich pachaemam, naboejthutam xot” —aechfuldepon. **26** Puexa jiw chiekal taen. Majt japon nabejkan, pajut laeja-el, japon amwutjel pajut chiekal laejalison. Samata, xabich jiw nejchaxoelanuil. Do jawut, chimiajamechan jum-aechi Diosliajwa. Dios xabich sitaenlisi. Jum-aechi:

—Amwutjel taens, Dios is wut koechax —aechi.

Jesús tadutpox Leví pejnachalanliajwa

(Mt 9.9–13; Mr 2.13–17)

27 Jesús boejthut wut nabejkan, nakolton jiw natamejaxot. Do jawut, fulaech wut, taenon Leví. Japon impuesto mat-omwuljoen Roma gobiernoliajwa. Ekon impuesto mat-omwuljowxot. Jesús taen wut Leví, jum-aechon Levíliajwa:

—¡Xabua't! ¡Xan nakfulaem tajnachalnamliajwa! —aech Jesús.

28 Do jawut, Leví nant wut, puexa pejew waela wut, Jesús nakfollison.

29 Jawut Leví fiesta is pejbatat Jesúsliajwa. Xabich asew jiw pat jaxot, impuesto mat-omwuljoew Roma gobiernoliajwa. Kaes asew jiwbej pat jaxot. Japi puexa chalak xaeliajwa, Jesús suapich. **30** Do jawut, fariseos, judíos chanaekabuanapibej, pat. Japi kaemut. Japi jum-aech Jesús pejnachalaliajwa:

—¿Ma-aech xotkat xaelam, afambej, impuesto mat-omwuljoew suapich, asew babejchow suapichbej? —aechi Jesús pejnachalaliajwa.

31 Jesús japox jumtaen wut, jum-aechon:

—Jiw woen woe-el nejchaempi, japi bu'xaenka-el xot. Jiw woen fulaen bu'xaenkpi woelajwa. **32** Xanlap-is, ja-an. Xan pas-enil tadusliajwan, jiw pachaem wut, kabuan-aechpi. Xanlax patx babejchow tadusliajwan, japi kofaliajwa padujnejchaxoelaxan Dios naexaxisliajwapi —aech Jesús japijajwa.

Asew jiw xae-elpox, piach Dios kawuajnalajwa wut

(Mt 9.14–17; Mr 2.18–22)

33 Fariseos, judíos chanaekabuanapibej, jum-aech Jesúsliajwa:

—Juan pejnachala, xanal tajnachalabej, naxae-el piach Dios kawuajnalajwa wut. Pelax nejnachala, jachi-el. Japi asbuan jumch xael —aechi Jesúsliajwa.

34 Do jawut, Jesús jum-aech:

—Aton pawis fit wut, fiesta is wut, taduchpi xaeyaxaelfuk japonxot. Nejchachaemlaxaeli, pajelnakjiyan duk wutfuk jaxot.

35 Do asamatkoi, asew jiw fe'naxaeson. Do jawut, taduchpi naxaeyaxil kaematkoi suapich, xabich nejxaejwaxaes xoti. Jachiyaxaelbej, asamatkoi tajnachala nejxaejwaxaes wut, asew jiw xan nabu'fol wut. Samata, kaematkoi suapich naxaeyaxili, xan japixotaxinil xot —aech Jesús.

36 Jesús jum-aech wuajantat japi jiwliajwa. Jum-aechon:

—Pawis pejyiaf, padujax, wexaxarwas wut, pejyiaf, pajelax, tasiaplaxilow xape'sliajwa padujax yiaf xot. Japox is wut, tabejsaxaelow pajelax yiaf. Yiafbu'ch, pajelax, najupa-el xot, pachaemaxil, padujax yiaf suapich. **37** Aton wulu wutbej pajelvino padujchoxantat, japachoxan chathialfalaxael, pajelvino xabich xot pafak. Ja-aech wut, nafa'axael vino, choxan suapich. **38** Samata, jiw wulu pajelvino pajelchoxantat, choxan nadadoe'aliajwa. **39** Jiw af wut vino, piach cha-ekpot, ja-aech wut jiw fe-el, vino pajeltpot. Ja-aech, jiw nejchaxoel xot: 'Vino piach, cha-ekpot, kaes pejme pachaem' —aech xoti, nejchaxoel wut —aech Jesús.

Judíos pejnapatamatkoitat Jesús pejnachala jolbalapox trigo

(Mt 12.1–8; Mr 2.23–28)

6 Asamatkoi, napatamatkoi wut, Jesús, pejnachala suapich, trigolulantutat fol wuti, japon pejnachala trigo jolbala

xaelpaliajwa, litaxaela xoti. Kilaninapi boksliajwa trigofukal xaelpaliajwa. **2** Jaxot kaeswapich fariseos nakfol. Japi nejchaxoel: “Jesús pejnachala sitae-el napatamatkoi, jolbala wuti trigo” —aechi, nejchaxoel wut. Samata, jum-aechi Jesús pejnachalaliajwa:

—Japox isaxisal napatamatkoitat. ¿Ma-aech xotkat xamal trigo jolbalam naktapae-elmatkoitat? —aechi Jesús pejnachalaliajwa.

3 Jesús japox jumtaen wut, jum-aechon:

—Xamal xaljowam matabijaliajwam, wajwunajnapijin, wajam rey David, ispox chajiakolaxtat, xabich litaxaela wut, pejjiw swapich. **4** Do jawut, David Dios pejba, xananuamsba, lechon. Japabaxot wunajna pan oel mesamatwunajtat. Japapan ofrenda Diosliajwa. Rey David japapan xael wut, chaxduwbejpon pejjiw, japibej xaeliajwa japapan. Pe Moisés chajia lelpox jum-aech: ‘Japapan koew sacerdotescal xaeliajwa, japi nabisti Dios pejbatat. Asew jiw xaeyaxil japapan’ —aech Moisés chajia lelpox. Pe rey David Dios kastika-esal, xael wuton Dios pejew pan —aech Jesús fariseosliajwa. (Jasoxtatbej Jesús pejnachala kastikaxisal, trigo jolbala wut xaelpaliajwa napatamatkoitat.)

5 Jesús pejme jum-aech fariseosliajwa:

—Xan puexa jiw pakoewkolnan. Xan xajupx jumchiliajwan jiw isaxaelpox napatamatkoitat —aech Jesús fariseosliajwa.

Jesús boejthutpox kemamlan

(Mt 12.9–14; Mr 3.1–6)

6 Asamatkoi, napatamatkoi wut, Jesús lech judíos naewunajnaba poxade. Jaxotde wut, tuduton naewunajnalialjwa. Jaxot kaen aton ek, poklake-elel kemamalpon. **7** Judíos chanaekabuanapi, fariseosbej, japi natachaema, Jesús boejthusaxael wut kemamlan napatamatkoitat, jawut tasalialjwas Jesús. **8** Jesús matabijt japi nejchaxoelox japonliajwa. Samata, Jesús jum-aech kemamlanliajwa:

—¡Nande! ¡Nukde jiw pejwunajnalel! —aechon.

Kemamlan nant wut, nuklison jiw pejwunajnalel. **9** Do jawut, Jesús jum-aech japi jiwliajwa:

—Xamal wunajnachaemsaxaelen. ¿Achaxkat jum-aech Moisés chajia lelox? ¿Achaxkat Dios naktapaei isliajwas napatamatkoitat?

¿Isaxaeskat pachaempox? O, ¿isaxaeskat pachaema-elpox? O, ¿boejthusaxaeskat? O, ¿boesaxaeskat ampon aton? —aech Jesús.

10 Do jawut, Jesús natachaemt jiw masajiachpi. Jawut jum-aechon kemamlanliajwa:

—¡Kedolde! —aechon.

Kedolt wut, japon aton pejke-e chiekal wepachaems. **11** Pe judíos chanaekabuanapi, fariseosbej, japox taen wut, xabich palalapi Jesúsliajwa. Samata, nakaewa najum-aechi: “¿Machiyaxaeskat Jesús?” —na-aechi nakaewa.

Jesús pejnachalaxot makafitpox doce poejiw, japi apóstolesliajwa

(Mt 10.1–4; Mr 3.13–19)

12 Asamatkoi Jesús fulaech pinamuxax poxade Dios kawuajnalijwa. Jaxotse pomadoicha Dios kawuajan. **13** Do kandiawasap wut, Jesús la pejnachala, japi fulaelajwadin japonlel. Japi pat wut japonxot, japixot makanoton doce poejiw japi chalalijwaspon. Do jawut, japi wulduwpon apóstoles. **14-15** Doce poejiw, makanochpi, kaen pawul Simón. Japon asawultat wulduws. Pawulon Pedro. Asan pawul Andrés. Japon Simón pakoewan. Asan pawul Santiago. Asan pawul Juan. Asan pawul Felipe. Asan pawul Bartolomé. Asan pawul Mateo. Asan pawul Tomás. Asan pawul Santiago. Japon Alfeo paxulan. Asan pawul Simón. Japon majt asamutpijin, celotemutpijin. **16** Asan pawul Judas, Santiago paxulan. Asan pawul Judas Iscariote. Japonlap asamatkoi wiasaxael Jesús, Jesús padaelmajiwxot.

Jesús xabich jiw naewuajanpox

(Mt 4.23–25)

17 Jesús baloek muxxotsik, pej-apóstoles suapich. Baloek wut, najapnaxxot nuili. Xabich pejnachala natameja japonxot. Xabich asew jiwbej jaxot natameja. Japixot, asew Judea tujnupijiw. Asew Jerusalén paklowaxpijiw. Asew Tiro paklowaxpijiw. Asew Sidón paklowaxpijiw. **18** Japi jiw puexa patlisi Jesús naewuajanxot jumtaelajwa, boejthusliajwasbejpi bu'xaenkpoxan. Nabijatpibej dep pijaxantat, japibej pat boejthusliajwas. **19** Samata, puexa japi jiw jachasiapi Jesús, Jesús boejthusful xot jiw.

**Amxot jum-aechpox nejhachaemlax,
nejhachaemla-elpoxbej**

(Mt 5.1–12)

20 Jesús natachaemt wut puexa pejnachalaliajwa, jawut jum-aechon japiliajwa: “Xamal najut nejchaxoelam wut: ‘Dios nakkajachawaes-el wut, xajupaxinil isliajwan pachaempoxan’ —am wut, Dios kajachawaesaxael xamal. Ja-aech wut, xamal xabich nejhachaemlaxaelam.

21 “Xamal isasiam wut pachaempoxan Diosliajwa, japon kajachawaesfulaxael isfulaliajwam japoxan. Ja-am wut, xabich nejhachaemlaxaelam.

“Amwutjel nabijalaelpampim, nabijatam xot ampathatat, Dios xamal kajachawaesaxael pachaemaliajwam. Ja-am wut, xabich nejhachaemlaxaelam.

22-23 “Asew jiw nejweslaxael xamal. Japi isaxael chaemilpoxan xamalliajwa. Jumchiyaxaelbejpi xamalliajwa: ‘¡Xamal chijiamde nejele!’ —chiyaxaelbejpi. Jumchiyaxaelbejpi babejjamechan xamalliajwa. Jumchiyaxaelbejpi asew jiw jumtaeliajwa xamalliajwa: ‘Ampi jiw chaemil, babejchow xot’ —chiyaxaelbejpi. Puexa japoxan jachiyaxael, xamal tajjiwam xot, xan puexa jiw pakoewkolnan. Japoxan ja-aech wut, ¡xamal xabich nejhachaemilde! Diosxotse Dios xamal chaxduiyaxael xabich pachaempox. Samata, ¡nejhachaemilde, japamatkoi pasaxael wut! Xamal nejweslapi, japi jiw pejwujnapijiwbej chajia babijaxan is Dios pejprofetasliajwa.

24 “Xamal kemaenkampim, xabich nabijasaxaelam, xanejchaemlam xot ampathatpijaxankal.

25 “Amwutjel nejchaxoelam wut, jum-am: ‘Xan nejchaemlax, puexa xabich xot tejew’ —am, nejchaxoelam wut. Pe asamatkoi xabich nabijasaxaelam. Me-ama asew kaematkoi nafnia wut, do jawux, pejme xabich litaxaelapi, xamalbej jachiyaxaelam.

“Amwutjel xafafolampim, asamatkoi xabich noeyaxaelam, nabijasaxaelam xot. Jawutbej nejhachaemlaximil.

26 “Chajiakolaxtat Dios pejprofetakola-elpi chiekal duila-el, me-ama Dios nejxasink. Japi jiw chiekal naewujnaelbej Dios pejjamechan, japiliajwa jiw nejhachaemlaliajwas. Samata, japamatkoiyantat jiw jum-aech chimiajamechan

profetakola-elpiliajwa. Samatabej, ampamatkoiyantat jiw jum-aech wut chimiajamechan xamalliajwa, ¡chiekal taem! Xamal chiekal bej duila-emilbej. Chiekal bej naewuajna-emilbej Dios pejjamechan. Ja-am wut, xamal asamatkoi xabich nabijasaxaelam” —aech Jesús pejnachalaliajwa.

**Jesús naewuajanpox pejnachala
nejxasinkaliajwa padaelmajiw**

(Mt 5.38–48; 7.12)

27 Jesús pejme jum-aech pejnachalaliajwa: “Xamal xan nanaewetampim xan jum-anox. ¡Xamal nejxasinkde nadaelma-jiw! ¡Isde pachaempoxan xamal nejweslapiliajwa! **28** Nadaelman nejchaxoel wut babijaxan xamal chapasliajwa, ¡xamallax nejchaxoelde japon chapasliajwas pachaempoxan! Asew jiw babejjamechan jum-aech wut xamalliajwa, ¡Dios kawuajande japi jiw kastikasamatas! **29** Aton, matxoela-ison babijax xamalliajwa, ¡xamallax nabej is babijax japon atonliajwa! Samata, aton xamal ba'faselcha wut, ¡asaba'falel nej selchapon! Aton xamal wenatkowa wut sumta-otampox, ¡nej fispanox pijaxliajwa! ¡Nijax kamisbej nej fispon pijaxliajwa! **30** Aton malech xamal wuljow wut, ¡japon chaxdu'e! Asan aton natkowa wut nijax, ¡nabej wuljoe' wiasliajwapon natkowapox! **31** ¡Amalis isde pachaempoxan asew jiwliajwa, me-ama xamal nejxasinkam japi jiw isfulaliajwa xamalliajwa!” —aech Jesús pejnachalaliajwa.

32 Do jawut, Jesús pejme jum-aech pejnachalaliajwa: “Xamal nejxasinkam wut jiw xamal nejxasinkpikal, ja-am wut, ¿ma-aech xotkat nejchaxoelam Dios pachaemaxaelpox xamalliajwa? Jiw babejchowbej nakaebabejchow nanejxasink. **33** Xamal isfulam wutbej pachaempox japi jiwliajwa, japi jiw isful xot pachaempox xamalliajwa, ja-aech wut, ¿ma-aech xotkat nejchaxoelam: ‘Dios pachaemaxael xanliajwa’ —amkat, nejchaxoelam wut? Jiw babejchowbej nakaebabejchowliajwa is pachaempoxan. **34** Xamal prestam wut jiw matabijampikal, ja-am xamal japi jiw pejme wewiasliajwa prestampox, prestampox nafo'asamata. Ja-am wutbej, ¿ma-aech xotkat nejchaxoelam Dios pachaemaxaelpox xamalliajwa? Jiw babejchow nakaebabejchow napresta pejme wewiasliajwas naprestapoxan. **35** ¡Nejxasinkde nadaelmajiw! ¡Isdebej pachaempoxan japiliajwa! Prestam wut, ¡prestampoxan nabej wuajnawes! Ja-am wut,

Dios isaxael xabich pachaempox japonxotse xamalliajwa pres-tampoxanliajwa. Ja-am wut, me-ama Dios athupijin, paxulan suapich, kaenejchaxoelax, jachiyaxaelambej xamal. Dios isful pachaempoxan jiw babejchowliajwa. Asew jiw Dios kajachawaechpibej, japi nejchaxoela-el Diosliajwa. Japi jiwliajwa, Dios is pachaempoxan. **36** ¡Beltaem asew jiw! Me-ama nej-ax Dios puexa jiw beltaeful, ¡xamalbej ja-amsfulde!” —aech Jesús pejnachalaliajwa.

**Jesús buxfiatpox pejnachala,
japi jumchisamata: “Japi jiw babejchow xot,
wewe'pas Dios kastikaliajwas” —chisamatapi**

(Mt 7.1–5)

37 Jesús pejme jum-aech pejnachalaliajwa: “¡Xamal asew jiwliajwa nabej jum-aechel: ‘Japi jiw babejchow’ —nabej aeche! Ja-am wut, Dios jumchiyaxil xamalliajwa: ‘Xamalbej babejchowam’ —chiyaxilon. ¡Nabej jum-aechelbej asew jiwliajwa: ‘Japi wewe'pas Dios kastikaliajwas’ —nabej aeche! Ja-am wut, Dios jumchiyaxilbej xamalliajwa: ‘Xamal wewe'p xan kastikaliajwan’ —chiyaxil Dios xamalliajwa. Asew jiw babijaxan is wut xamalliajwa, ¡beltaem! Ja-am wut, Diosbej xamal beltaeyaxael babijaxan isampoxanliajwa. **38** Jiw wewe'pas wut, ¡chaxduim! Ja-am wut, Diosbej xamal chaxduiyaxael wewe'poxan. Asew jiw chaxduwam wut, Dios kaes pejme xamal chaxduiyaxael” —aech Jesús, pejnachala naewuajan wut.

39 Jesús pejme jum-aech, pejnachala naewuajan wut: “Nakae-itliakla namakxalaeyaxil. Itliaklan asan makxafol wut, japi kolenje kaemuthadik natacholnaxaek. **40** Estudiapon kaes pejme pachaema-el. Me-ama chanaekabuanaspon, jachi-elon. Pe asamatkoi, puexa matabijt wuton, japon najupaxael. Me-ama pejchanaekabuanan wut, jachiyaxaelon” —aech Jesús pejnachalaliajwa.

41 Do pejme Jesús jum-aech, naewuajan wut pejnachala: “Xamal najut kaes babijaxan isam wut, ¡xamal nabej naewuajne!, asan aton babijax is wut! Aton, asan kajachawaesasia wut, chaelaxach, ast it-okspon, japon pajutlax kaes pejme pinjiyax naetamat it-oks wut, jasoxtat japon aton asan aton kajachawaesaxil. **42** Xamal kaes babijaxan isam wut, ¡nabej jum-aechel

asanliajwa: ‘Xam naewuajnaaxaelen, babijax is-elaliajwam’ —nabej aeche!, naekichachajbapijnam wut! ¡Majt xamal kofim babijaxan isfulampoxan! Ja-am wut, pachaemaxael asan aton naewuajnalialjwam japon kofslialjwa babijaxan ispoxan” —aech Jesús pejnachalaliajwa.

**Pejbaech pachaem wut,
matabijaspoj japanae pachaempox**

(Mt 7.17–20; 12.34–35)

43 Jesús pejme naewuajan wut pejnachala, jum-aechon: “Pachaemnae naboet wut, pejbaechbej pachaem. Chaemilnae naboet wut, pejbaechbej chaemil. **44** Kaenanula naebaech-naechan matabijas pejbaechtata. Na-e'naexot tus-el higobaech. Ja-aechbej uvadunanliajwa. Uvadunan chajalka-eli na-e'naexot. **45** Ja-aechbej jiwliajwa. Aton, wepachaemspoon pejnechaxoelax, japon aton naksiya pachaempoxan. Aton, wepachaema-esalpon pejnechaxoelax, japonlax naksiya babejjamechan. Japi kolenje japoxan naksiya, pejnechaxoelaxanxot nakolapoxan” —aech Jesús, naewuajan wut pejnachala.

Jesús naksiyapox kolebalialjwa

(Mt 7.24–27)

46 Do jawut, Jesús pejme jum-aech, naewuajan wuton doce pejnachalaliajwa, asew jiwliajwabej: “Xamal naexaxis-emil wut xan jum-anpox, ¿ma-aech xotkat najum-am: ‘Tajpaklon, tajpaklon’ —na-amkat? **47** Xanlel fulaenpon, japon xan nanaewet. Nanaexasitbejpon xan jum-anpoxan. Xamal jumchiyaxaelen, achan kabuan-aech xanlel fulaenpon. **48** Japon aton ba isan, kabuan-aech. Kowpon sat tinkxot ba isliajwa. Nosnaechan muthapon. Do jawux, pejba toet wut, pinamin pat wut, japaba taxu'palaxil, chiekal isas xot sat tinkxot. **49** Xan jum-anpox jumtaenpon, pe naexaxis-el wuton, japon aton, me-ama thaejtat ba ispon, kabuan-aechon. Nosnaechan muthapon thaejtat. Dolison pejba isax ketoet wut, pinamin wut, japaba chiekal juwul, jaxot thaejtkal xot. Samata, japaba chiekal toep” —aech Jesús, naewuajan wut doce pejnachalaliajwa, asew jiwliajwabej.

Jesús boejthutpox soldawcapitán pamakan

(Mt 8.5–13)

7 Jesús bũxtoet wũt naewũajnax, fũlaechon Capernaum paklowax poxade, doce pejnachala suapich. **2** Capernaum paklowaxxot duk soldawcapitán, Roma gobiernoliajwa nabistpon. Japon capitán xabich nejxasink pamakan. Japon pamakan xabich bũ'xaenk. Mox pawũajnapon tũpaliajwa. **3** Japon capitán wũltaen Jesús jiw boejthũsfũlpox. Samata, capitán to'a kaesũapich judíos-ancianos japi bũflaeliajwadin Jesús, boejthũsliajwapon capitán pamakan. **4** Dolisi, Jesúsxot pa'a wũt, xabich tadũti Jesús. Jũm-aechi Jesúsliajwa:

—Tajpaklon, kijũm-amse, capitán xabich pachaempon. Samata, jxam nakfũlaem xanal japon pejba poxade, japon pamakan boejthũsliajwam! **5** Japon capitán naknejxasink xatis judíos. Japonbej nawemot asew jiw isliajwa xanal tajnaewũajnabaliajwa —aech judíos-ancianos Jesúsliajwa.

6 Do jawũt, Jesús nakfol japi. Dolison, mox wũtlejen capitán pejba pasliajwa, capitán to'a pejnachala japi bũ'kakũlnaliajwa Jesús. Do jawũt, bũxto'abejpon pejnachala japi jũmchiliajwa Jesús: “Tajpaklon, xam kaes mox pasaximil tajcapitán pejba. Japon jũm-aech: ‘Xan kaes pachaema-enil Jesús pasliajwa tajba, japon kaes pejme paklon xot. **7** Samata, xan tajut fũlae-enil wũljaesliajwan Jesús. jJaxotde nej nawiaspon! jNej jũm-aechapon tamakanliajwa, japon boejthũlaliajwas! Ja-aech wũt, tamakan naweboejthũlaxaes. **8** Xanbej tajpaklochow. Japi naketo'a wũt, xan ow-an. Xanbej soldawcapitánan. Kaen to'ax wũt, japon na-ow-aech. Asan lax wũt, japon fũlaen. Tamakan keto'ax wũt, japox chiekal jinawe-ison. Jesúsbej tato'lan. Jũm-aech wũton tamakanliajwa, tamakan chiekal boejthũlaxaes’ —aech soldawcapitán, xanal nabũxto'a wũt xam jũmchiliajwan” —aech soldawcapitán pejnachala Jesús jũmtaeliajwa.

9 Jesús japox jũmtaen wũt, capitán jũmxato'apox, japonliajwa xabich nejchaxoelanukon, xabich xanaboejtas xot. Do jawũt, Jesús natfo'cha wũt, natachaemton jiw fũlafospilel. Do jawũt, jũm-aechon japiajwa:

—Diachwũajnakolax xamal jũm-an. Israel tũajnũxot aton tae-enil, xan xabich naxanaboejtpon, me-ama japon aton, jason —aech Jesús soldawcapitánliajwa, jũmtaeliajwa fũlafospipon.

10 Jawüt capitán to'asi nawia capitán pejba poxade. Pa'a wüt, taenlisi capitán pamakan chiekal boejthulsopox.

**Jesús mat-etpox pamal naetupspow
paxulan, pejme dukaliajwa**

11 Asamatkoi Jesús fùlaech wüt Naín paklowax poxade, pejnachala nakfolspon. **12** Paklowax mox itwefol wüti, Jesús taen, asew jiw patupan muthsliajwa chaxfol wüti paklowax tathoetlel. Patupan pen, pamal naetupspow. Japow kaen paxulan tupon. Xabich jiw, Naín paklowaxpijiw, fülchallas. **13** Jesús japow taen wüt, beltaenpon. Do jawüt, jüm-aechon japowliajwa:

—¡Nabej wunoe! —aech Jesús.

14 Japox jüm-aech wüt, Jesús mox soepan patupanxot. Do jawüt, Jesús camilla takuksaba wüt, patupan chaxfoli chaxnuiljaba. Do jawüt, Jesús jüm-aech patupanliajwa:

—Pansian, xan jüm-an xamliajwa: ‘¡Mat-e'e pejme dukaliajwam!’ —an xan —aech Jesús.

15 Do jawüt, patupan chalechkal mat-et. Mat-et wüt, naksiyalison. Do jawüt, Jesús jüm-aech japon penliajwa:

—Ma naxulan —aech Jesús.

16 Jiw japox taen wüt, puexa xabich belwanapi. Jüm-aechnapi:

—Dios xabich mamnik. Xajup puexa isliajwa. Poklaprofeta-kolan patlison xatixxot. Dios fùloek kajachawaesliajwa pejjiw —aechnapi Jesúsliajwa.

17 Xabich jiw, Judea tujajnapijiw, mox duilibej Judea tujajnuxot, japi wultaena Jesús patupan mat-etpox.

**Juan, jiw bautisan, japon to'apox kolenje
pejnachalan Jesús poxade**

(Mt 11.2–19)

18 Juan, jiw bautisan, jiw jebatat jias wüt, pejnachala chapaeflas Jesús isfùlpoخانliajwa. Asamatkoi Juan wullala kolenje pejnachalan, japi to'aliajwapon Jesús poxade. **19** Juan japi buxto'aliajwa wüt, jüm-aechon: “Jesús wujajnaemtam wüt, jüm-amopon: ‘¿Xamkatlap diachwujajnakolax Cristowam, jümduchponam puexa jiw bu'weliajwam? Xam Cristowa-emil wüt, ¿xanalkat kaes wujajnawesaxaelen asan pasaxaelpon?’

—amo Jesús!” —aech Juan, buxto'a wut kolenje pejnachalan. **20** Juan pejnachala pat wut Jesúsxot, jum-aechi ampox:

—Juan, jiw bautisan, xanal nabuxto'a xam wuajna-chaemsliajwan. ¿Xamkatlap diachwuajnakolax Cristowam, Dios jumduchponam puexa jiw bu'weliawam? Xam Cristowa-emil wut, ¿xanalkat kaes asan wuajnawesaxaelen, pasaxaelpon? —aech Juan pejnachala Jesúsliajwa.

21 Do jawut, japi pejwuajnalel Jesús xabich jiw bu'xaeya boejthut, bu'xaenki nejmachwaxaetat. Jiw, pejmatpuatanxot dep webaespi, to'apon dep nakolaliajwa jaxot. Boejthutbejpon xabich itliakla japi taeliajwa. **22** Do jawut, Jesús jum-aech Juan pejnachalaliajwa:

—¡Xabua'de! ¡Nawem Juan poxade! Juanxot patam wut, ¡Juan chapaem koechaxan taenamponan, wultaenamponanbej! Juan chapaeyam wut, ¡jum-amo: 'Itliakla chiekal taen. Nabejka-bej chiekal laelp. Piach leprawaxaetat bu'xaenkpiwej, japi chiekal boejthuls. Naetakuatabej chiekal jumtaen. Patupabey mat-ias pejme duilaliajwa' —amo Juan, chapaeyam wut! ¡Chapaem-bejpon naewuajnaxpoxan kejila, japiwej naexasisliajwa, Dios bu'weliawasbejpi babijaxan ispoxanliajwa! **23** Juan chapaeyam wutbej, ¡jum-amopon: 'Nejmach-aton chiekal naxanaboejsful wut, nanaexasisful wutbejpon xan Cristowanponan, japon aton nejchachaemlafulaxael' —amo Juan, chapaeyam wut! —aech Jesús Juan pejnachalaliajwa.

24 Do jawux, Juan pejnachala nawia Juan poxade. Nawia wuti, jawut, Jesús tuadut jiw jumchiliajwa Juanliajwa. Jum-aechon: “Juan, jiw bautisan, pajilaxxot duk wut, xamal fulaemch japoxade. Fulae-emil taeliajwam muifurtuat joewa ju'baspox. **25** Xamal fulaemildebej taeliajwam kaen aton chamoeyaxan naxoelpon. Xamal chiekal matabijam, chimianaxoeipi duila-el pajilaxtat. Jiw chimianaxoeipi duil chimiabachantat. Japi duil paklochow pejbachantat. **26** Xamallax fulaemch taeliajwam profeta. Diachwuajnakolax jum-an. Xamal Juan taenam wut, taenam poklaprofetakolan. **27** Dios pejjamechan, chajia lelsxot, jum-aech Dios najum-aechpox xanliajwa, Juan isaxaelpoxliajwa: ‘Wua, xam wuajna tajprofeta to'axaelen japon jiw naewuajnafulaliajwa tajjamechan, xam patam wut jiw chiekal naexasisliajwa xam' —aech chajia lelsxot Dios najum-aechpox xanliajwa, Juan isaxaelpoxliajwa.

28 Kaes pejme pachaempi, profetas, ajil, me-ama Juan, jiw bautisan, jasi. Pe nakiowa, Diosxotse wut, jaxotse japi jiw puexa chiekal isful Dios nejxasinkpoxan. Japi kaes pejme pachaemael Dios pejuwajnalel. Me-ama Juan ampathatat, jachiyaxili” —aech Jesús.

29 Xabich jiw jumtaen Juan naewwajanpox. Impuesto mat-omwuljoewbej jumtaen. Japi naexasit wut, Juan japi jiw bautisa, japi matabija xot Dios xabich pachaempon. **30** Fariseos, judíos chanaekabuanapibej, naekuanjiamt Juan naewwajanpox. Isfula-eli Dios nejxasinkpox. Samata, Juan japi jiw bautisa-el.

31-32 Do pejme Jesús jum-aech jiwliajwa: “Ampamatkoiyantat jiw duilpi ampathatat, japi jiw, me-ama yamxi wut, ja-aechi, kaenejchaxoelaxa-el xot. Me-ama yamxi chalak paklowax-plazaxot nakakujsliajwa, ja-aech japi jiw. Yamxi chalak wut, pejnachala swapich, nakaewa najum-aechi: ‘Xanal toela nababax xamal nababoelaliajwam. Pe xamal nababoela-emil, jumtaenam wut toela. Xanal jajui jajuwxbej xamal noeliajwam. Pe xamal noe-emil, jumtaenam wut’ —na-aech nakaewa yamxi, nalot wut plazaxot. **33** Juan, jiw bautisan, japon ampathatat wut, Dios pejjamechan naewwajnafulon. Xabich piach naxae-elon, Dios kawwajnalialjwa wut. Vino fe-elbejpon. Ja-aech wut, xamal jum-am: ‘Juan dep webaes pejmatpuatxot’ —amsfulam. **34** Do jawux, xan, puexa jiw pakoewkolnan, fulaenx. Xanlax puexa xaelx. Puexa afxbej. Ja-an wut, xamal jum-ambej xanliajwa: ‘Japon xabich xaemaenk. Femaenkbejpon vino. Pejnachala babejchowbej. Pejnachalabej impuesto mat-omwuljoew Roma gobiernoliajwa’ —am xamal xanliajwa. **35** Pelax jiw matabijasiapi Dios, japi naexasisful Juan jum-aechpoxan, xan jum-anpoxanbej. Japi matabijaxael diachwujnakolaxpox Juanliajwa, xanliajwabej” —aech Jesús jiw naewetiliajwa.

Jesús taduchpox xaeliajwa fariseo pejbatat

36 Fariseo-aton, pawulpon Simón, japon tadut Jesús xaeliajwa japon pejbatat. Samata, Jesús fulaech japon pejba poxade xaeliajwa, japon swapich. Jesús pat wut, ekon mesaxot. **37** Japapaklowaxxot pawis duk. Japow asew poejiw bu'moejtpow plata kanaliajwa. Japow wultaen Jesús xaeyaxaelpox Simón pejbatat. Samata, japow fulaech japaba poxade Jesús taeliajwa. Japow xapat perjumamint alabastro-ia' batiajtat, chiekal

wulukat. **38** Dolisow, brixtat nuk Jesús pejtuaaktabijla, Jesús chafanalijwas perjumamint. Japox isliajwa wut, chalechkal noeyax tuadutow, xabich nejxaejwas xot babijaxan ispoxanliajwa. Pej-itmin natacholan Jesús pejtuaaktamet. Do jawut, pejmatlatat Jesús tuaktamejoeipow. Tuaktamesuwpow Jesús. Japaperjumamintat chafanpow Jesús pejtuaaktame. **39** Simón, japon tadutpon Jesús xaeliajwa, taen wuton japox, nejchaxoelon Jesúsliajwa: “Diachwujnakolax ampon profeta wut, matabijsaxaelon, achaow japow pawis. Matabijsaxaelbejpon japow babejowpow” —aech Simón, nejchaxoel wut Jesúsliajwa. **40** Simón japox nejchaxoel wut, Jesús jum-aech:

—Simón, xam asax jumchisian —aech Jesús.

Simón jumnot wut, jum-aechon:

—Jiw chanaekabuanan, ijum-amde najumchisiampox! —aechon.

41 Do jawut, Jesús jum-aech:

—Plata prestapijin, kolenje aton plata dewataspon. Kaen dewatas quinientos denarios. Asan dewataspon cincuenta denarios. **42** Japi kolenje plata kekil wewiasliajwapi prestaspon. Samata, prestapijin jum-aech japijliajwa: ‘Xamal nadewatampoxan xan kaes mat-omwuljoeyaxinil’ —aechon. Japox jum-aech wut, ¿achankat japi kolenjexot kaes pejme nejxasinkaxaes? —aech Jesús Simónliajwa.

43 Simón jumnot wut, jum-aechon:

—Kaes dewatpon, japon kaes nejxasinkaxaes —aech Simón Jesúsliajwa.

Do jawut, Jesús jum-aech:

—Diachwujnakolax xam chiekal xatbijam —aech Jesús Simónliajwa.

44 Do jawut, Jesús natachaemt wut pawis, pejme jum-aechon Simónliajwa:

—Xam taenam pawis ispox. Nejba lowx wut, nachaxdus-emil min xan tajtuak kiasliajwan, me-ama xatis wajkabuan. Ampow pawislax natuakkiat pej-itmintat. Natuakmo'tbejpow pejmatlatat. **45** Nejba patx wut, naxusui-emil chiekal nabu'kulsliajwam. Ampow pawislax, xan ba lowx wut, natuaksuw, nasitaen xotow. **46** Chiekal nabu'kulsliajwam, xan namatnaechafana-emil olivosimint. Ampowlax perjumamint natuakchafan. **47** Samata, jum-an: “Japow babijaxan ispoxanliajwa,

wexabichaspoخان, beltaens, xabich xan nanejxasink xotow” —an xan. Jiw kaesʉapich babijaxan ispoخانliajwa beltaens wʉt, japi kaesʉapich itpaeyaxael pejnejaxisyax Diosliajwa —aech Jesús Simónliajwa.

48 Do jawʉt, Jesús jʉm-aech japowliajwa:

—Xam babijaxan isampoخانliajwa xan beltaenx —aech Jesús.

49 Asew jiw tadʉtaspi xaeliajwa Simón pejbatat, japi nakaewa nakawʉajnachaemt wʉt, jʉm-aechi:

—¿Achanat ampon hasta jiw babijaxan ispoخان beltaeliajwa? —na-aechi nakaewa.

50 Jesús jʉm-aech pawisliajwa:

—Xabich naxanaboejtam xot, Dios xam bu'wia nejbabijaxan. Samata, jxabʉa'de nejmach! —aech Jesús.

Watho' kajachawaetpox Jesús

8 Jesús Simón pejbaxot wʉt, japoخwʉx, mathʉnlison xabich paklowaxan, cha-aelpaklowaxanbej. Jesús japa-paklowaxanpijiw naewʉajnafʉl chimiawʉajan, Dios puexa pejjiw tato'laxaelwʉajan. Doce apóstolespi, japi chala Jesús. **2** Chalasbejpon asew watho'. Japi watho' majt pejmatpʉatantat dep webaesi. Jesús chajia dep to'a nakolaliajwa japi watho'xot. Japi watho'xot, Jesús boejthʉtbej, chajia majt bu'xaenk wʉti. Japixot, kaeow pawʉl María. Japow Magdala paklowaxpijow. Japow majt pejmatpʉatantat siete dep webaes. Jesús dep to'a nakolaliajwa japow pejmatpʉatxot. **3** Jaxotbej asaow. Japow pawʉl Juana. Japow Cuza pijow. Japon Cuza, rey Herodes pejba tataeflan. Jaxotbej asaow. Japow pawʉl Susana. Jaxotbej kaes asew watho'. Japi watho' pejewtat kajachawaeti Jesús, pejnachalabej.

Trigo pejwʉajan, xasaljabapon

(Mt 13.1–23; Mr 4.1–20)

4 Xabich paklowaxanpijiw fʉlaen Jesús taeliajwa. Samata, xabich jiw natameja Jesúsxot. Jesús naewʉajan wʉt, wʉajantat jʉm-aechon: **5** “Kaen aton fʉlaech pejlul poxade, trigo xasaljabaliajwa. Xasaljaba wʉt, kaesʉapich natacholan nuamtat. Dolisdo', jiw xaxena wʉt, japi trigo sae'enas. Do jawʉx, japafu mia xaes. **6** Kaesʉapich trigo natacholan ia'xot. Jaxot as xanaja'al. Do

jawux, japi trigo naboela wut, xabich masxaenk wutbej, japi trigo masxae selnas, sat chiekal pesnika-el xotdik. **7** Kaesapich trigo natacholan na-e'lü tasiaptasxot. Japi trigo naboela wut, jawutbej, na-e'lü naboela. Na-e'lü tapae-el trigo ti'sax, na-e'lü kaes athu xot. **8** Asew trigo natacholan sat pachaemxot. Japi trigo chiekal naboela. Ti't wut, trigoton chiekal naboet. Trigoton naboet wut, kaenanula hasta cien trigo naboet” —aech Jesús.

Jesús japox jum-aech wut, pinjemetat jum-aechon: “Xamal matabijiam wut Dios pejnechaxoelax, jchiekal nanaewe'e xan jum-anpox!” —aech Jesús.

Ma-aech xot Jesús xabich naewuajan wuajantat

(Mt 13.10–17; Mr 4.10–12)

9 Pejnachala, japi wuajnachaemt Jesús, chiekal matabijasia xoti, achax chiyaxael japox wuajan, Jesús naewuajanpox. **10** Do jawut, Jesús jum-aech chiekal chanaekabuanaliajwapon pejnachala: “Dios xamal tapaei matabijaliajwam Dios tato'laxaelpox pejjiw. Asew jiw naewuajna x wut wuajantat, jumtaeni. Pe japi matabijaxil, achax chiyaxael japox wuajan. Taen wuti koechaxan isxroxan, japi matabijaxil, ma-aech xot xan japoxan isx” —aech Jesús pejnachalaliajwa.

Jesús chiekal chanaekabuanapox trigo pejwuajan, xasaljabapon

(Mt 13.18–23; Mr 4.13–20)

11 Do pejme Jesús jum-aech pejnachalaliajwa: “Amwut xamal chiekal chanaekabuanaxaelen trigo xasaljabapon pejwuajan. Japon aton, trigo xasaljaba satat. Japawuajantat ‘Trigo’ —aech wut, japox jumchiliajwa: ‘Dios pejjamechan jiw naewuajnaspox jumtaeliajwa, naexaxisliajwabejpi pejnechaxoelaxantat’ —chiliajwa japox. **12** ‘Trigo, natacholanpi nuamtat’ —aech wut, japox jumchiliajwa: ‘Dios pejjamechan jiw naewuajnas wut, japajamechan jumtaeni, do jawut, kamta nekiowbejpi jumtaenpoxan. Do jawutbej, Satanás pat japi jiw xot, japon, me-ama mia, Dios pejjamechan wenosliajwas jiw pejnechaxoelaxanxot. Samata, japi jiw Dios pejjamechan chiekal naexaxisaxil Dios bu'weliajwas’ —chiliajwa japox. **13** ‘Trigo, natacholanpi ia'xot’ —aech wut, japox jumchiliajwa: ‘Jiw Dios pejjamechan jumtaen wut, japi jiw kamta naexasiti. Ja-aech

wʉt, japi jiw nejchachaemil kaematkoiliajwa. Do jawʉx, Dios naexasit xoti, asew jiw bu'wʉajanpaeispi. O, chaemilpox weta-pachpi. Do jawʉt, japi kaes Dios xanaboeja-el. Samata, me-ama trigotathin kasnika-el wʉt, naboos-el, ja-aechlap-is japi jiw. Do jawʉt, Dios pejjamechan naexasitpox kofapi' —chiliajwa japox. 14 'Trigo, natacholanpi na-e'lu tasiaptasxot' —aech wʉt, japox jumchiliajwa: 'Jiw Dios pejjamechan jumtaen wʉt, kamta naexasiti. Do jawʉx, kofalisi, asaxan matakas xot pej-nejchaxoelaxan, xabich nejchaxoel xotbej ampathatpijaxankal. Nejchaxoelbejpi xabich kemaenkaliajwa. Nejchaxoelbejpi isfulaliajwa pajut nejxasinkpoxan. Samata, pejxanaboejaxan Diosliajwa kaesfulaxil' —chiliajwa japox. 15 'Trigo, natacholanpi sat pachaemxot' —aech wʉt, japox jumchiliajwa: 'Jiw jumtaen wʉt Dios pejjamechan, japi jiw chiekal naexasisful naewʉajnaspox. Kofa-eli naexasisfulpox. Ja-aech wʉt, japi chiekal Dios xanaboejaful wʉt, me-ama trigoton xabich naboeti, ja-aech japi jiw' —chiliajwa japox" —aech Jesús, chiekal chanaekabuana wʉt pejnachala.

Lámpara pejwʉajan

(Mr 4.21–25)

16 Do pejme Jesús jum-aech pejnachalaliajwa: "Jiw lámpara tamdut wʉt, asaxtat matakasaxil. Cha-esaxilbej camabuxfaltat. Jiwlaw athu cha-esaxael bamuxnaetat, batu chiekal itliakaliajwa, lalenapi chiekal taeliajwa. 17 Ja-aechbej tajnaewʉajnaxliajwa. Puexa japoxan, moechaspoxan, asamatkoi tulaelaxaesi. Puexa tajnaewʉajnax, amwʉtjel matabija-esalpoxfuk, asamatkoi japoxan chiekal matabijaxaes" —aech Jesús pejnachalaliajwa.

18 Do pejme Jesús jum-aech pejnachalaliajwa: "¡Chiekal naewe'e xan jum-anpox! Tejew chiekal nawetataefulpon, japon aton kaes pejme chaxdusaxaelen. Asanlax chiekal nawetataefla-elpon tejew, kaesʉapich nawetataefulpox, kefisaxaeson" —aech Jesús pejnachalaliajwa.

Jesús pen, japon pakoewbej, japi nospaesiapox, Jesús ʉapich

(Mt 12.46–50; Mr 3.31–35)

19 Do jawʉt, Jesús pen, japon pakoewbej, mox pa'an Jesús naewʉajanxot jiw. Pe japi leyaxil kaes mox pasliajwadin

Jesúsxot, xabich wuajna jiw ba wulak xot. **20** Do jawut, batutat aton jum-aech Jesúsliajwa:

—Jiw chanaekabuanan, nej-en, nakoewbej, pa'an. Japi nuil tathoetat. Xam taesiapi —aechon.

21 Do jawut, Jesús jum-aech jaxotiliajwa:

—Jiw jumtaenpi Dios pejjamechan, naexasit wutbejpi, japi jiw, me-ama taj-en, takoewbej, ja-aechi —aech Jesús.

Jesús fiatpox joewa, truxanbej

(Mt 8.23–27; Mr 4.35–41)

22 Asamatkoi Jesús jum-aech:

—¡Chijias puka we-enlelde! —aechon.

Do jawut, Jesús jul falkam, pejnachala suapich. Jawut chaflaechlisi. **23** Pukatutat chafol wuti, Jesús nejmach moejt. Ja-aech wut, chalechkal xabich pinajoewa, pintruxanbej, pat. Falkamtu xabich min fajabas. Samata, xabich chachoel, chabulaxael xoti. **24** Jawut japi thikapi Jesús. Jum-aechipon:

—Tajpaklon, ¡nathikde! —aechi.

Do jawut, Jesús nant wut, fiatlison joewa, truxanbej. Fiat wut, joewa chiekal toep, truxanbej. Jawut puka chiekal itnapatan.

25 Do jawut, Jesús jum-aech pejnachalaliajwa:

—¿Amekat xamal xan naxanaboejampox? —aech Jesús.

Do jawut, puexa xabich belwanapi. Xabich nejchaxoelanuil-bejpi. Samata, nakaewa najum-aechi:

—¿Achankat ampon aton? Joewa, pukabej, fiat wut, ¡naexasichpon! —na-aechi nakaewa.

Jesús to'apox dep nakolaliajwa aton pejmatpumatxot

(Mt 8.28–34; Mr 5.1–20)

26 Jesús, pejnachala suapich, puka we-enlelde chapa'a Gerasa tuajnxotde. Gerasa tuajnu Galilea tuajnutabijla. **27** Itjul wuti, Jesús putat nant wut, kaen aton japatuajnuipijin fulaen Jesúsleldin. Japon aton pejmatpumatxot dep webaes. Piach bu'jumchalaejapon. Duka-el batat. Japon duk tupi muthasxot. **28** Jesúsxot pat wuton, japon nuk brixtat Jesús pejwuajnalel. Nejlat wut, jum-aechon:

—Jesús, ¡Dios athupijin paxulan! ¿Achaxasiamkat xanxot? ¡Xam jum-an natalias-elaliajwam! —aech japon aton pejmatpumatxot webaespon dep.

29 Dep webaespon japox jum-aech, Jesús to'a xot dep nakolaliajwa japon aton pejmatpuatxot. Japon aton xabich mamnik dep pijaxtat. Jesús pas-el wutfuk, pin-iaveces japon aton dep pijaxtat xabich chachael jiwliajwa. Chalechkal japon aton, me-ama n-achanat wut, ja-aech xoton. Samata, jiw muaxwasixawaekson cadenamuatat. Tuakwasixawaeksbejpon, asey jiw chiekal tataeflaliajwas. Jasoxtat japon xawaeks wut, cadenamua likton. Ja-aech wut, dep pijaxtat najaeton pajilax poxade. **30** Jesús wuajnaemt wut dep webaeson, jum-aechon:

—¿Achawulamkat xam? —aech Jesús.

Japon jumnot wut, jum-aechon:

—Xan tawul Xabich —aechon.

Jasox japon aton jum-aech, pin-iat dep webaes xoton pejmatpuatxot. **31** Dep xabich jum-aech Jesús to'asamatas infierno poxadik. **32** Muaxleltat pin-iat maran naxaelp. Samata, dep jum-aech Jesúsliajwa:

—Ampon atonxot nakolax nato'asiam wut, jnatapaem xanal leliajwan maranxot! —aech dep Jesúsliajwa.

Do jawut, Jesús tapaei dep leliajwa maran pejmatpuatanxot. **33** Dolisdo', Jesús to'a dep nakolaliajwa japon aton pejmatpuatxot. Jawut dep low maranxot. Do jawut, japi maran dukp chuataidik, puka poxadik. Jaxotdik puexa maran chiekal bu'al.

34 Do jawutbej, maran tataefulpi japox taen wut, pejlewt dukpi pejpaklowax poxade chapaeliajwapi taenpox. Do jawut, chapaelisi japapaklowaxpijiw, mox duilpibej. **35** Do jawut, jiw fulaen pajut chiekal taeliajwa jumtaenpox. Pat wut Jesúsxot, taenlisi japon aton, ek wuton Jesús pejwuajnael, dep wej-sal xotlison. Bu'la-eklison naxoelax. Chiekal pachaemlison. Fulaenpi japox taen wut, xabich beljowpi Jesúsliajwa. **36** Taenpi Jesús ispox japon aton chiekal pachaemaliajwa, japi chapaei taenpox fulaeniliajwa. **37** Do jawux, puexa Gerasa tuajnpurijiw xabich jum-aechi Jesús chijiyaliajwa japixot, xabich pejlewla xoti Jesúsliajwa. Samata, Jesús falkam jul chijiyaliajwa japatuajnuaxot. **38** Do jawut, majt dep webaeson, xabich kawuajan nakfulaeliajwapon Jesús. Pe Jesús tapae-el japon aton nakfulaeliajwas. Jesús to'a japon aton namanaliajwa pejtujnuaxot. Jum-aechon: **39**—¿Nawiamach nejba poxade! ¿Nejjiw chapaem puexa Dios ispox xamliajwa! —aech Jesús.

Doliso', majt dep webaeson, fúlaeclison pejba poxade. Puexa paklowaxpijiw chapaefúllison Jesús ispox japonliajwa.

Amxot jum-aechox Jesús pawis boejthutpoxliajwa, asaow patupow mat-etpoxbejliajwa, pejme dukaliajwapow

(Mt 9.18–26; Mr 5.21–43)

40 Jesús Gerasa tujnulel nawian wut puka we-enleldin, xabich jiw wujnawechnon. Xabich nejchachaemili, Jesús taen wut. **41** Jawut Jairo pat Jesúsxot. Japon judíos naewujnabaxot tato'lan. Jairo taen wut Jesús, brixtat nukon Jesús pejuajnalel. Sat makxabijindikbejpon. Jawut Jairo jum-aech Jesúsliajwa:

—Xam tadutx nakfúlaeliawam tajba poxade. **42** Taxulow, kaekolowpow, doce waechanpow, mox pawujna tupaliajwa —aech Jairo Jesúsliajwa.

Do jawut, Jesús nakfol wut Jairo, jiw xabich pin-iat nakfolbej. Jiw xabichfú Jesús pejuajnalel, wuchakallelbej. Natabe'nafúli. **43** Japi jiwxot kaeow pawis wuchakal fol. Japow bu'xaenk. Pejlaw wut, jal chiekal wematduka-esal. Doce waechan japow jasoxtat bu'xaenkpox. Xabich jiw woew wualachipow. Pe chinax kaen boejthús-esal japow. Xadaeptow puexa pejew plata nawoe-yaxtat. **44** Japow Jesús wuchakallel moxdepow. Do jawut, Jesús sumta-otox matdukafúlpox jajastow. Jawut japow kamta chiekal boejthúls. Jalbej chiekal matduk. **45** Do jawut, Jesús wujnachaemt wut, jum-aechon:

—¿Achankat xan najajast? —aechon.

Jawut puexa jiw jum-aechna:

—¡Xanalxot xam jacha-enil! —aechi.

Jawut Pedro jum-aech:

—Tajpaklon, xam jiw xabich tabe'nafúli, nakfol xoti —aech Pedro.

46 Do pejme Jesús jum-aech:

—Kaendo' najajast. Xan chiekal matabijtax kaen boejthutxpo —aech Jesús jiwliajwa.

47 Japow nejchaxoel: “Jesús matabijt xan naboejthutx. Samata, xan nawoesa tulaela jumchiyaxaelen” —aechow, nejchaxoel wut. Do jawut, japow tathúlal pejewt. Jawut brixtat nukow Jesús pejuajnalel. Jawutbej puexa jiw pejuajnalel chapaepow, ma-aech xot jajastow Jesús. Chapaibejpow chiekal

boejthulsox, jajast wutow Jesús naxoelpox. **48** Jesús jum-aech japowliajwa:

—Jam, amwutjel xam chiekal pachaemam, xan chiekal naxanaboejtam xot. ¡Xabua'de nejmach! —aech Jesús.

49 Jesús naksiya wutfuk, Jairo pamakan pat Jesúsxot. Japon jum-aech Jairo jumtaeliajwa:

—Naxulow tuplisow. Samata, inabej talias jiw chanaekabuanan, nejba poxade nakfulaesamata! —aech Jairo pamakan.

50 Jesús jumtaen wut Jairo pamakan jum-aechpox, naekuanjiamton. Samata, Jesús jum-aech Jairoliajwa:

—¡Nabej nejlewlé' naxulow tupproxliajwa! ¡Dioskal xanaboejde! Naxulow Dios mat-esaxaes pejme dukaliajwa —aech Jesús.

51 Jesús nakpat wut Jairo pejbaxot, tapae-elon asew jiw leliajwa. Jawut tapaeipon leliajwa Pedro, Santiago, Juan, Jairo, japon pijowbej. Japikal tapaeis leliajwa. **52** Wuajna tathoetlel puexa jiw xabich wunow. Do jawut, Jesús jum-aech wunowpiliajwa:

—¡Kaes nabej wunoe'! Japow tupa-el. Japow moejt —aech Jesús.

53 Japi japox jumtaen wut, xafafoli. Jawut Jesús bu'wujapanpaeis. Japi chiekal matabija, japow diachwujnakolax chiekal tɔp. **54** Batutat wut, Jesús patɔpow kefit. Do jawut, pinjametat jum-aechon patɔpowliajwa:

—Jam, ¡mat-e'e pejme dukaliajwam! —aechon.

55 Jesús japox jum-aech wut, patɔpow mat-et pejme dukaliajwa. Jawutlejen mat-ekchapow. Do jawut, nantlisow. Jesús to'a naxaeyax chaxdusliajwaspow. **56** Japow pax, penbej, japox taen wut, xabich nejchaxoelanuili.

Jesús jum-aech japiliajwa:

—¡Ampox asew jiw xamal nabej chapae', xan isxopox! —aech Jesús.

Jesús to'apox pejnachala japi naewuajnalijwa Dios tato'laxaelpox jiw ampathatat

(Mt 10.5–15; Mr 6.7–13)

9 Jesús la doce pejnachala, japi fulaeliajwadin japonlel. Pejnachala japonxot wut, Jesús jum-aech:

—Xamal xabũ'kũlam wũt jiw, dep webaespi pejmat-puatantat, xan tajaxtat xajũpaxaelam dep nakolax to'aliajwam. Xajũpaxaelambej boejthũsliajwam jiw bũ'xaeya. **2** Samata, xamal to'ax jiw naewũajnalialjwam Dios puexa pejjiw tato'laxaelpox. Boejthũsaxaelambej bũ'xaeya. **3** Folam wũt jiw naewũajnalialjwam, ¡nabej xalae' nejkilachalanaeyan! ¡Nabej xalae'bej choxan, naxaeyaxan, platabej! Mado' ituakxajoelam, ¡do japoxkal tũaklafũlaem! Jachiyaxaelambej naxoelax-liajwa. Mado' inaxoelam, ¡do japoxkal bũ'lafũlaem! **4** Xamal paklowax patam wũt, ¡kaebaxot duilde, jiw naewũajnalialjwam japapaklowaxpijiw! Asapaklowaxlel fũlaelalialjwam wũt, do jawũt, ¡japabaxot nakolim! **5** Asapaklowaxpijiw xamal bũ'kũla-elasia wũt, ¡japapaklowaxxot chijiamde fũlaelalialjwam asapaklowax poxade! Jawũt, ¡nejtũakanlũlim as nata-cholnialialjwa! Jasoxtat japi jiw pajut matabijaxael babijax ispox Diosliajwa, xamal bũ'kũla-el xoti —aech Jesũs pejnachalalialjwa.

6 Do jawũt, Jesũs pejnachala follisi asatũajnũchan poxade. Naewũajnafũllisi Dios pejjamechan japatũajnũchanpijiw bũ'welialjwas Dios. Boejthũsfũlbejpi bũ'xaeya.

Rey Herodes matabijs-elpox, achan Jesũs

(Mt 14.1–12; Mr 6.14–29)

7 Rey Herodes, Galilea tũajnũpijiw tato'lan, wũtaen Jesũs isfũlpoxan. Pe matabijs-elon, achan Jesũs. Wũtaenbejpon, asew jiw jũm-aech wũt Jesũslialjwa: “Japon Juan, jiw bautisan, mat-echpon pejme dukaliajwa” —aech wũt jiw Jesũslialjwa. **8** Herodes wũtaenbej, asew jiw jũm-aech wũt Jesũslialjwa: “Japon profeta Elías, majt laejapon. Amwũtjel japon mat-ech pejme dukaliajwa” —aech wũt jiw Jesũslialjwa. Wũtaenbejpon, asew jiw jũm-aech wũt Jesũslialjwa: “Profetas, majt laelpi, japixot kaen mat-echpon pejme duk” —aech wũt jiw Jesũslialjwa. **9** Ja-aech wũt, Herodes Juanliajwa jũm-aech:

—Xan tajut tajsoldaw majt keto'ax Juan taxtasiapchaliajwas tũpaliajwapon. Samata, ¿achankat japon aton, jũmtaeflaxpon, jiw jũm-aechfũl wũt japon xabich ispoxanliajwa? —aech Herodes.

Samata, Herodes xabich taesiapon Jesũs.

Jesús naxaeyaxan chaxduwpox cinco mil poejiw

(Mt 14.13–21; Mr 6.30–44; Jn 6.1–14)

10 Jesús pejnachala, japi apóstolespi, naewuajnafuɫpox buxtoet wut, nawenlisi Jesúslel. Japi natameja, pat wut Jesúsxot. Japi chapaei Jesús puexa ispoxanliajwa. Do jawut, Jesús bu'fol pejnachala Betsaida paklowax poxade, japikal tamachaliajwa.

11 Jesús bu'fol wut pejnachala, xabich jiw fultaenson. Samata, japi jiw wuchakal fol. Pat wuti Jesúsxot, Jesús japi jiw chiekal bu'kula. Naewuajanbejpon Dios puexa pejjiw tato'laxaelpox. Boejthutbejpon jiw bu'xaeya.

12 Tuila wut, Jesús mox soepas pejnachala, japi docepi. Jawut jum-aechi Jesúsliajwa:

—Amxot tuajnuchan ajil. Amxotbej ajil naxaeyaxan. Samata, jampi jiw jum-amde mox tuajnuchan poxade naxaeyaxan wuajsliajwa, moejsliajwabejpi! —aech apóstoles Jesúsliajwa.

13 Jesús jumnot wut, jum-aechon:

—¡Xamal najut chaxduim naxaeyaxan ampi jiw! —aechon.

Japi jumnot wut, jum-aechi:

—Xanalxot asbuun jumch cinco pan, kolenje baxinbej. ¿Xamkat xanal nato'asiam naxaeyaxan wuajsliajwan puexa ampi jiw xaelliajwa? —aech Jesús pejnachala.

14 Jesúsxot patpi, me-ama cinco mil poejiw. (Watho', yamxi suapich, xajui-esal.) Do jawut, Jesús jum-aech pejnachalaliajwa:

—¡Kaenanula pejmutan suapich, nej chalake cincuenta jiw! —aech Jesús pejnachalaliajwa.

15 Jesús pejnachala jasox is. Jiw chalakax to'a wuti, puexa jiw chiekal chalak. **16** Do jawut, Jesús chafit cinco pan, kolenje baxinbej. Athu natachaemse wut, Jesús Dios kawuajan wut, gracias-aechon japapanesliajwa, kolenje baxinliajwabej. Jawut jalkafulon panes, baxibej. Jalkaful wut, chaxduifulon pejnachala sasliajwa, puexa jiw xaeliajwa. **17** Do jawut, puexa jiw chiekal xael. Chiekal nafniapi. Xaeyax chiekal kaechatoel wut, Jesús pejnachala matpirantat jia namapi. Jawut wulupi doce matpiran namapi, baxitoerow, pan malsibej.

**Pedro jum-aechpox Jesúsliajwa:
“Xam Cristowam, Dios to'asponam”**

(Mt 16.13–20; Mr 8.27–30)

18 Asamatkoi, Jesús Dios kawuajan wut, jaxotbej pejnachala. Jawut wuajnaem wut, jum-aechon pejnachalalajwa:

—¿Achan na-aechkat jiw xanliajwa? —aech Jesús.

19 Japi jumnot wut, jum-aechi:

—Asew jiw jum-aech xamliajwa: ‘Juan, jiw bautisan, mat-echpon pejme duk’ —aech jiw. Asew jiw jum-aechbej xamliajwa: ‘Japon Elías, Dios pejprofeta, mat-echpon pejme duk’ —aech asew jiw. Asew jiw jum-aechbej xamliajwa: ‘Dios pejprofetas tupi, japixot kaen mat-echpon pejme duk’ —aech asew jiw —aech Jesús pejnachala Jesúsliajwa. **20** Do jawut, Jesús pejme wuajnaem wut, jum-aechon pejnachalalajwa:

—¿Xamallax, achan na-amkat? —aech Jesús.

Do jawut, Pedro jumnot wut, jum-aechon:

—Xam Cristowam, Dios to'asponam jiw bu'welijawam —aech Pedro Jesúsliajwa.

Jesús jum-aechpox, japon tupaxaelpoxliajwa

(Mt 16.21–28; Mr 8.31–9.1)

21 Jesús nejthü'axtat buxfiat wut pejnachala, jum-aechon:

—¡Nabej chapae! asew jiw xan Cristowanponan! **22** Xan puexa jiw pakoewkolnan xabich nabijasaxaelen. Japamatkoi judfos-ancianos, sacerdotespaklochowbej, judfos chanaekabuapibej, najumchiyaxael xanliajwa: ‘Japon Cristowa-el, Dios to'aspona-el’ —nachiyaxaeli. Samata, japi naboesaxael. Xan naboesa wuti, tres matkoi wut, Dios namat-esaxael pejme dukalijwan —aech Jesús, jum-aech wut pejnachalalajwa.

23 Do jawut, Jesús puexa jiwliajwa jum-aech:

—Xamal tajnachalwasiam wut, ¡najut isaxaelampoxan nejkiowde! ¡Isfuldelax kaematkoisful xan tato'laxpoxan! Bej nabijasaxaelambej asew jiw pijaxtat. Xamal bej beyaxaelbejpi, tajnachalwam xot. Japoxan ja-aech wut, ¡xamal nakiowa naxanaboejafulde! **24** Xamal isfulam wut ampathatat najut nejxasinkampoxan, asamatkoi tupam wut, duilaximil Diosxotse. Kofam wutlax najut isfulampoxan ampathatat, isfulam wutlax xan tato'laxpoxan, asamatkoi tupam wut, ja-am wut, pomatkoicha

Diosxotse duilaxaelam. **25** Xamal isfulam wut najut nejxasinkpoxan, xamal napelsaxaelam Diosxot. Xamal xabich wutbej nejew ampathatat, japoxan omjil xamal duilaliajwam Diosxotse. **26** Xamal nadala wut xanliajwa, tajnaewuajnanxanliajwabej, xanbej, puexa jiw pakoewkolnan, tadalaxael xamalliajwa. Xanbej jachiyaxaelen xamalliajwa, pejme fuloekx wut, kaxaxoekan wut ampathatlelsik taj-ax Dios pej-itliakaxtat, taj-ax Dios pej-ángeles pej-itliakaxtatbej. **27** Diachwuajnakolax jum-an. Asew xamalxot, pejpatupax wuajna, japi jiw taeyaxael Dios puexa pejjiw tato'laxaelpox —aech Jesús jiwliajwa.

Jesús xabich chaponanakhianpox Dios pijaxtat

(Mt 17.1–8; Mr 9.2–8)

28 Do jawux, ocho matkoiyen xent wut Jesús jum-aechpox, jawut Jesús bu'julach Pedro, Santiago, Juan, pinamuax poxase, Jesús Dios kawuajnalijwa. **29** Jesús kawuajan wut Dios, pejxu xabich itliak Dios pijaxtat. Naxoelox xabich papoeikolax nadofapox. Xabich itliakbej. **30** Do jawut, chalechkal natulaela kolenje aton. Japi, Jesús suapich, nospaei. Chalechkal kolenje natulaelapi, kaen Moisés, asan Elías. **31** Natulaelapi masajiach Dios pej-itliakax. Japi nospaei wut, Jesús suapich, naksiyapi Jesús nabijasaxaelpox Jerusalén paklowaxxot, japon tupaxaelpoxliajwabej. **32** Pedro, asew Jesús pejnachala suapich, xabich itmoejslapi. Pe moejs-eli. Do jawut, taenlisi, Jesús xabich itliak wut Dios pijaxtat. Taenbejpi kolenje aton, nuil wut Jesúsxot. **33** Kolenje natulaelapi chijiyaliajwa wut, Pedro jum-aech Jesúsliajwa:

—Tajpaklon, pachaem, xanal amxotan wut. Xam nejxasinkam wut, xanal isaxaelen tres bua-at xamalliajwa. Kaeyax xamliajwa. Asabua-at Moisésliajwa. Asabua-at Elíasliajwabej —aech Pedro.

Pedro japox jum-aech matabijs-elaxtat. **34** Pedro naksiya wutfuk, itloejen fuloek japi matwuajasik. Do ja-aech wut, Jesús pejnachala xabich pejlewla. **35** Do jawut, itloejentutat Dios jum-aechsik: “Amponlap taxulan, makafitxpon. ¡Japon chiekal naewesfulde!” —aech Dios.

36 Dios buxtoet wut naksiyapox, Jesús pejnachala taenpi jaxotse Jesús tamachpox. Jesús pejnachala chinax kaen aton japamatkoiyantat chapae-eli taenpox muaxxotse.

Jesús nakolsax to'apox dep yamxulan pejmatpreatxot

(Mt 17.14–21; Mr 9.14–29)

37 Do jawux, kandiawa wut, Jesús pejnachala suapich, baloek muaxxotsik, Dios naksiyaxot. Jawut xabich jiw fulaen bu'kakulnaliajwapi Jesús. **38** Japi jiwxot, kaen aton jum-aech pinjametat Jesúsliajwa:

—Tajpaklon, inabeltaem! ¡Taem taxulan! Japon xabich kaekolan. **39** Taxulan dep pijaxtat nejlato. Chalechkal xabich wawua'tason. Wawua'tas wut, satat jixadapson. Do jawut, kaechwathuamapon. Xabich nabijaton dep pijaxtat. Dep nasiownik taxulan pejmatpreatxot. **40** Xan jum-an nejnachala, namapi amxot, japi to'aliajwa dep nakolsax. Pe japi xajupa-el dep nakolsax to'aliajwapi dep —aech japon aton.

41 Do jawut, Jesús jum-aech pejnachalaliajwa:

—Xamal tajnachala, Dios chiekal xanaboeja-emilfuk. Nejnejchaxoelaxan chiekla-elbej. Xabich pin-iamatkoivan xamalxotx. Xabich pin-iamatkoivan naewuajnafulaxbej. Kajachawaetxbej Dios chiekal xanaboejalialjwam. Pe xamalfuk Dios chiekal xanaboeja-emil —aech Jesús pejnachalaliajwa.

Do jawut, Jesús jum-aech yamxulan paxliajwa:

—¡Büflaemen naxulan xanle! —aech Jesús.

42 Paxulan bu'pat wuton Jesúsxot, japon yamxulan pejme xadapson dep satat. Xabich wawua'tasbejpon. Jawut Jesús dep nakolsax to'a. Dep nakolt wut, yamxulan chiekal pachaemlison. Jawut Jesús büflaech yamxulan pax poxade. **43** Do jawut, puexa jiw nejchaxoelanuili, taen wuti Jesús ispox Dios pijaxtat.

Jesús pejme jum-aechpox pejpatupaxliajwa

(Mt 17.22–23; Mr 9.30–32)

Puexa jiw nejchaxoelanuil wutfuk Jesús ispoxliajwa Dios pijaxtat, Jesús jum-aech pejnachalaliajwa:

44 —¡Chiekal najumtaem jumchiyaxaelenpox! ¡Nabej nejkiowe! Xan, puexa jiw pakoewkolnan, asan nawiasaxael tadaelmajiwxot —aech Jesús, jum-aech wut japoxliajwa.

45 Jesús pejnachala matabija-el Jesús jum-aechpox, Dios tapae-esal xoti matabijaliajwa. Jesús pejnachala buxdala kaes wuajnaemsliajwapi Jesús, chanaekabuanelialjwasbejpi.

Achan kaes paklonaxaelpox Diosxotse

(Mt 18.1–5; Mr 9.33–37)

46 Asamatkoi Jesús pejnachala najum-aechi: “¿Achankat xatisxot kaes pejme paklonaxael?” —na-aechi. **47** Jesús matabijt pejnachala nakaewa najum-aechpox. Samata, Jesús yamxulan la fulaeliajwadin. Do jawut, yamxulan notlison pejfuletletel, pejnachala pejwujnalelbej. **48** Do jawut, Jesús jum-aech pejnachalaliajwa:

—Xamal bu'kulam wut yamxi xan tajaxtat, me-ama ampon yamxulan, ja-am wut, xanbej nabu'kultam. Xan nabu'kultam wut, Diosbej bu'kultam, xan nato'apon. Xamalxot kaen jum-aech wut: ‘Xan pejme kaes omjinil. Me-ama asew jiw, jachi-enil’ —aech wuton, japon aton Diosxotse kaes pejme paklonaxael —aech Jesús pejnachalaliajwa.

Is-elpi chaemilpox Jesúsliajwa, japi me-ama kajachawaetpox Jesús pijax naewujajna

(Mr 9.38–40)

49 Jesús pejnachalan, pawulpon Juan, japon jum-aech Jesúsliajwa:

—Jiw chanaekabuanan, xanal aton taenx, xam nijaxtat to'a wut dep nakolaliajwa jiw pejmatpuatanxot. Samata, xanal japon aton fiatx japox kofsliajwa. Japon wajmutpijna-el —aech Juan Jesúsliajwa.

50 Jesús jumnot wut, jum-aechon:

—Japon japox is wut, ¡nej ispon japox! ¡Nabej fias! Jiw babijaxan is-elpi xatisliajwa, japi, me-ama xatis kajachawaet wajnaewujajna —aech Jesús pejnachalaliajwa.

Jesús buxfiatpox Santiago, Juan suapich

51 Jesús pejmatkoi mox pawujajna wut athu poxaliajwase, fulaechon Jerusalén paklowax poxade, pejnachala suapich. Jesús pejlewla-el Jerusalén paklowax pasliajwa. **52** Samata, kolenje pejnachalan to'apon wujajnade, asatujajnu poxade, Samaria tuajnulel, jaxotde bapijin kawujajnalijwapi Jesús jaxot namanaliajwa kaematkoiliajwa. **53** Samaria tuajnupijiw chiekal matabija Jesús fulaeyaxaechpox Jerusalén paklowax poxade. Samata, Samaria tuajnupijiw nejxasinka-el Jesús pasliajwa japi

pejtɯajɲɔt. **54** Kolenje Jesús pejnachalan, japon Santiago, Juan sɯapich, japox jɯmtaen wɯt, jɯm-aechi Jesúsliajwa:

—Tajpaklon, çhamkat nejxasinkam, xanal Dios kawɯajɲax wɯt wɯljoeliajwan, Dios to'aliajwa jit athɯlelsik, japatɯajɲɯpijw toejwaliajwas? —aech Santiago, Juan sɯapich.

55 Jesús japox jɯmtaen wɯt, japi jɯm-aechpox, kaxa kawɯlel natfo'chapon. Jawɯt pejnachala bɯxfiaton kaes japox jɯmchisamatapi. **56** Do jawɯx Jesús fɯlaech, pejnachala sɯapich, asatɯajɲɯ poxade.

Asew jiw, naknanɯamsasiapox Jesús

(Mt 8.19–22)

57 Jesús, pejnachala sɯapich, asew jiw sɯapichbej, nɯamtat fol wɯt, kaen aton jɯm-aech japixot:

—Jiw chanaekabɯanan, xan nakfɯlaesian xam, nanɯamtam wɯt nejmachtɯajɲɯchan poxade —aechon.

58 Do jawɯt, Jesús jɯm-aech:

—Lam pejmɯthan moejsliajwa. Miabej pejfenan. Xanlax, puexa jiw pakoewkolnan, tajbakolax ajil damlathɯlialiajwan —aech Jesús.

59 Jesús jɯm-aechbej asan atonliajwa:

—¡Xan nakfɯlaem! —aechon.

Japon aton jɯmnɔt wɯt, jɯm-aechon:

—Tajpaklon, taj-ax xabich pati'in. Taj-ax tɯp wɯt, do jawɯt, xam nakfɯlaeyaxaelen naknanɯamsliajwan —aech japon aton Jesúsliajwa.

60 Jesús jɯm-aech:

—Xan nanaeaxis-elpi, japi jiw Diosliajwa, me-ama patɯpa wɯt, ja-aechi. Japi mɯthaxael patɯpa. Nej-ax tɯp wɯt, japi mɯthsaxael. ¡Xamlax xan nakfɯlaem jiw naewɯajɲaliajwam Dios puexa pejjiw tato'laxaelpox! —aech Jesús japon atonliajwa.

61 Asan aton jɯm-aechbej Jesúsliajwa:

—Tajpaklon, xan-is xam nakfɯlaesian. ¡Pe majt natapaem tajjiw kawɯajɲaliajwan! Do jawɯx, xam nakfɯlaeyaxaelen —aechon Jesúsliajwa.

62 Jesús jɯmnɔt wɯt, jɯm-aechon japon atonliajwa:

—Aton nabist wɯt Diosliajwa, kaeyax nejchaxoelafɯla-el wɯton, japon aton kaenejchaxoelaxa-el, Dios sɯapich. Samata, japon aton pachaema-el naewɯajɲaliajwapon Dios puexa pejjiw tato'laxaelpox —aech Jesús.

**Jesús a sew pejnachala, setenta y dospi,
to'apox jiw naewuajnalijwa**

10 Do jawux, Jesús kaes jiw makanot pejnachalalijwa, setenta y dos poejiw. Jawut Jesús japi poejixot, kaenanula kolenje wuajna to'apon. To'apon japi wuajna jiw naewuajnalijwa, puexa paklowaxanpijiw, puexa tuajnuchanpijiwbej, Jesús pasaxaelxot.

2 Japi fulaelijwa wut, jum-aechon: “Diachwuajnakolax jum-an. Xabich jiw wuajnowet chimiawuajan jumtaelijwa. Me-ama trigo foel wut, xabich pachaemlisi lolalijwa, ja-aechbej amwutjel xabich jiw. Xamal kaeswapicham, Dios pejjamechan naewuajnampim. Samata, iwajpaklokolan Dios kawuajande japon to'aliajwa a sew jiw, japibej Dios pejjamechan naewuajnafulalijwa a sew jiw!

3 Xabua'de xamal! Xamal folam wut xan tajaxtat, ichiekal taem, babejchow poxade to'ax xot! Me-ama pejmachoeff ovejalijwa chachoe, jachiyaxaelbej xamallijwa, babejchowxotam wut.

4 Folam wut, inabej xalae' choxan, plata, a sew tuakxajoebej! Jiw xabu'kulam wut nuamtat, ipiach nabej nuile' nospaelijwam, japi swapich! Ma ifulaemchdo', ido japapaklowax poxade fulaemch!

5 Ba lelijwam wut, imajt jum-amde japabapijiwlijwa: ‘Dios xamal nej kajachawaes chiekal duilalijwam!’ —amde japabapijiw!

6 Japi jiw chiekal duilasia wut, me-ama xamal jumchiyaxaelam, japi Dios kajachawaesaxaes chiekal duilalijwa. Pelax japi jiw nejwesla wut chiekal duilalijwa, japi chiekal duilaxil.

7 Tadut wuti xamal duilalijwam japi pejbaxot, xamalfuk duilde japabaxot! inabej laliagle' asabachan poxade! Naxaeyaxan chaxduw wut, xamal nejmach xaem! inabej nadale', naxaeyaxan chaxduw wuti! Aton nabist wut asanlijwa, japon moch. (Xamalbej Dios pejjamechan naewuajnafulam xot, jiw chaxduiyaxael naxaeyaxan xaelijwam xamal, nabistam xot Dioslijwa.)

8 Paklowax patam wut, xamal chiekal jiw bu'kula wut, japi jiw xamal naxaeyaxan chaxduw wutbej, xamal xaem!

9 Japaklowaxxot bu'xaenki, boejthu'e! inum-amdebejpi: ‘Dios puexa pejjiw tato'laxaelmatkoi mox pawuajna’ —amde japi jiwlijwa!

10 Asapaklowax patam wut, japapaklowaxpijiw xamal bu'kula-el wut, inuilde japapaklowaxthialaxxot! Do jawut, iwajpaklowaxpijiw jum-amde:

11 Xanal tajtuakxajoe jolx lulalijwan as natcholnalijwa. Jasox isx xamal najut chiekal matabijalijwam babijax

isampox Diosliajwa, xanal nabu'kula-emil xot naewuajnalijwan Dios pejjamechan. ¡Chiekal nanaewe'e jumchiyaxaelenpox! Dios puexa pejjiw tato'laxaelmatkoi mox pawuajna' —amde japapaklowaxpijiwliajwa! **12** Diachwuajnakolax xamal jum-an. Asamatkoi, kastikamatkoi wut, japapaklowaxpijiw xabich kaes pejme Dios kastikaxaespi. Me-ama Sodoma paklowaxpijiw kastikas wut, jachiyaxilon” —aech Jesús pejnachalalijwa, setenta y dospilijwa, wuajna to'aliajwa wuton japi.

Asapaklowaxanpijiw naexasis-elpox Jesús

(Mt 11.20–24)

13 Jesús jum-aech Corazín paklowaxpijiwliajwa, Betsaida paklowaxpijiwliajwabej: “Corazín paklowaxpijwam, Betsaida paklowaxpijwambej, xamal xabich nabijasaxaelam, Dios xabich kastikaxael wut. Xan koechaxan isx wut xamalxot, xamal taenam, pe xamal naexasis-emil naewuajnax wut Dios pejjamechan. Japakoechaxan chajia isaxaelen wut Tiro paklowaxpijiwliajwa, Sidón paklowaxpijiwliajwabej, japoxan taeyaxael wuti, japi jiw naexasisaxael Dios pejjamechan. Ja-aech wut, kofaxaeli padujnejchaxoelaxan isfulalijwa Dios nejxasinkpoxan. Ja-aech wutbej, naxoeyaxaeli papopa. Chalaxaelbejpi jitthumbaxot asew jiw matabijalijwas xabich nejxaejwaspox babijaxan ispoxanliajwa. **14** Samata, Corazín paklowaxpijwam, Betsaida paklowaxpijwambej, Dios xabich kastikaxael xamal. Me-ama Tiro paklowaxpijiw, Sidón paklowaxpijiwbej, jachiyaxil, japapaklowaxanpijiw kastikas wuti Dios” —aech Jesús Corazín paklowaxpijiwliajwa, Betsaida paklowaxpijiwliajwabej.

15 Jesús jum-aechbej Capernaum paklowaxpijiwliajwa: “Capernaum paklowaxpijwam, xamal nejchaxoelam wut, jum-am: ‘Dios nakbuflaeyaxael xatis athu poxase’ —am xamal, nejchaxoelam wut. Pelax Dios xamal to'axael infierno poxadik, xan nanaexasis-emil xot” —aech Jesús Capernaum paklowaxpijiwliajwa.

16 Jesús jum-aech pejnachalalijwa: “Xamal jiw naewuajnafulam wut, japi jiw xamal chiekal naewet wut, jawut xan nejchaxoelaxaelen japi jiwliajwa: ‘Japi jiw xanbej chiekal nanaewet’ —chiyaxaelen, nejchaxoelx wut japilijwa. Asew jiw xamal naexasis-el wut, jawutbej xan nejchaxoelaxaelen japi jiwliajwa: ‘Japi jiw xanbej nanaexasis-el’ —chiyaxaelen, nejchaxoelx wut japilijwa.

Japi jiw xan nanaexasis-el wut, jawutbej taj-ax Dios nejchaxoelaxael japiliajwa: ‘Japi jiw xanbej nanaexasis-el’ —chiyaxael taj-ax Dios, nejchaxoel wut japi jiwliajwa” —aech Jesús pejnachalaliajwa.

Jesús pejnachala, setenta y dospi, kaxa pa'anpox Jesúsxot

17 Jesús pejnachala, setenta y dospi, naewwajanpoxan buxtoet wuti puexa paklowaxanpijiw, puexa tuajnuchanpijiwbej, do ja-aech wut, kaxa nawenlisi Jesúslel. Xabich nejchachaemali. Pat wuti Jesúsxot, puexa chiekal chapaeipi Jesús jumtaeliajwas:

—¡Tajpaklon, xam nijaxtat xanal dep to'ax wut, kamta dep nakola jiw pejmatpuatanxot! —aechi, Jesús chapaei wut.

18 Do jawut, Jesús jum-aech pejnachala, setenta y dospiliajwa:

—Diachwujnakolax xan taenx, Satanás jopik wut athuxotsik Dios pijaxtat. Me-ama chamax nakliafcha wut, ja-aechon, jopik wut. **19** Xan chaxdutex tajpamamax malechaliajwam Satanás. Samata, xamal nanuamtam wut jom, afubej. Xamal malecham wut Satanás, japon xajupaxil xamal tabejsliajwa. **20** ¡Pe nabej nejchachaemle' dep kamta jiw pejmatpuatanxot nakolapoxliajwa, to'am wut! ¡Nejchachaemildelax nejwulan Diosxotse lelspxoliajwa! —aech Jesús.

Jesús xabich nejchachaemilpox

(Mt 11.25–27; 13.16–17)

21 Do jawut, Jesús xabich nejchachaemil Espiritu Santo pijaxtat. Samata, Jesús jum-aech pax Diosliajwa: “Ax, xamlap kaenam paklonam athuxotse, ampathatlelbej. Xam xabich pachaemam. Xam kajachawaetam estudia-elpi, japi chiekal matabijaliajwa nejjamechan. Jasoxtat xam kajachawaetam jiw, nejxasinkam xot. Asew jiwlix, xabich matabijapi, japi jiw japoxan matabijaxil. Diachwujnakolax jasox ja-am, xam nejxasinkam xot” —aech Jesús pax Diosliajwa.

22 Do pejme Jesús jum-aech pejnachalaliajwa: “Xan taj-ax natapaei puexa matabijsliajwan. Pe jiw diachwujnakolax xan namatabija-el, achanan xan. Taj-ax, Dios, japon kaen chiekal xan namatabijt. Jiwbej matabija-el, achan taj-ax. Xan kaenan taj-ax chiekal matabijtax. Xan makanotxpikal, japikallax matabijaxael taj-ax. Japikal tapaeix matabijaliajwapi taj-ax Dios” —aech Jesús pejnachalaliajwa.

23 Do jawut, Jesús natfo'cha wut, jum-aechon pejnachalal: “Asew jiw, taenpi xamal amwutjel taenamponaxan, japi jiwbej

xabich nejbachaelaxael. **24** Diachwajnakolax xan jum-an. Xabich profetas, reyesbej, taesiapi xamal amwutjel taenampon, japon Mesías. Xanlap japonan. Profetas, reyesbej, xan natae-el, tɔp xotlisi ampathatat xan pasax wajna. Xabich jumtaesiabejpi tajjamechan, amwutjel xamal jumtaenampon. Pe jumtae-eli, tɔp xotlisi” —aech Jesús pejnachalaliajwa.

Samaria tuajnujijn pejwajan, japon pachaempon

25 Judíos chanaekabuanan fulaen nospaeliajwa, Jesús swapich, xapaejsliajwabejpon Jesús. Xapaejsliajwa wut, jum-aechon:

—Jiw chanaekabuanan, ¿xan machiyaxaelenkat Dios nabu'welialjwa, Diosxotse pomatkoicha dukaliajwan? —aech, Jesús xapaejsliajwa wut.

26 Jesús jumnot wut, jum-aechon:

—¿Achaxkat jum-aech Moisés chajia lelpox japoxliajwa? ¿Xaljowampox achax-aechbejkat? —aech Jesús. **27** Judíos chanaekabuanan jumnot wut, jum-aechon:

—Moisés chajia lelpox jum-aech: ‘¡Nejxasinkde Dios, nejpaklokolan, puexa nejmatpɔtat, puexa nejnejchaxoelaxtatbej! ¡Puexa nejpamamaxtatbej tanbichfulde, Dios nejxasinkam xot! ¡Nejxasinkdebej asew jiw! Me-ama xam najut nejxasinkam wut, ¡ja-amde asew jiwliajwa!’ —aech Moisés chajia lelpox —aech judíos chanaekabuanan.

28 Do pejme Jesús jum-aech judíos chanaekabuananliajwa:

—Pomatkoicha japoxan ja-am wut, pomatkoicha xam dukaxaelam Diosxotse —aech Jesús.

29 Pe judíos chanaekabuanan nejxasink Jesús nejchaxoelaliajwa japonliajwa japon pachaempoxliajwa. Samata, jum-aechon:

—¿Masikat xan jiw nejxasinkaxaelen? —aechon.

30 Jesús jumnot wut, ampawajantat jum-aechon:

—Kaen aton Jerusalén paklowaxxot nakolt fulaeliajwa Jericó paklowax poxade. Nɔamtat fol wut, kethaka jaeltason. Puexa pejew wenchon. Bu'jolsbejpon. Do jawut, baeson. Jaxot bu'jumchawaelsnadoftipon paboejlan. **31** Do jawux, kaen sacerdote-aton fulaen japanɔamtadin. Taen wuton wajna aton paboejlan okpox, asbuan jumch mox naejiaton xensliajwa. Do jawut, xenton. **32** Do jawux, sacerdotes kajachawaesan jaxot

pat. Taen wuton wuajna aton nuamtat okpox, japonbej mox jiat xensliajwa. Do jawut, japon xent.

33 “Do jawux, Samaria tuajnuapijin fulaen japanuamtadin. Fulaen wut, taenpon aton wuajna nuamtat okpox. Japonlax beltaen japonliajwa. **34** Do jawut, mox soepandepon okpon poxade. Do jawutbej, itfachan wuapon olivosimintat, vinotatbej. Itfachan xape'abejpon. Do jawut, pejbutat ossepon. Jasoxtat bu'folon baespon kethaka. Do jawux, bu'paton nanuamtpi papatbatat. Jaxot chiekal tataefulpon japon aton. **35** Do kandiawa wut, Samaria tuajnuapijin jut kolefachan mosliajwapon bapijin. Jawut, jum-aechon bapijinliajwa: ‘iAmpon aton chiekal nawetataefulde xan tajwalela! Japon asaxan wewe'pas wut, ixam wuajde japon atonliajwa! Jelow xan pejme kaxanax wut, xam mosaxaelen wuajtampoxan japonliajwa’ —aech Samaria tuajnuapijin bapijinliajwa. Ma amxot toep, amrawuajan, xam naewuajna xwuajan. **36** Tres



©DCC

(San Lucas 10.33–37)

poewiw taen kethaka baespon. ¿Masonkat tres poewiwxot nejxasink baespon? —aech Jesús judíos chanaekabuananliajwa.

37 Judíos chanaekabuanan jumnot wut, jum-aechon:

—Beltaenpon kethaka baespon —aechon Jesúsliajwa.

Jesús jumnot wut, jum-aechon:

—iXamlap-is ja-amde! ¡Nejmachjiw beltaem!” —aech Jesús.

Jesús patpox Marta pejbaxot

38 Jesús nuamtat fol wut, pejnachala suapich, jawut paton cha-aelpaklowaxachxot. Japapaklowaxachxot Marta pejba ek. Jawut chiekal bu'kultow Jesús, japon pejnachalabej. **39** Marta pakoewow pawul María. María mox ek Jesús pejwuajnalel chiekal naewesliajwa Jesús naewuajanpox. **40** Pelax Marta xabich xatsalt. Samata, Jesúsxot mox wut, jum-aechow:

—Tajpaklon, ¿xamkat xanliajwa nejchaxoela-emil takoewow tamach nakixanchachaempox? ¡Takoewow to'im xan nakajachawaesliajwa! —aech Marta.

41 Jesús jumnot wut, jum-aechon:

—Marta, xam xabich nejchaxoelam isampoxanliajwa. **42** Xan naewuajnaxpox kaes pejme pachaem xamal naewesliajwam. María xan naewesful xot, kaes pachaempox naewesfulpow. Chinax kaen aton wefisaxisal japox —aech Jesús.

Jesús chanaekabuanaapox pejnachala, jumchiyaxaeli, Dios kawuajan wut

(Mt 6.9–15; 7.7–11)

11 Jesús kaematkoisful Dios kawuajan. Asamatkoi, Dios kawuajna x buxtoet wut, kaen pejnachalan jum-aech Jesúsliajwa:

—Tajpaklon, ¡xanal nachanaekabuanim Dios kawuajna! Me-ama Juan, jiw bautisan, chanaekabuana pejnachala Dios kawuajnalialjwa, ¡xambej xanal nachanaekabuanim Dios kawuajna! —aech Jesús pejnachalan.

2 Do jawut, Jesús jum-aech pejnachalialjwa:

—Xamal Dios kawuajnam wut, ¡jum-amde:

‘Ax Dios, ¡puexa jiw xam nej sitae!’ Puexa nejjiw tato'laxaelammatkoi, ¡japamatkoi nej tuadus!

3 ¡Kaematkoisful nachaxduim naxaeyaxan, xanal nawewe'ppoxanliajwa!

4 ¡Xanal nabeltaem babijaxan isxpoxanliajwa! Me-ama xanal beltaenx, a sew jiw babijaxan is wut xanallialjwa, ¡jamdebej xanallialjwa! ¡Nabej tapae'bej Satanás xanal naxapaejalialjwa, xanal babijaxan isasamatan!’ —amde, Dios kawuajnam wut! —aech Jesús pejnachalialjwa.

5-7 Jesús pejme jum-aech:

—Xam nejnachalan pinmadoitat pat wut nejbaxot, jum-aech wuton: ‘¡Xan nachaxdu'e tres panes! Amwutjel tajnachalan pat tajbaxot. Tajbaxot ajil naxaeyax tajnachalan chaxdusliajwan’ —aech wuton xamllialjwa, jawut jumchiyaxaelam batuxotdin: ‘¡Nabej natalias! Xanlis okx. Ba chiekal xatbe'tax. Tejew yamxi bu'okx. Samata, nansaxinil chaxdusliajwan nawuljowampox’ —chiyaxaelam batuxotdin. **8** Pe nejnachalan nakiowa wuljoeful wut, wuljoefulpox xam chaxdusaxaelam nejnachalan. **9** Samata, xamal jum-an

ampox: ‘¡Wewe'ppoxan piach wuljoefulde Dios! Ja-amsfulam wut, Dios chaxdusaxaelbej xamal wuljoeflampox. Wulwekampoxbej faenaxaelam Dios pejkajachawaesaxtat. Dios kawuajnam wut kaematkoisful, japon xamal kajachawaesfulaxael. Ja-aech wut, me-ama Dios fafasaxael xamal leliajwam’ —an xan. **10** Piach wuljoefulpon wewe'pasoxan, japon aton Dios chaxdusaxaes. Piach wulwekafulponbej, japon aton faenaxael Dios pejkajachawaesaxtat. Bafafatat piach laefulpon, japon aton Dios wefafasaxaes —aech Jesús, pejnachala naewuajan wut Dios kawuajnalajwapi.

11 Jesús pejme jum-aech pejnachalalajwa:

—Naxulan baxin wuljow wut, xamal naxi chaxduiyaximil jom. **12** Naxulan kawaematabut wuljow wut, xamal naxi chaxduiyaximil afu. **13** Xamal babejchowam matabijam naxi chaxduiliajwam chamoeyaxan. Nej-ax Dios, athupijin, kaes pejme pachaem. Me-ama xamal jachi-elon. Samata, nej-ax Dios to'axoek Espíritu Santo xamal nejmatpuatanxotalajwa, Dios kawuajnam wut —aech Jesús pejnachalalajwa.

Fariseos jum-aechpox Jesús pejpamamax, Satanás pejpamamax

(Mt 12.22–30; Mr 3.20–27)

14 Aton naksiyaxilpon dep pijaxtat. Dolisdo!, Jesús to'a dep nakolsliajwa japon aton pejmatpuatxot. Dep nakolt wut, do jawut japon aton naksiyax tuadutlison. Jiw japox taen wut, xabich nejchaxoelanuili. **15** Asew japixot, fariseos, jum-aechi Jesúsliajwa: “Jesús to'a wut dep nakolsliajwa aton pejmatpuatxot, Jesús to'a Satanás, dep pejpaklon pejpamamaxtat” —aechi.

16 Asew jiw jum-aechbej xapaejsliajwapi Jesús:

—¡Isde koechax xanal taeliajwan! —aechi.

17 Jesús matabijt japi nejchaxoelox. Samata, jum-aechon:

—Xan to'a-enil dep nakolaliajwa Satanás pejpamamaxtat. Kaetuajnpurijiw nadijkaxael wut nakaewa nabeliajwa, japi natoesaxael nabeyaxtat. Kaebapijiwbej nadijkaxael wut nakaewa nabeliajwa, japi natoesaxael nabeyaxtat. **18** Jachiyaxaelbej Satanás. Satanás, pejjiw nadijkaxael wut nakaewa nabeliajwa, japi dep natoesaxael nabeyaxtat. Ja-aech wut, Satanás pejtato'lax toepaxael nabeyaxtat. Xamal japox jum-an, najum-am xot xanliajwa: ‘Jesús to'a dep nakolaliajwa jiw pejmatpuatanxot Satanás pejpamamaxtat’ —na-am

xot xanliajwa. **19** Ja-aech wüt, ¿achan pejpamamaxtatkat nej-nachalabej dep to'a nakolaliajwa jiw pejmatp̄at̄anxot? Xamal matabijam japi to'a-el Satanás pejpamamaxtat. Samata, xamal j̄m-ampox xanliajwa, japox diachw̄ajnakolaxa-el. **20** Xan to'ax Dios pejpamamaxtat dep nakolaliajwa jiw pejmatp̄at̄anxot. Ja-aech wüt, diachw̄ajnakolax xamalxot patlisox, Dios puexa pejjiw tato'laliajwapox —aech Jesús.

21 Do pejme Jesús j̄m-aech:

—Pamaman xawawet w̄ton kapetat pejbatat, asan aton wenosaxisal japon aton pejew. **22** Pe asan, kaes pamaman, f̄laen wüt, w̄ajnapijin malechas wüt, ja-aech wüt, xawawet-pox kefe'naxaeson. Ja-aech wütbej, japon pejew wenosaxaes wesasliajwas, asew jiw s̄apich —aech Jesús.

23 Do pejme Jesús j̄m-aech:

—Xan nanejweslapi, japi jiw tadaelmajiw. Japi is-el xan nej-xasinkaxpox. Japilax nawetabejt tajbichax —aech Jesús.

Dep pejme kaxa nawia'anpox leliajwa aton pejmatp̄at̄xot

(Mt 12.43–45)

24 Do pejme Jesús j̄m-aech:

—Dep nakolt wüt aton pejmatp̄at̄xot, dep nan̄amt pajilaxxot. W̄lwekon asan aton pejmatp̄at̄, jaxot low wüt damlath̄laliajwa. Faena-el wüt, dep nejchaxoel wüt, j̄m-aechon: ‘Xan pejme nawiasaxaelen aton pejmatp̄at̄xot, nakoltaxxot’ —aech dep, nejchaxoel wüt. **25** Dolisdo', dep kaxadin wüt, faenlison japon aton, majt nakoltxoton. Do jawüt, dep pajut naj̄m-aech japon atonliajwa: ‘Asan dep le-elfuk tajw̄lela. Samata, pachaem xan pejme leliajwan japon aton pejmatp̄at̄xot’ —aech dep, nejchaxoel wüt. **26** Do jawüt, japon dep f̄laechlison asew dep w̄ljaesliajwa. Faenon siete dep, japi dep kaes pejme chaemil. Me-ama dep matxoelapijin, jachi-el siete dep. Do jawüt, puexa japi dep lowlisi japon aton pejmatp̄at̄xot. Ja-aech wüt, japon aton kaes pejme xabich nabijat. Me-ama majt, jachi-elon —aech Jesús.

Xabich nejchachaemlaxaelpox Dios pejjamechan naexasiti

27 Jesús naksiya wütfuk depliajwa, naewetixot kaeow pawis nejlakcha wüt, j̄m-aechow Jesús j̄m̄taeliajwa:

—Pawis, xam faenpow, chaxti'apowbej xam ti'sliajwam, j̄japow nej nejchachaemle' xamliajwa! —aechow.

28 Pe jawut Jesús jum-aech:

—Xabich kaes pejme nejchachaemlaxael xan nanaeweti, japibej naexasiti wuti Dios pejjamechan —aech Jesús.

Babejchow keto'apox Jesús koechax isliajwa

(Mt 12.38–42; 16.1–4; Mr 8.11–13)

29 Xabich jiw masajati Jesús naewwajanpox jumtaeliajwa. Samata, Jesús jum-aech japi jiw jumtaeliajwa: “Xamal laelpampim, babejchowam. Nato'am xan koechax isliajwan asbuan jumch xamal taeliajwam. Pe xamal pajelkoechax taeyaximil. Me-ama chajia Dios is profeta Jonásliajwa jiw pajut matabijaliajwa japon Dios to'aspon, jasoxtatbej xamal matabijaxaelam, xan Dios nato'aponanpox. **30** Dios chajia koechax is wut Jonásliajwa, Nínive paklowaxpijiw matabija. Jasoxtatbej xamal matabijaxaelam, Dios is wut koechax xanliajwa, jiw matabijaliajwa diachwujnakolax xan Dios nato'aponan puexa jiw pakoewkolnanliajwa, jiw bu'weliajwan.

31 “Asamatkoi Dios puexa jiw kastikaxael, babijaxan ispi. Xamalbej Dios pejwujnalel nuilaxaelam kastikaliajwa. Japamatkoi Saba tuajnpijiwpaklokolow nukaxael Dios pejwujnalel japow xamal jumchiliajwa nejbu'wujjanpoxanliajwa, xan nanaexaxis-emil xot. Japow chajiakolaxtat xabich atuaj fulaen rey Salomón pejmatabijsax pajut chiekal matabijsliajwapow. Xan kaes pejme pachaeman. Me-ama Salomón, jachi-enil. Xan naewujnax xamal matabijaliajwam Dios. Pe xamal naexaxis-emil. **32** Japamatkoi Nínive paklowaxpijiw nuilaxaelbej Dios pejwujnalel xamal jumchiliajwa babijaxan isampoxanliajwa, o, is-emil wut. Chajiakolaxtat japi naewujnas wut Jonás, japi kamta kofa babijaxan ispoxan isfulaliajwa Dios nejxasinkpoxan. Xan kaes pejme pachaeman. Me-ama Jonás, jachi-enil. Pelax xamal xan chiekal nanaewes-emil” —aech Jesús.

Jiw pej-itfutan, me-ama lámpara wut, ja-aechpox

(Mt 5.15; 6.22–23)

33 Jesús jum-aech: “Jiw tamdut wut lámpara, asaxtat matakasaxil. Cha-esaxilbej cajónbuxfaltat. Jiwlax athu chasesaxael lámpara bamuxnaetat, batu chiekal itliakaliajwa, batu lalenapi chiekal taeliajwa. Jasoxtat xanbej moech-enil diachwujnakolaxpox Diosliajwa. Puexa chiekal tulaela itpaeix.

34 Lámpara itliak batu puexa jiw chiekal taeliajwa. Ja-aechbej nej-itfutan. Xamal chiekal taenam, nej-itfutan chiekal pachaem xot. Nej-itfutan chaemil wut, chiekal taeyaximil. Me-ama itliaklan, jachiyaxaelam. Jachiyaxaelbej nejnejchaxoelaxan. Dios italiafa wut nejchaxoelaxan, chiekal pachaemaxael. Ja-am wut, naexaxisaxaelam Dios tato'alpox isfulaliajwam. Duilaxaelambej chiekal. Nejchaxoelaxan chiekal pachaema-el wut, naexaxisaximil Dios. **35** ¡Chiekal taem babijaxan isaxan nejchaxoelasamatam! Xamal nejchaxoelam wut babijaxan isaxan, ja-am wut, nejnejchaxoelaxan, me-ama itkuatnik wut, jachiyaxael. Ja-am wut, xamal naexaxisaximil xan naewuajnapoxan. **36** Dios italiafa wut nejnejchaxoelaxan, xamal isfulaxaelam Dios tato'alpoxan. Ja-am wut, nejnejchaxoelaxan chinax chaemilaxil. Me-ama lámpara itliak batutat, jachiyaxael nejnejchaxoelaxan” —aech Jesús.

**Jesús jum-aechpox jiw matabijaliajwa fariseos,
judíos chanaekabuapibej, pejbu'wuajnapox**

(Mt 23.1–36; Mr 12.38–40; Lc 20.45–47)

37 Jesús buxtoet wut, kaen fariseo taduton Jesús xaeliajwa japon pejbaxot. Do jawut, Jesús lech japon pejba poxade. Eklison mesaxot. **38** Jesús xaeliajwa wut, majt xabich piach kekakias-elon. Fariseo japox taen wut, nejchachaemla-elon Jesúsliajwa. **39** Jesús matabijt japon nejchaxoelox. Samata, Jesús jum-aech: —Xamal fariseos xaeliajwam wut, majt xabich piach fuletlanan xabich kiatam taso, platfahanbej. Pelax patulelan kias-emil. Xamal fariseos, me-ama tasfahan, platfahanbej, xabich kiachpi, ja-am xamal. Xabich piach kekakiatam. Pelax nejnejchaxoelaxan, me-ama xabich as da'nik wut, ja-aech. Nejchaxoelambej nosliajwam asew jiw pejew. Isfulambej babijaxan. **40** ¡Xamal nejliaklawam! ¿Matabija-emilkat Dios puexa ispox nejbu'anxot, isbejon tathoetlel, funiachlelbej? **41** Samata, ¡isfulde pachaempoxan asew jiwliajwa! Ja-am wut, puexa jiw xamal matabijaxael nejnejchaxoelaxan, diachwuajnakolax pachaempox —aech Jesús fariseosliajwa.

42 Do pejme Jesús jum-aech fariseosliajwa: “¡Puexa xamal, fariseos, Dios kastikaxael! Xamal xafolam ofrenda Dios chaxduiliajwam. Muthampi ti't wut, diajnam diezmuaxtjeliajwa. Kaemuaxt diajnam Dios chaxduiliajwam. Ja-ambej, menta-uafliajwa. Asew muthampibej Dios chaxduwam kaesuarpich.

Japoxan isfulam wut, pachaem. Pe kaeyax wewe'pfuk xamal isliajwam. Is-emil pachaempoxan asew jiwliajwa. Dios chiekal nejxasinka-emilbej. Japox koloeyax xamalliajwa we'pfuk" —aech Jesús fariseosliajwa.

43 Do pejme Jesús jum-aech: "Puexa xamal fariseos, Dios kastikaxael, xabich nejxasinkam xot jiw jumchiliajwa: 'Fariseos diachwujnakolax paklochow' —chiliajwa jiw xamalliajwa. Xamal judíos naewuajna poxamich wut, tua-ekaxan itfetambej chalakaliajwam japoxantat, kaes paklochow chalakaliajwapoxan puexa jiw pejuajnalel. Xamal jiw moi-aech wut paklowaxthialaxanxot, nejxasinkam jiw moichiliajwa sitaeyaxtat. Samata, Dios kastikaxael xamal" —aech Jesús.

44 Do pejme Jesús jum-aech fariseosliajwa: "¡Puexa xamal fariseos Dios kastikaxael! Xamal, me-ama patupamuthan, marka-esalpi, jaxot jiw nejmach sae'an, matabija-el xot, xamallap-is ja-am. Jiw xamal taen wut, me-ama pachaemam wut, jakabuan-am. Pelax nejnejchaxoelaxan xabich chaemil" —aech Jesús.

45 Judíos chanaekabuanapixot kaen jum-aech Jesúsliajwa: —Jiw chanaekabuanan, xam japox jum-am wut, jum-am xanalliajwa —aechon.

46 Jesús jum-aech judíos chanaekabuanapiliajwa: —¡Puexa xamal judíos chanaekabuanapijwam, Dios kastikaxael xamal! Jiw naewuajnam wut, xabich naewuajnam japi jiw xabich kaes naexasisliajwa xamal naewuajnamproxan. Pe japi jiw xajupa-el puexa japoxan naexasisliajwa. Chinax kajachawaes-emilbej japi jiw naexasisliajwa naewuajnamproxan —aech Jesús judíos chanaekabuanapiliajwa.

47 Do pejme Jesús jum-aech judíos chanaekabuanapiliajwa: "Judíos chanaekabuanapijwam, ¡puexa xamal Dios kastikaxael! Nejuajnapijiw ampathatat laelp wut, japi ba Dios pejprofetas. Japi profetas pejmuthanmatwujtat xamal ampamatkoian isam cha-aelbax itpaeliajwam nejsitaeyax japi profetasliajwa. **48** Pe japabax isam wut, itpaeyam xamal kaenejchaxoelaxamprox, nejwujnapijiw suapich. Nejuajnapijiw ba Dios pejprofetas. Xamal amwutjel cha-aelbax isam japi profetas pejmuthanxot.

49 "Japoxliajwa Dios chajia jum-aech matabijsaxtat: 'Xan to'axaelen profetas, apóstolesbej, judíosliajwa. Xan japi to'ax wut, asew japixot beyaxaes. Asew japixot dukp wut, nakiowa chakifulaeyaxaes' —aech Dios, jum-aech wut japiliajwa.

50 Puexa profetas, baespi nejuwajnapijiw pijaxtat, puexa japoxan pijaxtat, xamal, amwütjel laelpampimfuk, Dios kastikaxael. **51** Abel matxoela boesas pakoewan. Do baxael, xabich asew profetasbej beflas kaenanula nejuwajnapijiw pijaxtat. Do baxael, Zacariasbej boesas. Nejuwajnapijiw boesa wüti Zacarias, Dios pejtemplobafulmaktutat boesaspon, mox altar nukxot. Puexa profetas, baespi nejuwajnapijiw pijaxtat, japoxliajwa ampamatkoiyantat xamal laelpampimfuk, Dios kastikaxael.

52 “iPuexa xamal, judíos chanaekabuanapijwam, Dios kastikaxael! Xamal nejchaxoelam wüt, nejchaxoelam: ‘Xatis chiekal matabijas Dios pejjamechan’ —am xamal, nejchaxoelam wüt. Pe nakiowa, chiekal matabija-emil. Jiw naewuajnam wüt, naewuajnam asawuajantat, Dios pejjamechanelpoxantat. Samata, me-ama jiw bafafa xawaet wüt, asew jiw lesamata, ja-ambej xamal Dios pejjamechanliajwa jiw naexasisasamata. Ja-am xot, jiw pasasiapi Diosxotse, xamal tapae-emil, naewuajnam xot asawuajantat. Xamalbej najut nejxasinka-emil pasliajwam Diosxotse” —aech Jesús judíos chanaekabuanapilijwa.

53 Japoxan Jesús jum-aech wüt, judíos chanaekabuanapi, fariseosbej, xabich palalapi Jesúsliajwa. Samata, xabich wuajnachaeemsfullisi taliasliajwapi Jesús. **54** Ja-aechi, wuajnachaeemsful wüt. Japi asbuan jumch wuajnawet jumtaelajwa Jesús jum-aech wüt babejjamechan Diosliajwa, japoxtat japi tasalalajwa Jesús pejb'wuajjanpoxliajwa.

**Fariseos fiatpox, japi pajut ispoxan,
asew jiw isasamata**

(Mt 10.26–27)

12 Xabich jiw pin-iakola natameja Jesúsxot. Samata, nakaewa natabe'naful. Natuaksae'anbejpi. Jesús matxoelajum-aech pejnachalalajwa: “iXamal chiekal taem fariseos chanaekabuanapoxanliajwa, xamal naekichachajbasamatapi! Fariseos asew jiw fiat japi pajut ispoxan, jiw isasamata. **2** Moechaspoxan asamatkoi tulaelaxaes. Maliach jum-aechpoxanbej, asamatkoi puexa jiw tulaela jumtaeyaxael. **3** Madoi jum-ampoxan maliach, o, batutat nuthaklajametat jum-ampoxan, japoxanbej asamatkoi asew jiw tulaela chiekal jumtaeyaxael” —aech Jesús, pejnachala naewuajan wüt.

**Jesús naewuajanpox pejnachala,
achanliajwa japi pejlowlaxael**

(Mt 10.26–31)

4 Jesús pejme jum-aech pejnachalaliajwa: “Xamal tajnachala, jum-an ampox. ¡Xamal nabej nejlewlé! beyaxaelpi xamal! Xamal ba wuti, japi kaes machiyaxil xamalliajwa, isliajwa kaes wejisa xot. **5** Pelax xamal sitaeyaxaelam Dios, japon to'axael xot nej-aelan infierno poxadik” —aech Jesús.

6 Do pejme Jesús jum-aech pejnachalaliajwa: “Cinco mia mowas kolekafeliajwa. Ja-aech, japi mia omjil xotlejen. Pe ja-aech wut, Dios chinax kaen mianxot nejkiowaxil chiekal tataeflaliajwa. **7** Dios kaes pejme nejxasink xamal. Me-ama mia nejxasink wut, jachi-el, Dios nejxasink wut xamalliajwa. Dios matabijtbej massuapich nejmatla kaenanula xamalxot. Samata, ¡xamal nabej nejlewlé! Xamal xabich kaes pejme ommaenkam. Me-ama mia pin-iat, jachi-emil” —aech Jesús pejnachalaliajwa.

**Jesús pejwuajan naexasiti,
japi jumchiyaxaelpox Jesús pejjiwpi**

(Mt 10.32–33; 12.32; 10.19–20)

8 Do pejme Jesús jum-aech pejnachalaliajwa: “Xamal jum-an ampox. Japi jum-aechpi jiw pejwuajnael: ‘Xanal Jesús pejnachalwan’ —aech wuti, japi tajnachalaxael. Xanbej, puexa jiw pakoewkolnan, jumchiyaxaelen japi jiwliajwa: ‘Ampi tajnachala’ —chiyaxaelen Dios pej-ángeles pejwuajnael Diosxotse. **9** Asew jiw lax jum-aechpi asew jiw pejwuajnael: ‘Xanal Jesús pejnachala-enil’ —aech wuti, xanbej jumchiyaxaelen japijiajwa: ‘Ampi jiw tajnachala-el’ —chiyaxaelen Dios pej-ángeles pejwuajnael Diosxotse” —aech Jesús pejnachalaliajwa.

10 Do pejme Jesús jum-aech pejnachalaliajwa: “Jiw jum-aech wut babejjamechan xanliajwa, xan puexa jiw pakoewkolnanliajwa, japi Dios kawuajan wut beltaeyaxaesi japoxliajwa. Pelax jiw jum-aech wut babejjamechan Espíritu Santoliajwa, japi jiw beltaeyaxisal Dios” —aech Jesús pejnachalaliajwa.

11 Do pejme Jesús jum-aech pejnachalaliajwa: “Xamal buflaeyaxaeli judíos naewuajnabachan poxade, paklochow poxadebej. Ja-aech wut, ¡nabej nejchaxoele! jumchiyaxaelampoxan,

jumnosliajwam wut paklochow! 12 Xamal paklochow-xotam wut, jawut chiekal matabijaxaelam Espiritu Santo pijaxtat jumnosliajwam japi paklochow” —aech Jesús pejnachalaliajwa.

Jesús naewuajanpox jiw nejchaxoelasamata kemaeyaxliajwa

13 Jiw natamejaxot, kaen aton jum-aech Jesúsliajwa:

—Jiw chanaekabanan, taj-ax tuj wut, takoewan, matxoela-pijin, puexa taj-ax pejew xabich nosaxael. ¡Takoewan jum-amde xan tejwaxaelpi nachaxdusliajwapon! —aechon Jesúsliajwa.

14 Jesús jumnot wut, jum-aechon:

—Kaen aton xan nawaldui-el juezliajwan, xamal nejew wediajkaliajwan —aech Jesús.

15 Do jawut, Jesús jum-aech jiw natamejapi jumtaeliajwa:

—¡Chiekal taem! ¡Nabey nejchaxoele' nejew xabichaliajwa! Xamal xabich wut nejew, japoxantat kaes chiekal nejchaxoelaximil Diosliajwa —aech Jesús.

16 Do jawut, Jesús naewuajan ampawuajan jiw natamejapiliajwa. Jum-aechon: “Kaen aton kemaeyan duk. Xabich wepachaemspoon pejlulan. Jol wut, xabich jolpon. **17** Kemaeyan nejchaxoel wut, nejchaxoelpon ampox: ‘¿Xan achaxkat isaxaelen? Xan ajil bachan tejew cha-owaliajwan’ —aechon, nejchaxoel wut.

18 Do jawut, kemaeyan kaes jum-aech, nejchaxoel wut: ‘Xan matabijtax isaxaelenpox. Cha-aelbax puexa chiekal tusaxaelen. Dolisdo', japabawajeltat isaxaelen kaes pinabachan puexa tejew naxaeyaxan cha-owaliajwan. **19** Do jawux, pinabachantat tejew naxaeyaxan cha-owax wut, nejchaxoelaxaelen: “Xan xabich tejew naxaeyaxan cha-owax pin-iawaechan xaeliajwan. Samata, piach nabichaxinil. Damlathulaxaelen. Xaeyaxaelen. Feyaxaelenbej. Xabich nejchachaemlaxaelen” —chiyaxaelen, nejchaxoelx wut’ —aech kemaeyan, nejchaxoel wut. **20** Pe jawut, Dios jum-aech kemaeyanliajwa: ‘¡Xam nejliaklanam! Matabijs-emil ampamadoitat xam tujpaxaelampox. Samata, ¿achanliajwakat naxaeyaxan cha-owam?’ —aech Dios. **21** Jasox jatis japon atonliajwa xabich tamejapon pejew pajutliajwa. Dios nejchaxoel wut, jum-aechon japon kimaeyanliajwa: ‘Xanliajwa ampon aton, me-ama xabich kekil wut, ja-aechon’ —aech Dios, nejchaxoel wut japonliajwa” —aech Jesús jiw natamejapi jumtaeliajwa.

Dios tataefulpox jiw xanaboejapi japon

(Mt 6.25–34)

22 Jesús jum-aech pejnachalaliajwa: “Xan jum-an ampox. ¡Nabey nejchaxoele' xaeliajwampoxan, naxoeliajwampoxanbej!
23 Xatis duila-esal naxaeyaxkalliajwa, naxoekalliajwabej. Dios nakchaxduw nakwewe'ppoxan japoxantat xatis duilalialiaswas. Samata, Dios nakchaxduiyaxael naxaeyaxan, naxoeyaxaesopoxanbej.
24 Nejchaxoelam wut, ¡nejchaxoelde mialiajwa! Mia naxaeyaxan mutha-el. Jola-elbejpi cha-owaliajwa. Pe nakiowa, Dios chaxduw mia xaeliajwa. Dios xamal kaes pejme nejxasink. Me-ama mia nejxasink wut, jachi-elon. Samata, nej-ax Dios xamal chiekal tataeflaxael. **25** Ja-aech wut, ¿ma-aech xotkat xamal xabich nejchaxoelam? Xabich nejchaxoelam wut, ja-am wut, kaes kaematkoiliajwa laelpaximil, xabich nejchaxoelam xot. **26** Xajupa-emil wut japox isliajwam, ¿ma-aech xotkat xabich nejchaxoelam japoxliajwa, asaxanliajwabej?” —aech Jesús pejnachalaliajwa.

27 Do pejme Jesús jum-aech pejnachalaliajwa: “Nejchaxoelam wut, ¡nejchaxoelde naetalan, chimiatalanpox! Ti't wut, nabich-el chimialiajwa. Pe puexa chiekal chimia. Xanlax jum-an. Rey Salomón majt laeja wut, japon xabich chimia naxoeipon. Pe kaes pejme chimia, naetalan. **28** Cha-aelnaex, yotat nuili, Dios pijaxtat natala wut, xabich chimiatalan. Pe piachliajwa-el. Asbuan jumch kaematkoiyan suapichliajwa. Do jawux, tux. Do jawuxbej, tamejas lausliajwas. Pe Dios xamal xabich kaes tataeful. Me-ama naetalan tataeful wut, jachi-el Dios. Samata, ¡Dios chiekal xanaboejim chimia xamal xajoeliajwapon! Xamal wewe'pfuk Dios chiekal xanaboejalialiam. **29** Samata, ¡xabich nabey nejchaxoele' xaeliajwampoxan, feliajwampoxanbej! ¡Dioskal xanaboejim!
30 Dios naexaxis-eli xabich nejchaxoel xaeliajwampoxan, naxoeliajwampoxanbej. Xamallax nej-ax Dios. Japon matabijt xamal wewe'ppoxanliajwa. **31** ¡Xamal chiekal naexaxisfulde Dios puexa pejjiw tato'laxaelpox! Ja-amsfulam wut, Dios chaxduiyaxael xamal wewe'ppoxan” —aech Jesús pejnachalaliajwa.

Jesús naewuajanpox pejnachala ommaenkpox Diosxotse

(Mt 6.19–21)

32 Do pejme Jesús jum-aech pejnachalaliajwa: “¡Xamal nabey nejlewlé!, kaesupicham wut! Dios xamal nejxasink xot, makanot

asamatkoi xamal duilaliajwam Diosxotse, jiw tato'laliajwambej jaxotse. **33** ¡Nejew mowim! Mowam wut, ¡japaplata chaxduim xabich wewe'paspi! Ja-am wut, Dios xabich nejchachaemlaxael xamalliajwa. Dios isaxaelbej pachaempox xamalliajwa Diosxotse. Jaxotse pasaxil kethaka nejew nosliajwa. Ajilaxaelbej itxaeyaxaeli. Jaxotsebej toepaxil nejew. **34** Diosxotse, japon xamal chaxduiyaxael pachaempoxan. Samata, ¡nejchaxoelafulde pasliajwam japonxotse!” —aech Jesús pejnachalaliajwa.

Jesús pejwujajan naexasiti thilsfulaxaelpox wujajnawesfulaliajwa Jesús pejpasax

35 Jesús jum-aech pejme pasaxoekpoxliajwa: “Chalechkal xan pasaxoekan ampathatat. Xamal laelpampimfuk, ¡chiekal thilsfulde, wujajnawesfulam wut tajpasax! **36** Xamal matabijam. Kaen paklon fiesta poxaliajwade wut, to'apon pamak kawetaliajwa, japi wesfulaliajwa paklon pejba. Do jawux, paklon fiesta poxade. Do baxael, chalechkal paklon pa'an wut, bafafa daka wuton, kamta pamak wefasaxaeson. **37** Pamak naliasfulpoxtat pejpaklon pat wut, ja-aech wut, japi nejchachaemlaxael paklonliajwa. Diachwujajnakolax xan jum-an xamalliajwa. Paklon to'axaesi chalakaliajwa paklon pejmesaxot. Do jawux, paklon pajut naxaeyax chaxduiyaxael japi pamak xaeliajwa. **38** Pinmadoitat, o, nalianax mox pawujajna wut, paklon pat wut, japahoratat pamak nakiowa naliasful wut, japi nejchachaemlaxael. **39** ¡Matabijimbej jumchiyaxaelenpox! Bapijin matabijt wut kethakan pasaxaelhoratat japon wenatkowaliajwas, japon aton naliasfulaxael pejbatat, wujajnawesfulaliajwabejpon kethakan. Ja-aech wut, kethakan natkowaxil japon pejbatat. **40** ¡Xamallap-is ja-amsfulde, xan nawujajnawesfulam wut! Xanbej, puexa jiw pakoewkolnan, jachiyaxaelen. Chalechkal pasaxoekan, ampathatpijiw nawujajnawesfula-el wut” —aech Jesús pejnachalaliajwa.

Paklon kolenjepox pamakan, kaen pachaem, asan chiekal chaema-el

(Mt 24.45–51)

41 Pedro wujajnachaemt wut, jum-aechon Jesúsliajwa:
—Tajpaklon, xam jum-ampox, wujajan, ¿japoxkat xanalkaliajwa, o, puexa jiwliajwabej? —aech Pedro, wujajnachaemt wut Jesús.

42 Jesús jüm-aech Pedroliajwa: “Xan jümchiyaxaelen wüajan, kaen nabichan, pachaemponliajwa. Japon pomatkoicha chiekal nabist paklonliajwa. Babijax nejchaxoela-elon. Paklon ajil wüt, japon chiekal tato'lafül asew nabichow. Naxaeyaxanbej chiekal chaxduwbejpon pomatkoicha, me-ama paklon to'ason japox isliajwa. **43** Paklon pat wüt, taen wütbejpon nabichan chiekal nabistpox, ja-aech wüt, japon nabichan xabich nejchachaemla-ael. **44** Diachwüajnakolax xan jüm-an. Paklon matabijt wüt nabichan chiekal nabistpox japon pejwüela, ja-aech wüt, paklon to'axaeson puexa paklon pejew tataeflaliajwa.

45 “Pe nabichan chiekal nabich-el wüt paklon pejwüela, japon nabichan nejchaxoelaxael: ‘Tajpaklon xabich pin-iamatkoijan pasaxil’ —chiyaxaelon, nejchaxoel wüt. Samata, chiekal tataeflaxilon asew nabichow. Be'balaxaelon poejiw, watho'bej. Do jawux, tuadusaxaelon xaeliajwa, saxsliajwasbej. Jasox isfulaxaelon pomatkoicha. **46** Ja-aech wüt, nejchaxoela-xilon paklon pasaxaelpox. Do jawüt, chalechkal paklon pasaxael. Do jawütbej, nabichan xabich kastikaxaes. Jawux to'axaeson asew jiw poxade, Dios naexasis-eli poxade” —aech Jesús Pedroliajwa.

47 Jesús pejme jüm-aech pejnachalaliajwa: “Nabichan matabijt wüt paklon to'asox isliajwa, pe is-el wüton, ja-aech wüt, nabichan xabich selsaxaes. **48** Asew nabichow chiekal jümmatabija-el wüt paklon to'aspox, ja-aech wüt, japi is paklon nejxasinka-el-pox. Do ja-aech wüt, japi kastikaxaes. Pe selsaxaes wüt, xabich selsaxisal. Puexa paklochow chiekal isaxael pejbichaxan pachaempoxantat. Diosxotse wüt, asamatkoi chapaeyaxaeli pejbichaxan ispoxanliajwa. Samata, kaes pejme pachaem isliajwa pejbichaxan pachaempoxantat, kastikalaliajwaspi Dios” —aech Jesús pejnachalaliajwa.

Jesús paskpox japon pijaxtat ampathatpijiw nadialialiajwa

(Mt 10.34–36)

49 Do pejme Jesús jüm-aech pejnachalaliajwa: “Xan fūloekx ampathatasik puexa jiw babijaxan ispoxan wemosliajwan, xan tux wüt. Asew jiwxot xan nanaexaxisaxael. Pe asew jiw xan nanaexaxisaxil. Asamatkoi japi Dios xabich kastikaxaes. Tajnabijasax, tajtuxpaxbej, toep wüt, jawüt xan xabich nejchachaemlaaelen. **50** Xabich babejkolax, nabijasax, nawewe'pfük

japox xan naxapaejsliawa. Xan xabich nabijasaxaelen, naboesa wʉti. Samata, xabich nejchaxoelx tajpatʉpaxliajwa. **51** Nejchaxoelam wʉt, ʉnabej nejchaxoele!: ‘Jesús fʉloek potʉajnuʉcha jiw chiekal kaenejchaxoelaxliajwa, chiekal duilaliajwabej nabe-elaxtat’ —nabej aeche!, nejchaxoelam wʉt! Xan pas-enil japoxliajwa. Xan tajaxtat xabich jiw kaenejchaxoelaxil. **52** Kaebatat cinco jiw duil wʉt, japixot kaenejchaxoelaxil. Tres xan nanaexaxisaxael. Kolenje nanaexaxisaxil. El wʉt, kolenje xan nanaexaxisaxael. Tres nanaexaxisaxil. **53** Kaebaxot pax, paxʉlan sʉapich, kaenejchaxoelaxil xan tajaxtat. Japixot kaen xan nanaexaxisaxil. Asan nanaexaxisaxael. Pen, paxʉlow sʉapich, jachiyaxaelbej. Japixot kaeow xan nanaexaxisaxil. Asaow nanaexaxisaxael. Paem, pakala sʉapich, jachiyaxaelbej. Japixot kaeow xan nanaexaxisaxil. Asaow nanaexaxisaxael” —aech Jesús pejnachalaliajwa.

Dios ispoxan judíos chiekal matabija-el

(Mt 16.1–4; Mr 8.11–13)

54 Jesús jʉm-aech jiwliajwa: “Amxot, Israel tʉajnuʉxot, itloejen fʉlaen wʉt juimt tujoplel, xamal japox taenam wʉt, jʉm-am: ‘Amwʉt iam thilnaxael’ —am xamal. Do jawʉx, japamatkoitat diachwʉajnakolax iam thilan, me-ama xamal jʉm-am. **55** Surllel, wik wʉt, xamal jʉm-am: ‘Amwʉt xabich masxaenkaxael’ —am xamal. Do jawʉx, japamatkoitat diachwʉajnakolax xabich masxaenk, me-ama xamal jʉm-am. **56** ʉXamal naekichachajbapijwam! Matabijam, xabich masxaenkaliajwa wʉt, iam thilnaliajwa wʉtbej. ʉPe ma-aech xotkatlax xamal matabija-emil Dios ispoxan ampamatkoiyantat?” —aech Jesús jiwliajwa.

Jesús naewʉajanpox asanliajwa xatis babijax isas wʉt, kamta chaemsliajwas

(Mt 5.25–26)

57 Do pejme Jesús jʉm-aech jiwliajwa: “Nejchaxoelam wʉt, ʉnajut chiekal nejchaxoelde isfʉlaliajwam pachaempoxan! **58** Xamal isam wʉt babijax asan atonliajwa, japon aton xamal bʉ'fol wʉt juez poxade xamal kastikaliajwa, ʉchiekal jʉm-amde bʉ'folponliajwa, chaemsliajwam japox babijax, japon aton sʉapich! ʉJa-amde juez kastikasamata xam! Jasox jachi-emil wʉt, xamal wiasaxaelon jiw jebatat jeliajwa. **59** Xan chiekal

jum-an. Xamal jiw jebatat jia wuti, xamal kamta nakolaximil. Jaxot nakolaximil, mos-emil wut babijax isampoxanliajwa. Xam mosaxaelam puexa dewatampoxan jaxot nakolaliajwam” —aech Jesús jiwliajwa.

Jesús naewuajanpox jiw kofaliajwa babijaxan isfulpoxan naexasisfulaliajwa Dios

13 Jiw patpi Jesúsxot, japi jum-aech Jesúsliajwa: —Galilea tuajnujijiw pat Jerusalén paklowaxxot. Japi choef xua'at Dios pejtemplobatat Dios chaxduiliajwapi ofrenda. Do jawut, Pilato to'a pejsoldaw japi jiw beliajwas. Baes wut, japi pejjal, choefjal suapich, matanialas —aechi Jesúsxot pati, chapaei wuti Jesús.

2 Jesús jum-aech japi jiwliajwa:

—Xamal bej nejchaxoelambej: ‘Japi japox wejatis, kaes babijaxan is xot. Me-ama asew jiw pejtujnujijiw, jachi-el xoti’ —bej ambej, nejchaxoelam wut. **3** Xan jum-an: ‘Japi japox wejatis xamal najut kofaliajwam babijaxan isfulampoxan. Kofa-emil wut, asamatkoi tupam wut, xamalbej Dios kastikaxael. Diosxotaximilbej’ —an xan. **4** Ba, xabich athupox, Torre de Siló pawulpox, chalechkal chajia jüwal Jerusalén paklowaxxot. Japox jüwal wut, dieciocho jiw matkaeyas. Xamal nejchaxoelam wut, bej jum-ambej matkaeyaspiliajwa: ‘Japi japox wejatis, kaes babijaxan is xot. Me-ama asew jiw, Jerusalén paklowaxpijw, jachi-el xoti’ —bej ambej, nejchaxoelam wut. **5** Xan jum-an: ‘¡E! Japi jasox wejachi-esal. Xamallax kofa-emil wut babijaxan isfulampoxan, asamatkoi tupam wut, Dios xamalbej kastikaxael. Diosxotaximilbej’ —an xan —aech Jesús jiwliajwa.

Higonae naboes-elpox pejwuajan

6 Jesús naewuajan wut jiw, higonaeliajwa jum-aechon: “Kaen aton pejlul. Pejluututat higonae nuk, chajia muthtasnae. Lulpijin mox soepan japanae taeliajwa, pabaech wut tusliajwa. Pe japanae baechjil. **7** Samata, lulpijin jum-aech pejlul wetataeflasponliajwa: ‘¡Taem ampanae! Ampoxtat tres waechan fulaenxpo, pabaech wut tusliajwan. Pe chinax naboes-el. Samata, ¡likde nae! ¡Kaes nabej tapaetis ampanae sat it-elaliajwa!’ —aech lulpijin. **8** Lul tataeflan jumnot wut, jum-aechon paklonliajwa: ‘Tajpaklon, ¡ma ampawaechtatafuk tapaem! Xan chabakasaeyaxaelen. Do

jawut, abono chabakatholaxaelenbej. **9** Ja-an wut, japanae bej naboesaxaelbej asawaestat. Pe japawaestat naboes-el wut, do jawut, japanae liksaxaelen' —aech lul tataeflan" —aech Jesús jiwliajwa.

**Jesús boejthutpox napatamatkoitat kaeow
pawis, jajulopow bu'xaeyaxtat**

10 Asamatkoi, napatamatkoi wut, Jesús naewuajan judíos naewuajnbaxot. **11** Japabaxot kaeow pawis ek, bu'xaenkpow. Pomatkoicha jajulwax chalaejapow. Chinax nadolsaxilow. Japow dieciocho waechan, ja-aech dep ketispoxtat. **12** Jesús taen wut japow, lapon. Japow pat wut Jesúsxot, jum-aechon japowliajwa:

—Xam boejthutx bu'xaenkampox —aech Jesús.

13 Jesús ke-ot japow pejta'tat. Jawut, japow chiekal nadolt. Kaes jajulwa-elow. Do jawut, japow jum-aechful Diosliajwa: "Dios, xam isam xabich pachaempox xanliajwa. Xam xabich pachaemam" —aechow Diosliajwa. **14** Jawut judíos naewuajnbata tataeflan palala Jesúsliajwa, Jesús boejthut xot japow napatamatkoitat. Samata, judíos naewuajnbata tataeflan jum-aech jiwliajwa:

—Kaesemana seis matkoiyan nabichliajwas. Japamatkoiyan wut, xamal fulaeyaxaelam ampaleldin. ¡Nabej fulae! napatamatkoi wut Jesús boejthusliajwa xamal! —aech judíos naewuajnbata tataeflan.

15 Do jawut, Jesús jum-aech judíos naewuajnbata tataeflanliajwa, a sew jiwliajwabej:

—¡Xamal naekichachajbapijwam! Chaemilam wut, me-ama pachaemam wut, pakabuan-am. Xamalbej najut nabistam napatamatkoitat. Xamal najut sitae-emil napatamatkoi. Nijan woei joltam buflaeliawam japon woei min feliajwa. Woei-el wut, nijan bur joltam napatamatkoitat buflaeliawam, japon bur min feliajwa. **16** Ampow, Abraham pamow, kaes pejme pachaem. Me-ama choefan, jachi-el. Dep ketispoxtat dieciocho waechan japow bu'xaenk. Samata, napatamatkoitat japow boejthutx —aech Jesús judíos naewuajnbata tataeflanliajwa, a sew jiwliajwabej.

17 Jesús japox jum-aech wut, Jesús padaelmajiw padala. Samata, asbuan jumch boejlach chalaki, padala xoti Jesúsliajwa. A sew judíoslax nejchachaemil, jumtaen wuti Jesús jum-aechpoxliajwa, taen wutbejpi koechax, Jesús ispox.

Mostazafut pejwujajan

(Mt 13.31–32; Mr 4.30–32)

18 Jesús jum-aech: “Jumchiyaxaelen wujajan xamal chiekal matabijaliajwam, achax kabuchiyaxael, Dios puexa pejjiw tato'laxael wut. **19** Dios puexa pejjiw tato'laxaelpox, me-ama mostazafut, ja-aechox. Kaen aton mutht japafut pejlultat. Kamta wenaboeltas. Chiekal weti'tasbejpon. Ti't wut, naelisdol. Samata, japadalantat mia is pejfenan tabu-owaliajwa” —aech Jesús. (Jasoxtat japi jiw naexasit Dios tato'alpox majt kaeswapich. Kaeswapich matkoijan wut, kaes pejme xabichaxael jiw.)

Levadura pejwujajan

(Mt 13.33)

20 Do pejme Jesús jum-aech: “¿Masoxkat wujajan chiekal pachaem xamal naewujajnalijwan, matabijaliajwambej Dios tato'alpox puexa pejjiw? **21** Dios puexa pejjiw tato'laxaelpox me-ama levadura pan isas wut, jachiyaxael japox. Kaeow pawis pan is wut, taniala tres taso trigobelan, levadura swapich. Do jawux, cha-etfuk posapa puthlaliajwa levaduratat kaes pinasapaliajwa” —aech Jesús. (Jachiyaxaelbej, asamatkoi Dios puexa pejjiw tato'laxael wut. Pothata jiw xabich xajupaxael.)

Asew jiwlijaw xabich tampoelpox, japi naexasislijaw Dios

(Mt 7.13–14, 21–23)

22 Jesús Jerusalén paklowax poxade wut, asapaklowaxanxot, tuajnuchanxotbej, jiw naewujajnafulon. **23** Do jawut, kaen aton wujajnachaemtas wut, jumtispon:

—Tajpaklon, ¿diachwujajnakolaxkat Dios kaeswapich jiw bu'weyaxael? —tispon.

Jesús jumnot wut, jum-aechon:

24 —Diosxotse paslijaw, me-ama cha-aelaxach laleyax, ja-aechox. Xabich jiw nejxasink pajut paslijaw. Pe jiw pajut pijaxtat pasaxil. **25** Bapijin ba faka't wut, xamal namaeyaxaelam tathoetat. Lam wut, jumchiyaxaelam: ‘Tajpaklon, ¡ba fafa'e xanal lelijaw!’ —chiyaxaelam bapijin. Pe japon jumno'an wut, jumchiyaxaenon xamallijaw: ‘Xan matabijsenil xamal. ¿Amxotpijwamkat xamal?’ —chiyaxaen bapijin. **26** Xamal jumchiyaxaelam: ‘Xanallape, xam swapich, kaeyaxtat

naxaelaxpin, afixpinbej. Tajpaklowaxxot xam naewwajnamponam' —chiyaxaelam. **27** Bapijin pejme xamal jumnosaxaen: 'Xamal matabijs-enil. Matabijs-enilbej amxotpijwam. Xamal babejchowam. ¡Chijiamde!' —chiyaxaelon. **28** Xamal atuj taeyaxaelam Abraham, Isaac, Jacob swapich, puexa asew profetasbej. Japi Diosxotse amwutjel duil. Pe xamal pelsaxaekon infierno poxadik. Jaxotdik xamal xabich noeyaxaelam. Bua'tatisaxaelambej, xabich nabijasaxaelam xot. **29** Xabich jiw, potujnuchanpijiw, pasaxael Diosxotse. Japi jiw chalakaxael Diosxot. Naxaeyaxaelbejpi. **30** Jiw amwutjel kaes paklochowpi, japi Diosxotse paklochowaxil. Asew amwutjel paklochowaelpi, japi kaes paklochowaxael Diosxotse —aech Jesús aton, wajnachaehtasponliajwa.

Jesús xabich nejxaejwaspox Jerusalén paklowaxpijwliajwa

(Mt 23.37–39)

31 Jesús buxtoet wut wajnachaehtasponliajwa, jawut kaeswapich jaxot fariseos pat, Jesúsxot. Do jawut, fariseos jum-aech Jesúsliajwa:

—¡Ma amxot xam asalel chijiamde, rey Herodes fulaeyaxaen xot xam boesaliajwa! —aech fariseos Jesúsliajwa.

32 Jesús jumnot wut, jum-aechon:

—¡Xamal xabua'de Herodes poxade! Japon aton, me-ama lam wut, ja-aechon, jiw tabejsan xot. ¡Chapaempon xan isfulaxpoxan, nanuamtax wut! ¡Jum-amopon, chapaeyam wut: 'Jesús jum-aech: "Amwutjel, kandiawabej, to'axaelen dep nakolaliajwa, jiw pejmatpuatanxot webaespi. Bu'xaenkpibej boejthusaaxaelen. Asakandiawa wut, toesaxaelen tajbichax' —aech Jesús' —amo Herodes! **33** Amwut fulaeyaxaelen Jerusalén paklowax poxade. Jaxotat pasaxaelen Jerusalén paklowax, jaxotde naboesaliajwapi, Dios pejprofetas jibaes xot Jerusalén paklowaxxot —aech Jesús fariseosliajwa.

34 Jesús xabich nejxaejwas, nejchaxoel wut Jerusalén paklowaxpijwliajwa. Samata, jum-aechon: "Xamal Jerusalén paklowaxpijwam, Dios pejprofetas pabam. Asew profetasbej ia'tat dadapam, Dios buxto'aspi xamal naewwajnalialjwa. Me-ama kawaema paxi tameja pejba'buxfaltat, xan jachisian xamal bu'weliawwan. Pe xamal xan nanejwesla. **35** ¡Chiekal najumtaem!

Nejpaklowaxxotaxil Dios. Kaes kajachawaesfɔlaxilbejpon xamal. Piach nataeyaximil. Xan pejme patx wɔt, jawɔt xamal jɔmchiyaxaelam xanliajwa: ‘Dios nej kajachawaesas fɔlaenpon Dios pijaxtat’ —chiyaxaelam, pejme nataeyaxaelam wɔt” —aech Jesús, nejxaejwas wɔt Jerusalén paklowaxpijwliajwa.

Jesús boejthɔtpox xabich bɔ'pɔthalpon

14 Napatamatkoi wɔt, Jesús fɔlaech xaeliajwa kaen fariseospaklon pejba poxade. Jaxotdebej asew fariseos, japi Jesús padaelmajiw. Japi tataefɔl Jesús taeliajwapi, Jesús is wɔt babijax. **2** Do jaxotde wɔt, kaen aton, pobɔ'ta xabich bɔ'pɔthalpon, japon nuk Jesús pejwɔajnalel. **3** Do jawɔt, Jesús wɔajna chaemt judíos chanaekabɔanapi, fariseosbej. Jɔm-aechon:

—¿Naktapaeikat bɔ'xaeyan boejthusliajwas napatamatkoitat? O, ¿ja-elkat? —aech Jesús japi liajwa.

4 Japi jɔmnos-el. Do jawɔt, Jesús bɔ'xaeyan mɔaxfit wɔt, Jesús chiekal boejthɔt bɔ'xaeyan. Do jawɔx, Jesús to'a japon nawiasliajwa pejba poxade. **5** Do jawɔt, Jesús jɔm-aech fariseosliajwa:

—Naxɔlan jop wɔt mɔthadik napatamatkoitat, o, nijan woei jop wɔtbej napatamatkoitat, xamal jusaxaelampon. ¿Diachwɔajnakolaxkat japox? —aech Jesús.

6 Japi wejisal jɔmnosliajwapi Jesús. Asbɔan jɔmch boejlach chalaki.

Jesús naewɔajanpox fariseos chalakasamata tɔa-ekaxan, kaes pachaempoxantat

7 Fariseospaklon pejbatat wɔt, Jesús taen, asew fariseos chalak wɔt tɔa-ekaxan, kaes paklochowpiliajwapi chalak wɔti. Jesús japox taen wɔt, jɔm-aechon japi fariseosliajwa japoxan kofaliajwapi. Jesús naewɔajan wɔt, jɔm-aechon japi liajwa:

8—Kaen aton xamal tadɔt wɔt nakjiyafiesta poxade, jaxotde xaeliajwam, jnabej chalake' paklochow chalakaxaelpoxantat! Jam wɔt, asew bej pasaxaelbej tadɔchpi, japi kaes paklochowpi. Japi, me-ama xamal, jachi-eli. **9** Ja-aech wɔt, xamal tadɔtpon pasaxael xamalxot jɔmchiliajwa: ‘¿Ampatɔa-ekaxanxot xamal nanim, asew chalakaliajwa!’ —chiyaxaelon xamalliajwa. Japatɔa-ekaxanxot xamal nanam wɔt, nanaxaelam xabich nadalaxtat.

10 Kaes pachaem xamal chalakaliajwam taxdukatua-ekaxantat, tadut wuti xamal xaeliajwam, fiestamatkoi wut. Do jawut, xamal tadutpon xamalxot pat wut, jumchiyaxaelon: '¡Amxot xamal nanim! ¡Chalakde kaes paklochow chalakpoxantat!' —chiyaxaelon xamalliajwa. Do jawut, xamal chalakaxaelam japatua-ekaxantat. Jaxot chalakam wut, puexa jiw, chalaki mesaxot, japox taeyaxael. Ja-aech wut, xamal kaes sitaeyaxael jiw. **11** Nejmach-aton nejchaxoel wut pajutliajwa, nejchaxoelon ampox: 'Xan kaes pejme pachaeman. Me-ama asew jiw, jachi-enil' —aech wuton pajutliajwa, japon aton Dios jumchiyaxaes: 'Xam kaes pejme pachaema-emil' —chiyaxaeson. Asan atonlax nejchaxoel wut pajutliajwa: 'Xan pejme kaes pachaema-enil. Me-ama asew jiw, jachi-enil' —aech wuton pajutliajwa, asamatkoi japon aton jumchiyaxaes Dios: 'Xam kaes pejme pachaemam' —chiyaxaeson Dios —aech Jesús fariseosliajwa.

12 Do jawutbej, Jesús jum-aech fariseospaklonliajwa, japon taduchpon Jesús:

—Xam asew jiw tadutam wut xaeliajwapi nejbatat, matnochpijax, o, kaliaxpijax, nabej tadus xam matabijtampikal! ¡Nabej tadusbej nejnachala, nakoew, nejjiwbej, kemaeyabej, mox duilibej nejbaxot, asamatkoi japi xam tadusaxael xot xaeliajwam japi nejbatat! Jachiyaxaelam wut, xamal, me-ama xanafokam, xam matxoelatadutpi, japi xam tadutam wut xaeliajwa nejbatat. **13** Xam fiesta isam wut, ¡tadue'elax kejila, laelpaxilpibej, nabejkabej, itliaklabej! **14** Jasox isam wut, xam xabich nejchachaemlaxaelam, japi tadusaxil xot xam xanafonaliajwa tadutampoxliajwa. Jiw, pachaempi Dios pijaxtat, mata-eyamatkoi wut jiw pejme duilialiajwa, jawut Dios xam mosaxael japafiestaliajwa —aech Jesús taduchponliajwa.

Aton pinjiyax fiesta is wut, xabich jiw tadutpox

(Mt 22.1–10)

15 Kaen aton japixot jumtaen wut Jesús jum-aechpox, japon jum-aech Jesúsliajwa:

—Jiw xabich nejchachaemlaxael, Dios pejfiestaxot xael wuti Diosxotse —aech japon aton Jesúsliajwa.

16 Do jawut, Jesús wuajantat jumnot wut, jum-aechon:

—Kaen aton pamakjiw keto'a pinjiyax fiesta isliajwa. Do jawux, asan pamakan to'apon xabich jiw tadusliajwa.

17 Jawüt, naxaeyaxan chiekal isax ketoet wüt, pamakan pejme to'apon jiw jümchiliajwa: '¡Xabua't, puexa chiekal toetx xotlis!' —chiliajwapon jiw. Do jawüt, fulaechon japox jümchiliajwa. 18 Pe tadütaspixot chinax kaen pas-el. Puexa kaenanula jümxato'a wüt, jüm-aechi, ma-aech xot fulaeyaxili. Kaen japixot jümxato'a wüt, jüm-aechon: 'Amwütjel xan sat wüajtax. Samata, xan japoxade fulaeyaxaechan japasat taeliajwan. ¡Nabej nalale' xanliajwa, fulaeyaxinil xot nejfiesta poxade!' —aechon, jümxato'a wüt fiestapijinliajwa. 19 Asanbej jüm-aech, jümxato'a wüt: 'Xan diez woei wüajtax. Xan japi xapaejaxaelen. ¡Nabej nalale' xanliajwa, fulaeyaxinil xot nejfiesta poxade!' —aechon, jümxato'a wüton fiestapijinliajwa. 20 Asanbej jüm-aech, jümxato'a wüt: 'Xan amwütjel nakjiyax. Samata, xan fulaeyaxinil' —aechon, jümxato'a wüt fiestapijinliajwa. 21 Pamakan to'aspon kaxa nawia'an wüt, puexa chapaeipon pejpaklonxot. Do jawüt, pejpaklon xabich palala. Jüm-aechon pamakanliajwa: '¡Xabua'de bichakal paklowax poxade! ¡Jaxotde paklowaxthialaxanxot wülwekde jiw tadüsliajwam kejila, laelpaxilpi, itliakla, nabejkabej! ¡Japi jiw büflaeman amxot xaeliajwapi!' —aech fiestapijin pamakanliajwa. 22 Dolisdo', pamakan japox is. Jawüt jüm-aechon pejpaklonliajwa: 'Tajpaklon, isxlis nato'ampox. We'pfük jiw xajüpaliajwa puexa tua-ekaxan' —aechon pejpaklonliajwa. 23 Do jawüt, paklon pejme jüm-aech pamakanliajwa: '¡Xabua'de! ¡Jiw pejme wülwekde nüamantat, lülnüamantatbej! Jiw tadütam wüt, ¡jümbisnikde japi fulaeliajwadin tajba poxadin, tajba chiekal wülükaliajwapi! 24 Diachwüajnakolax xan jüm-an. Matxoelatadütxpi, chinax kaen japixot tajfiesta nakxaeyaxil' —aech fiestapijin —aech Jesús, ampawüajan naewüajan wüt.

**Jesús to'apox jiw nakfulaesiapi japon,
majt japi chiekal nejchaxoelaliajwa**

(Mt 10.37-38)

25 Jesús xabich jiw fúlafos wüt, kaxa natachaemdik wüt, jüm-aechon japi jiwliajwa: 26 “Nejmach-aton fúlaen wüt xanlel tajnachalanliajwa, japon xan nanejxasinkaxael. Me-ama pax nejxasink wüt, penbej, pijowbej, paxibej, pakoewbej, jachiyaxaelon, xan kaes nanejxasink wüt japon aton. Me-ama pajut nanejxasink wüt, jachiyaxaelbejpon xanliajwa.

27 Nejaxasinka-elpi xan tajaxtat nabijasliajwa, japi jiw tajnachalwaxil.

28 “Kaen aton xamalxot ba isliajwa wut, xabich athupox, japon majt chiekal nejchaxoelaxael, machiyaxaelon isliajwa japaba. Nejchaxoel wut, jumchiyaxaelon: ‘¿Xankat tajplatat xajupaxaelen, ampaba isx wut chiekal toesliajwan?’ —chiyaxaelon, nejchaxoel wut. **29** Japon aton majt chiekal nejchaxoela-el wut ba isliajwa, ba isax tuadut wut, pejplata wexajupa-esal wut, japon aton pejba chiekal toesaxil. Ja-aech wut, jiw bu'wujajanpaeyaxaeson. Xafafolaxaesbejpon jiw, pejba chiekal toes-el xoton. **30** Japi jiw jumchiyaxael: ‘Japon aton tuadut ba isliajwa. Pe nakiowa, wexajupa-esal pejew plata pejba chiekal toesliajwa’ —chiyaxaeson jiw. **31** Rey nabeliajwa wut, asatujajnujijiw suapich, japon rey majt chiekal nejchaxoelaxael, machiyaxaelon. Nejchaxoel wut, jumchiyaxaelon: ‘Xan tajsoldaw asbuan jumch diez mil. Tadaelman veinte mil soldaw. ¿Xankat, tajsoldaw suapich, malechaxaelen nachakifulaeyaxaenpi?’ —chiyaxael rey, nejchaxoel wut. **32** Dolisdo!, rey chiekal matabijt wut, jumchiyaxaelon: ‘Xan malechaxinil tadaelman’ —chiyaxael rey, nejchaxoel wut. Ja-aech wut, rey jumxato'axael wujajan xananampitat, japox wujajan wechaemsliajwas, padaelman atuaj wutfuk. **33** ¡Xamalbej majt chiekal nejchaxoelde, tajnachalwasiam wut! Nejew puexa waela-emil wut, ja-aech wut, tajnachalwaximil” —aech Jesús nakfulaesiaspiliajwa.

**Jesús pejnachala ampathatat,
me-ama dom pachaempox wut, ja-aechi**

(Mt 5.13; Mr 9.50)

34 Do pejme Jesús jum-aech pejnachalaliajwa, xabich asew jiwliajwabej: “Dom xakuenk wut, pachaem. Dom xakuenka-el wut, chaemil. Pejmeliajwa pachaemaxil. **35** Abonoliajwabej chaemil. Ja-aech wut, asbuan jumch pachaem thokchaliajwa. Xamal Dios pejnechaxoelax matabijasiam wut, ¡chiekal naewe'e xan jum-anpoxan!” —aech Jesús.

Ovejas tataefulpon faenpox pijan oveja, wenafo'aspon

(Mt 18.10–14)

15 Impuesto mat-omwuljoew gobiernoliajwa, asew jiw, babijaxan ispibej, japi pat Jesúsxot jumtaeliajwa Jesús

naewuajanpox. **2** Fariseos, judíos chanaekabuanapibej, japi taen, asew jiw pat wut Jesúsxot. Jawut japi jum-aech babejjamechan Jesúsliajwa. Nakaewa najum-aechi:

—Jesús bu'kula jiw babejchow. Japi suapich, xaelbejpon —aechi Jesúsliajwa.

3 Samata, Jesús japox jumtaen wut, jum-aechon ampawuajan fariseosliajwa, judíos chanaekabuanapiliajwabej: **4** “Xamalxot kaen aton cien ovejas wut, kaen oveja wenafo'as wuton, asew noventa y nueve ovejas waelaxaelon jalwekaliajwa wenafo'aspon. **5** Do faen wuton oveja, wenafo'aspon, xabich nejchachaemla-xaelon. Taka-osfulaxaenon oveja wenafo'aspon. **6** Dolison, ba pat wut, laeyaxaelon pejnachala, mox duilibej, chapaeliajwa wenafo'asponliajwa. Jawut jumchiyaxaelon: ‘¡Nejchachaemilde, xan suapich, xan pejme faenx xot tajan oveja, nawenafo'apon!’ —chiyaxaelon pejnachalialiajwa. **7** Diachwuajnakolax xan jum-an. Jachiyaxaelbej, Dios pej-ángeles nejchachaemil wuti Diosxotse, kaen aton koft wut babijaxan ispoxan ampathatat, japon naexasisfulaliajwa Dios. Dios pej-ángeles kaes pejme nejchachaemlaxael japon atonliajwa. Me-ama noventa y nueve jiw, pachaempiliajwa, Dios pej-ángeles nejchachaemil wut, jachiyaxili, japon atonliajwa” —aech Jesús fariseosliajwa, judíos chanaekabuanapiliajwabej.

Pawis faenpox pejkafef, japox pejwuajan

8 Jesús naewuajan asawuajan fariseosliajwa, judíos chanaekabuanapiliajwabej. Jum-aechon: “Pawis diez kafe-fachan wut, kaekafef wenafo'as wutow, japow tamdusaxael lámpara japa-itliakaxtat batu athoesliajwa chiekal jalwekaliajwa pejkafef. **9** Dolisow, faen wut, laeyaxaelow pejnachala, mox duilibej, chapaeliajwa. Do jawut, jumchiyaxaelow: ‘¡Nejchachaemilde, xan suapich, pejme faenx xot tajkafef, nawenafo'a wut!’ —chiyaxaelow. **10** Diachwuajnakolax xan jum-an. Jachiyaxaellap-is Dios pej-ángeles, nejchachaemil wut, kaen aton koft wut babijaxan ispoxan japon naexasisfulaliajwa Dios” —aech Jesús fariseosliajwa, judíos chanaekabuanapiliajwabej.

Pax beltaenpox paxulan, japox pejwuajan

11 Jesús naewuajan asawuajan, fariseosliajwa, judíos chanaekabuanapiliajwabej. Jum-aechon: “Kaen aton kolenje

paxulan. **12** Wuchakalpijin jum-aech paxliajwa: ‘Ax, jamalis xan nachaxdu'e tejwaxaelpi!’ —aech wuchakalpijin. Do jawut, pax diajan wuchakalpijin pejewpi. **13** Jawux, kaematkoi suapich wut, wuchakalpijin puexa pejew mowa. Japaplata xafolon, chijia wut atuj, asatujnulel. Jaxotde babijaxan isfuldepon. Jasoxtat puexa pejew, plata, chiekal xatoeton. **14** Puexa pejew plata chiekal xatoet wut, japamatkoiyan piach naxaeyaxan ajil japatujnuxot, xabich piach iam thilna-el xot. Samata, japon litaxaelaful. **15** Do jawut, fulaechon japatujnupijin bichax wuljoelajwa. Bichax faen wut, paklon to'ason maran tataeflax, chaxajialspi. **16** Do jawut, japon aton maran xaelpoxan, japonbej xaesia, xabich litaxaela xoton. Pe chinax chaxdus-esal japon xaeliajwa maran xaelpoxan. **17** Do jawut, japon pajut chiekal nejchaxoel wut, jum-aechon: ‘Pomatkoicha taj-ax pejbaxot xabich naxaeyaxan pamakjiw chaxduiliajwa. Taj-axxot naxaeyaxan nama. Xanlax amxot tajlit tuxaxaelen’ —aechon, nejchaxoel wut. **18** Do jawut, japon nejchaxoel wut, jum-aechon: ‘Xan nawoesa nawiasaxaelen taj-ax poxade. Patx wut taj-axxot, xan jumchiyaxaelen: “Ax, xan xabich babijaxan isx Diosliajwa, xamliajwabej. **19** Xan babejnan. Samata, xan tadala kaes naxulan napaeliajwam. Me-ama namakan tato'lam wut, jja-amde xanliajwa!” —chiyaxaelen, taj-axxot patx wut’ —aechon, nejchaxoel wut. **20** Dolison, japox nejchaxoel wut, chijialison pax poxade nawiasliajwa.

“Do baxael, atuxach fulaen wutlejen, pax taenson. Jawut pax xabich beltaen paxulan. Do jawut, najae'epon paxulan bu'kakulnaliajwa. Jawut wujaelton paxulan. Wujaelt wut, xusuwpon paxulan. **21** Jawut paxulan jum-aech paxliajwa: ‘Ax, xan xabich babijaxan isx Diosliajwa, xamliajwabej. Xan babejnan. Tadala kaes naxulan napaeliajwam’ —aech paxulan paxliajwa. **22** Pe jawut, pax jum-aech, pamakjiw to'a wut: ‘¡Xabua'de! ¡Wuljae'e naxoelax kaes chamoeyaxpox! ¡Xajoem-bejpon! ¡Anillo kothiyaxajoeldebejpon! ¡Tuxaxajoeldebejpon tuxaxajoelax! **23** Do jawux, jbuflaeman pak jelti'san, kaes dalpon! ¡Japon xua'alde! Amwut fiesta isaxaes xaeliajwas. **24** Taxulanliajwa nejchaxoelx wut, jum-an: “Diachwujnakolax taxulan asatujnutat bej nawetupbej” —an, nejchaxoelx wut. Pe laejapon. Nejchaxoelxbej: “Bej nafa'abejpon” —an, nejchaxoelx wut. Pe nawepaton’ —aech pax pamakjiwliajwa. Do jawux, fiesta isax tudutlisi.

25 “Pakoewan pat wut pax pejbatat, matxoelapijin lultat nabistpon. Pejbachax kekoft wut, ba mox itwefulaen wut, thiataenpon jajuiyax. Thiataenbejpon nababoelax. **26** Jawut matxoelapijin lapon pamakan. Wuajnachaemt wut, jum-aechon: ‘¿Ma-aech xotkat amwutjel fiesta isam?’ —aechon. **27** Pamakan jumnot wut, jum-aechon: ‘Nakoewan pat. Samata, nej-ax xanal naketo'a pak jelti'san, kaes dalpon, xua'laliajwan’ —aech pamakan. **28** Matxoelapijin japox jumtaen wut, xabich palalapon. Palala xot, ba le-elon. Samata, pax nakolde. Paxulan leyax to'aliajwa. **29** Matxoelapijin jum-aech paxliajwa: ‘Xabich pin-iawaechan xam tanbistax. Chinax owchila-ela-enil, nato'am wut. Xanlax chinax kaen cabra, jelti'san, nachaxdus-emil, xan fiesta isliajwan, tajnachala suapich. **30** Amwutjel naxulan pat, nejew plata xatoetpon watho'tat, poejiw ba'moejtpitat plata kanaliajwa. Japonliajwalax xam fiesta isam. Japonliajwabej namakjiw keto'am pak jelti'san xua'laliajwa, kaes dalpon’ —aech matxoelapijin paxliajwa.

31 “Pax jumnot wut, jum-aechon paxulanliajwa: ‘Wua, xam pomatkoicha xanxotam. Puexa xan tejewpi, japoxan xam nejwaxael. **32** Amwutjel pachaem fiesta isliajwas, puexa nejchachaemlaliajwas. Nakoewanliajwa nejchaxoelx wut, jum-an: “Diachwuajnakolax asatujnutat taxulan bej nawetupbej” —an, nejchaxoelx wut. Pe laejapon. Nejchaxoelx wut, jum-anbej: “Bej nafo'abejpon” —an, nejchaxoelx wut. Pe nawepaton amwutjel’ —aech pax matxoelapijinliajwa” —aech Jesús fariseosliajwa, judíos chanaekabuanapiliajwabej.

Pamakan maliach xatoesfulpox paklon pejew, japox pejwuajan

16 Jesús naewuajan wut pejnachala, asawuajantat jum-aechon: “Kaen paklon xabich kemaenk. Japon paklon kaen pamakan, puexa wetataeflaspon. Pe pamakan maliach wexatoesful paklon pejew plata. Do ja-aech wut, asew jiw maliach chapaeipi paklonxot, pamakan maliach wexatoesfulpox pejpaklon. **2** Samata, paklon pamakan la wut, jum-aechon: ‘Xampil tejew maliach nawexatoesfulam. ¿Xalaeman cuenta lelamfut, pomatkoicha tejew mowam wut, wuajtam wutbej xanliajwa! Ma amwut xam kaes puexa tejew nawetataeflaximil’ —aech paklon pamakanliajwa. **3** Do jawut, japon, paklon

pamakan, nejchaxoel wut, jum-aechon: ‘¿Xan machiyaxaelenkat amwut? Tajpaklon najusaxael tajbichaxot. Xan mamnika-enil sat nabichliajwan. Xan tadalabej asew jiw malech plata wuljoeliajwan. 4 ¡Aa, xan matabijtax isaxaelenpox! Japox isx wut, nabich-enil wut tajpaklonliajwa, asew jiw pejbaxot patx wut, chiekal nabu'kulaaxaeli’ —aech pamakan, nejchaxoel wut. 5 Do jawux, japon kaenanula wullala pejpaklon dewati japi fulaeliajwadin. Wullala wut, matxoelapatponliajwa jum-aechon: ‘¿Massuapichkat xam dewatam tajpaklon?’ —aechon matxoelapatponliajwa. 6 Matxoelapatpon jum-aech: ‘Xan dewatax nejpaklon ochocientos galones olivosiminan’ —aech matxoelapatpon. Do jawut, jusaxaespon pejpaklon pejbichaxot, japon jum-aech: ‘Ama pelfut majt xam lelampox jasuapich dewatampox. ¡Asafutat leelde dewatampox asbuan jumch cuatrocientos galones olivosiminan!’ —aech jusaxaespon. Jawut dewatpon japox is. 7 Do jawux, asan pat wut, jusaxaespon pejpaklon, japon jum-aech patponliajwa: ‘¿Massuapichkat xam dewatam tajpaklon?’ —aech jusaxaespon. Dewatpon jumnot wut, jum-aechon: ‘Xan dewatax nejpaklon cien trigobulan’ —aech dewatpon. Jusaxaespon pejpaklon jum-aech: ‘Ama pelfut majt xam lelampox jasuapich dewatampox. ¡Asafutat leelde dewatampox asbuan jumch ochenta trigobulan!’ —aech jusaxaespon pejpaklon. Do jawut, dewatpon japox is. Jasox isful pejpaklon jusaxaespon asew jiwliajwabej, dewatpiliajwa japon pejpaklon. 8 Do japox isax ketoet wut, jusaxaespon pejpaklon xalaechon japi pel-uaf pejpaklon chaxdusliajwa. Do jawut, paklon matabijt wut japox ispoxliajwa, jum-aechon pamakanliajwa, chijiyaxaelponliajwa: ‘Xam babijax isam xanliajwa, xabich matabijtam xot. Japox isam asamatkoi xamliajwa pachaemaliajwa’ —aech paklon pamakan chijiyaxaelponliajwa. Dios naexaxis-eli, kaes pejme matabija wuajsliajwa, mowaliajwabej. Me-ama Dios naexasiti, jachi-eli” —aech Jesús pejnachalaliajwa.

9 Do pejme Jesús jum-aech pejnachalaliajwa: “Diach wuajnakolax xan jum-an. ¡Nejplatatat, nejewtatbej, asew jiw kajachawae'e ampathatat, japi nabist wut Dios pejbichaxan! Japoxan xatoetam wut, asamatkoi, xamal tupam wutbej, Diosxotse xamal chiekal bu'kulaaxaeli” —aech Jesús pejnachalaliajwa.

10 Do pejme Jesús jum-aech pejnachalaliajwa: “Aton asan pejew chiekal tataeflaful wut, kaeyachpoxan, chinax maliach xatoes-el waton, japon aton xajup asan pejew chiekal tataeflaliajwa, xabich wutbej. Asan chiekal tataefla-el wut asan pejew, kaeyachpoxan, japon xajupaxilbej asan pejew chiekal tataeflaliajwa, xabich wut asan pejew. **11** Xamal xajupa-emil wut chiekal tataeflaliajwam asan pejew plata, ja-am wut, Dios to'axil xamal tataeflaliajwam xabich kaes ommaenkpi, Dios pijaxan. **12** Xamal xajupa-emil wut chiekal tataeflaliajwam asan pejew, ja-am wut, chinax kaen aton xam chaxdusaxil nejewkolaliajwa” —aech Jesús pejnachalaliajwa.

13 Do pejme Jesús jum-aech pejnachalaliajwa: “Pamakan, kolenje wut paklon, japilialjwa chiekal najupatanbichaxilon. Kaen paklonliajwa chiekal tanbichaxaelon. Asan paklonliajwa chiekal nabichaxilon. Ja-aechlap-is Dios nejxasinkpi. Japi nejchaxoel wut platakak, chiekal nabichaxili Diosliajwa” —aech Jesús, naewwajan wut pejnachala.

14 Fariseos, japi xabich nejxasink plata, japi jumtaen Jesús, jum-aech wut pejnachalaliajwa. Samata, japi bu'wajanpaeipi Jesús. **15** Do jawut, Jesús jum-aech fariseosliajwa: “Jiw jum-aech wut xamalliajwa: ‘Fariseos xabich pachaem’ —aech wuti, xamal xabich nejxasinkam japoxliajwa. Pelax Dios chiekal matabijit, xamal nejchaxoelaxan chiekal pachaema-elpox. Jiwliajwa pachaempox, japoxlax Diosliajwa chaemil” —aech Jesús fariseosliajwa.

Amxot jum-aechpox Moisés chajia lelpoxliajwa, Dios puexa pejjiw tato'laxaelpoxliajwabej

16 Jesús pejme jum-aech fariseosliajwa: “Juan, jiw bautisan, pas-el wutfak, jiw naewwajnas Moisés chajia lelpox, japox jiw naexasisfulaliajwa. Japi jiw naewwajnasbej profetas chajia lelpox. Do jawux, Juan, jiw bautisan, pat wut, japon naewwajan chimiawwajan. Xan patx wutbej, naewwajnas chimiawwajan, Dios puexa pejjiw tato'laxaelpoxliajwa. Samata, amwutjel puexa jiw xabich pasasia Diosxotse” —aech Jesús fariseosliajwa.

17 Jesús pejme jum-aech fariseosliajwa: “Ampathat, thatbaxobej, japoxan xabich tampoel toepaliajwa. Pe kaes pejme xabich tampoel toepaliajwa Moisés chajia lelpox, Dios pejjamechan xot. Puexa Moisés chajia lelpox, diachwajnakolax puexa japoxan jachiyaxael” —aech Jesús fariseosliajwa.

Jesús naewuajanpox poejiw pelsasamata pejwatho'

(Mt 19.1–12; Mr 10.1–12)

18 Jesús pejme jum-aech fariseosliajwa: “Aton pijow fo'a wut, fit wuton asaow, japon aton babijax is Diosliajwa, bu'moejt xot asaow pawis, pijwa-elpow. Dios nejchaxoelaful japon aton matxoelafitpowliajwa, japon aton nakiowa pijowfuk. Kaen aton, fo'aspow fit wut, japon aton babijax is Diosliajwa, japowfuk nakiowa pamal xot Diosliajwa” —aech Jesús fariseosliajwa.

Jesús naksiyapox kemaeyanliajwa, Lázaroliajwabej

19 Jesús naewuajan wut, ampawuajan jum-aechon fariseosliajwa: “Kaen aton xabich kemaenk. Pomatkoicha naxoeipon chimia. Pomatkoichabej fiesta ispon pejbatat. Kemaeyan chimianaxaeyaxan pejjiw bu'xael. **20** Jaxotbej kejilan, nabijatpon. Japon pawul Lázaro. Japon pobu'ta xabich sa'las. Pomatkoicha satat ekon kemaeyan pejbafafaxot. **21** Lázaro xaesia natacholanpi kemaeyan pejmesaxot. Pomatkoicha wur fulalaena Lázaro bu'daeliajwas sa'la-itfachan. **22** Do asamatkoi wut, Lázaro tup. Japon Dios pej-ángeles bu'fos patupa papatxotse, Abrahamxotaliajwabejpon. Do jawux, asamatkoi, kemaeyan tupbej. Japon muthtas.

23 “Kemaeyan tup wut, patupa papatxotbej japon pat, kastikaxaes xoton. Jaxotdik kemaeyan xabich nabijat. Kemaeyan natachaemse wut, taenpon atuaj Abraham. Taenbejpon Lázaro, Abraham suapich, wut. **24** Samata, kemaeyan pinjametat jum-aech Abrahamliajwa: ‘Am Abraham, ixan nabeltaem, xabich nabijatax xot jitat! ¡Lázaro to'im min kothiyaxathosliajwa, xanlel fulaeliajwasik, nakaech-ia'thusliajwa!’ —aech kemaeyan. **25** Abraham jumnot wut, jum-aechon: ‘Tamon, ixam chiekal nejchaxoelde! Xam laejam wut thatat, xabich nejmach nejew. Lázarolax laeja wut thatat, japon xabich nabijat, kejil wut. Pe amwutjel, japon xabich pachaem amxot. Xamlax amwutjel nabijatam. **26** Lázaro fulaeyaxil xam poxadik, chuut xabich athu xot, matnoch nukjik xotox. Samata, xambej ampalel julaximil’ —aech Abraham kemaeyanliajwa.

27-28 “Do jawut, kemaeyan jum-aech: ‘Am Abraham, xam jum-an. ¡To'im Lázaro taj-ax pejba poxadik japon naewuajnalialjwa cinco takoew! Ja-aech wut, japibej ampalelsik

fulaeyaxil nabijasliajwa' —aech kemaeyan. **29** Jawutbej Abraham jum-aech: '¡Japi nej naexasis Moisés chajia lelpox, puexa profetas chajia lelpoxanbej!' —aech Abraham kemaeyanliajwa. **30** Kemaeyan jumnot wut, jum-aechon: 'Am Abraham, japi naexasisaxil japoxan. Pe patupan, mat-echpon, pejme duk wut, japon natulaelt wut japixot, ja-aech wut, japi babijaxan ispoxan kofaxael. Do jawut, japi Dioskal naexasisaxael' —aech kemaeyan Abrahamliajwa. **31** Do pejme Abraham jum-aech: 'Japi naexasis-el wut Moisés chajia lelpox, puexa profetas chajia lelpoxanbej, japiwej naexasisaxil patupan, mat-echpon, natulaelt wut japi naewuajnalijwas' —aech Abraham kemaeyanliajwa" —aech Jesús fariseosliajwa.

Jesús naewuajanpox jiw babijaxan isasamata

(Mt 18.6–9, 21–22; Mr 9.42–48)

17 Jesús jum-aech pejnachalaliajwa: "Asan aton pijaxtat asew jiw babijaxan is wut, japon aton xabich kastikaxaes Dios. **2** Jiw babijaxan isasamata japon aton pijaxtat, kaes pejme pachaemaxael japon aton pinjit ia't, jajaerat, kaechariamake'sliajwas, chafo'aliajwas mar poxadik, xabich so'nik poxadik. Ja-aech wut, asew jiw babijaxan isaxil japon aton pijaxtat, jelxan nanaexasiti. **3** Samata, ¡chiekal taem xamal nijaxtat asew jiw babijaxan isasamata!

"Nejmach-aton, Dios pejjamechan naexasitpon, is wut babijax xamalliajwa, ¡japon aton xamal fia'e kofsliajwapon babijax ispox! Dolison, japox babijax isax koft wut, ¡japon aton beltaem! **4** Japon aton pomatkoicha babijax isful wut xamalliajwa, asamatkoi jum-aech wuton xamalliajwa: 'Xan pejme isaxinil babijax xamalliajwa' —aech wuton, ¡japon aton xamal beltaem!" —aech Jesús pejnachalaliajwa.

Jesús pejnachala, japi kaes Dios xanaboejasiapox

5 Apóstoles jum-aech Jesúsliajwa:

—¡Xanal nakajachawae'e kaes Dios xanaboejalijwan! —aechi.

6 Jesús jumnot wut, jum-aechon apóstolesliajwa:

—Xamal cha-aex xanaboejam wut Dios, jum-am wut: 'Diachwuajnakolax Dios xajup puexa isliajwa' —am wut, nejchaxoelam wut, xamalbej xajupaxaelam isliajwam xabich

Dios pijaxtat. Nejxanaboejxan xabicha-el wut Diosliajwa, me-ama mostazafut cha-aelfut, ja-aech wut, xamal jum-am wut ampanaeliajwa: ‘¡Dios ampanae nej tathinchakusas pukatatut nukaliajwa!’ —am wut, diachwujnakolax japanae, jachiyaxael —aech Jesús apóstolesliajwa.

Nabichan isfulaxaelpox tato'laspox

7 Do pejme Jesús jum-aech apóstolesliajwa: “Xamalxot kaen nabichan wut, japon to'axaelam nabichliajwa. Lulbichax kekoft wut, o, pak tataeflax koft wuton, xamal jumchiyaximil: ‘¡Lemen! ¡Ekde tajmesaxot, xanal suapich xaeliajwam!’ —chiyaximil. 8 Jumchiyaxaelamlax: ‘¡Naxaeyax isde xanal xaeliajwan! Xaelx wut, wujnawesaxaelam, xanal asax nawewe'p wut kamta nawe-isliajwam. Kaechatoelx wut, xamwich xaeyaxaelam’ —chiyaxaelam nabichanliajwa. 9 Xamal graciaschiyaximil nama-kanliajwa, japon chiekal is wut to'amproxliajwa. Japon japox chiekal isaxael, nabichan xot. 10 ¡Xamallap-is jachiyaxaelam! ¡Isfulde Dios tato'alpoxan! Isax toetam wut, ¡nakaewa najum-amde: ‘Xatis nabichwas wajpaklonliajwa. Samata, chiekal isaxaes wajpaklon naktato'alpoxan’ —chiyaxaelam nakaewaliajwa! ¡Nakaewa najumchiyaximil: ‘Asan aton bej nakjumchiyaxaelbej: “Xamal gracias-an, chiekal nabistam xot Diosliajwa” —bej nakchiyaxaelbejpon’ —nabej aeche' najutliajwa!’” —aech Jesús apóstolesliajwa.

Jesús boejthutpox diez poejiw, leprawaxae waeispí

11 Jesús Jerusalén paklowax poxade wut, Galilea tuajnulelbabua'akal folon, Samaria tuajnulel. 12 Do jawut, Jesús paklowaxach pasliajwa wut, jaxot diez poejiw fulaen bu'kakulnaliajwapi Jesús. Japi puexa bu'xaenk leprawaxaetat. Japi mox pasaxil Jesúsxot. Samata, atuaxach nuili. 13 Japi nejlat wut, jum-aechi:

—Jesús, jiw chanaekabuanan, ¡xanal nabeltaem! —aechi.

14 Do jawut, Jesús japi taen wut, jum-aechon:

—¡Xabua'de sacerdotes poxade japi taeliajwa xamal leprawaxae boejthutpox! —aech Jesús.

Do jawut, japi fulaech wut sacerdotes poxade, fulaeyaxtat chalechkal japi puexa chiekal boejthu's leprawaxae. Do jawut, chiekal pachaemlisi. 15 Kaen japixot taen wut pejbu't chiekal

wepachaemspox, jawut tamach kaxadinpon Jesús poxadin. Dolison Jesúslel fulaen wut, pinjametat jum-aechfuldinpon Diosliajwa: “Dios, xam diachwajnakolax xabich pachaemam” —aechfuldinpon. **16** Dolison pat wut Jesúsxot, brixtat nuk wut Jesús pejwajnalel, sat makxabijindikon graciaschiliajwa. Japon aton, Samaria tujnupijin. **17** Do jawut, Jesús jum-aech asew jiwliajwa:

—¿Boejthulspikat, bej diezbejji? ¿Amxotkat asew nueve? **18** Ampon aton asatujnupijin. Tamach kaxadinpon Dios jumchiliajwa: ‘Dios, xam diachwajnakolax xabich pachaemam’ —chiliajwa —aech Jesús jaxot nuilpiliajwa.

19 Do jawut, Jesús jum-aech boejthulsponiajwa:

—¡Nande! ¡Xabua'de nejmach! Xam chiekal boejthullis, chiekal naxanaboejtam xot —aech Jesús.

Dios puexa pejjiw tato'lax tuadut wut, taeyaxisalpox

(Mt 24.23–28, 36–41)

20 Asamatkoi fariseos wujnachaemt wut, jum-aechi Jesúsliajwa:

—¿Maswutkat tuadusaxael Dios puexa pejjiw tato'laxaelpox? —aechi.

Do jawut, Jesús jum-aech fariseosliajwa:

—Dios tuadut wut puexa pejjiw tato'alpox, japox xamal taeyaximil. **21** Samata, jiw jumchiyaxil: ‘Ma amxot Dios puexa pejjiw tato'al’ —chiyaxil. Jumchiyaxilbejpi: ‘Ma jaxotde Dios puexa pejjiw tato'al’ —chiyaxil jiw. Dios puexa pejjiw tato'alpox ma xamalxot tuadutlisox. Pe japox tae-emil —aech Jesús fariseosliajwa.

22 Do jawut, Jesús jum-aech pejnachalalijwa:

—Xan, puexa jiw pakoewkolnan, asamatkoi puexa jiw tato'laxaelen ampathatat. Xamal xabich nejxasinkaxaelam xan nataelajwam, xan puexa jiw tato'lax wut. Pe nataeyaximil, nawepas-el xotfuk tajmatkoi jiw tato'lalijwan.

23 Asew jiw xamal kichachajbaxael. Jumchiyaxaeli: ‘¡Ma amxot Cristo!’ —chiyaxaeli. El wut, asew jiw xamal jumchiyaxael: ‘¡Ma jaxotde Cristo!’ —chiyaxaeli. Jasox jum-aech wuti, ¡xamal nabej naexasis! ¡Nabej fulae'ebey japoxade! **24** Chamx nakliafcha wut, potujnucha puexa jiw kaewutje taena. Xanlap-is jachiyaxaelen asamatkoi, xan, puexa jiw pakoewkolnan, pejme paskax wut.

Kamta kaewütje puexa jiw nataenaxael. **25** Pe matxoela xan xabich nabijasaxaelen. Ampathatpijiw, amwütjel laelpi, japi xan nanej-weslaxael. **26-27** Noé laeja wüt ampathatat, xabich jiw nejmamach. Samata, xaeli. Afbejpi. Nakjiyabejpi. Japamatkoijan, ja-aech wüt, Noé pinjiyax barkam low wüt, chalechkal xabich iam thilnax tñadut. Do jawüt, sat bu'al. Puexa jiw chiekal tñp. Jachiyaxaelbej asamatkoi, xan, puexa jiw pakoewkolnan, pasaxoekan wüt. Jiw pomatkoicha nejmach duilafulaxael. **28** Ja-aechlap-is Lot chajia laeja wüt. Jiw xael. Afbejpi. Wñajtbejpi. Mowabejpi. Muthabejpi naxaeyaxan. Bachan iabejpi. Japi jiw pomatkoicha chiekal nejmach duilaful. **29** Ja-aech wüt, japamatkoijan, Lot nakolt wüt Sodoma paklowaxxot, chalechkal athulelsik natacholan azufre, me-ama ia'an. Pe japi jitan tamdadutpi. Japoxan ja-aech wüt, puexa Sodoma paklowaxpijiw chiekal toejwas. **30** Jachiyaxaelbej xan, puexa jiw pakoewkolnan, pejme chalechkal pasaxoekan wüt. Jasoxtat jiw nejmach duilafulaxael.

31 “Japamatkoitat jiw nejchaxoelaxil pejew. Xan chalechkal paskax wüt, jiw, pejbachanmatwñajtat nuili, baloek wüt, nejchaxoelaxili pejbachan leliajwa pejew jukaliajwa. Japamatkoiyantat asew jiwbej, pejlulanxot nabisti, do jawüt, jaxot kamta japi dukpaxael. Kaxa naweyaxildini pejbachan poxadin pejew wñljaesliajwa. **32** ¡Nejchaxoelde Lot pijow wejatispoxliajwa! (Naexasis-el wütow Dios jñm-aechpox, japow domt nadofa.) **33** Jiw isful wüt pajut nejxasinkpoxan ampathatat, japi asamatkoi tñp wüt, duilaxili Diosxotse. Jiw tajaxtat kofa wütlax pajut isasiapoxan, japi jiw asamatkoi tñp wüt, pomatkoicha duilaxaeli Diosxotse.

34 “Diachwñajnakolax xan jñm-an. Chalechkal paskax wüt, japamadoitat kolenje moejt wüt kaecamatat, kaen buflaeyaxaes. Asan waelsaxaes. **35** Koliowje kaeyaxtat xatkiana wüt, kaeow buflaeyaxaes. Asaow waelsaxaes. **36** [Kolenje aton kaelultat nabist wüt kaeyaxtat, kaen buflaeyaxaes. Asan waelsaxaes.”] —aech Jesús, pejnachala naewñajan wüt.

37 Jesús pejnachala japox jñmtaen wüt, jawüt wñajna chaemt wüt, jñm-aechi Jesúsliajwa:

—Tajpaklon, çamxotkat japox jachiyaxael? —aechi.

Jesús jñmnot wüt, jñm-aechon pejnachalaliajwa:

—Puexa jiw chiekal matabija ampo. Choefan, tñpon, okxot, jaxot thütha pasliajwa piachaxil. Xan pasaxoekan wüt, me-ama japox, jachiyaxael —aech Jesús, naewñajan wüt pejnachala.

Jesús japox j̄m-aech w̄t, japox j̄mchiliajwa: “Pot̄aj̄n̄cha jiw taeyaxael, Cristo f̄loek w̄t, Dios markamatkoi pat w̄t” —chiliajwa japox.

Pamal naet̄spow pejw̄ajan, juezbej

18 Dolisdo!, Jesús naew̄ajan pejnachala kofa-elaliajwa Dios kaw̄ajanpox. Do jaw̄t, asaw̄ajantat naew̄ajanbejpon. **2** J̄m-aechon: “Paklowaxxot juez duk. Japon juez chinax Dios naexasis-el. Sitae-elbejpon Dios. Sitae-elbejpon jiw. **3** Japapaklowaxxot pawis duk, pamal naet̄spow. Asamatkoi japow f̄laech juez poxade j̄mchiliajwa ampox. Do jaw̄t, j̄m-aechow: ‘Tadaelman babijax is xanliajwa. Samata, j̄to'im soldaw japon aton kastikaliajwas!’ —aechow juezliajwa. **4** Japow pin-iaveces papat juezxot majt j̄m-aechpox, japox pejme j̄mchiliajwa. Pe japon juez piach is-el japow j̄m-aechpoxliajwa. Do baxael, juez nejchaxoel: ‘Xan diachw̄ajnakolax Dios sitae-enil. Sitae-enilbej jiw. **5** Pe japow japoxtat xan nataliasf̄l. Samata, xan isaxaelen japow naj̄m-aechpox kaxa pejme f̄lae-elaliajwadin xanel, japoxtat kaes nataliasf̄la-elaliajwa’ —aech juez, nejchaxoel w̄t” —aech Jesús, naew̄ajan w̄t pejnachala.

6 Do pejme Jesús j̄m-aech, naew̄ajan w̄t pejnachala: “Japon juez pachaema-el kajachawaesliajwapon japow. **7** Dioslax jachiyaxil. Japon isaxael pachaempox kajachawaesf̄laliajwapon pejjiw, asew babijaxan is w̄t japi jiwliajwa. **8** Diachw̄ajnakolax xan j̄m-an. Dios piachaxil kajachawaesliajwa pejjiw, asew jiw babijaxan is w̄t japiliajwa. Xan, puexa jiw pakoewkolnan, f̄loekx w̄t pejme, ¿faenaxaelenkat jiw xan naw̄aj nawesf̄lpi?” —aech Jesús, naew̄ajan w̄t pejnachala.

Fariseo, impuesto mat-omw̄ljoenbej, japi pejw̄ajan

9 Asew jiw nejchaxoelaf̄l: “Xatis kaes pejme pachaems. Me-ama asew jiw, jachi-esal” —aechf̄li pajutliajwa, nejchaxoel w̄t. Jesús naew̄ajan w̄t j̄m-aechon ampaw̄ajantat japi jiwliajwa. Do jaw̄t, j̄m-aechon: **10** “Kolenje f̄laech Dios pejtemploba poxade Dios kaw̄ajnalijwa. Kaen fariseo-aton. Asan impuesto mat-omw̄ljoen Roma gobiernoliajwa. **11** Fariseo-aton nukaxtat Dios kaw̄ajan. Pe japon j̄m-aechpoxan Diosliajwa pachaema-el, j̄m-aech xoton: ‘Dios, xan kaes pejme pachaeman. Me-ama

asew jiw, jachi-enil. Samata, xan gracias-an xamliajwa. Asew jiw is pachaema-elpoxan. Asew jiwbej kethaknik. Asew jiwbej bu'moejt asew watho', pijowa-elpi. Me-ama japi jiw, xan jachi-enil. Me-ama amponbej, impuesto mat-omwuljoen gobiernoliajwa, xan jachi-enilbej. **12** Xanlax koleveces posemana naxae-enil xam piach kawuajnalijwan. Kanxpi nabistax wut, xan diajnax diezmuaxtjelijaw. Kaemuaxt diajnax xam chaxduslijaw. Jasox isx pomatkoicha' —aech fariseo-aton, Dios kawuajan wut. **13** Impuesto mat-omwuljoen gobiernoliajwa, japon atuxach tamach nuk jiwxot, Dios kawuajan wut. Jawut natachaems-elbejpon athulelse. Natxaton. Jawut najut namatiafdaka wut, jum-aechon Dioslijaw: 'Dios, xan tajut matabijtax babejnanponan. Samata, jxan nabeltaem!' —aechon, Dios kawuajan wut. **14** Diachwuajnakolax jum-an. Japon, impuesto mat-omwuljoen gobiernoliajwa, japon beltaens Dios babijaxan ispoxanlijaw. Pelax fariseo-aton Dios beltae-esal, japon babijaxan ispoxanlijaw. Nejmach-aton nejchaxoel wut pajutlijaw: 'Xan kaes pejme pachaeman. Me-ama asew jiw, jachi-enil' —aech wuton pajutlijaw, asamatkoi Dios jumchiyaxaeson: 'Xam nejnejchaxoelax pachaema-el' —chiyaxaeson Dios. Asanlax nejchaxoelpon pajutlijaw: 'Xan kaes pejme pachaema-enil. Me-ama asew jiw, jachi-enil' —aech wuton pajutlijaw, japon aton asamatkoi Dios jumchiyaxaeson: 'Xam nejnejchaxoelax pachaem' —chiyaxaeson Dios' —aech Jesús naewetilijaw.

Pajam yamxi buflaenspox Jesúslel

(Mt 19.13–15; Mr 10.13–16)

15 Pajam yamxi buflaens Jesúslel, Jesús ke-oslijaw yamxi pejta'anxot. Jesús pejnachala japox taen wut, fiati yamxi buflaeni buflae-elalijaw Jesúslel. Jawut jum-aechi:

—¡Xamal nabej buflae' yamxi Jesúslel! —aechi.

16 Jesús japox jumtaen wut, jawut lapon yamxi buflaenpi buflaelijawapi japonlel. Jawut jum-aechon pejnachalalijaw:

—¡Tapaem yamxi xanlel buflaelijawas! ¡Nabej fias! Diosxotse duilpi, japi, me-ama ampi yamxi, ja-aech, kamta naexasit xoti Dios pejtato'lax. **17** Diachwuajnakolax xan jum-an. Xamal Dios naexasitam wut, me-ama yamxulan pax naexasit, ja-am wut xamal, Diosxotse pasaxaelam. Naexasis-emil wut, pasaximil Diosxotse —aech Jesús.

Kemaeyan nospaeipox, Jesús s̄apich

(Mt 19.16–30; Mr 10.17–31)

18 Kaen judíos paklochowxot, japon w̄ajnachaeamt Jesús. J̄um-aechon:

—Jiw chanaekab̄anan, xam xabich pachaemam. ¿Achaxkat xan nawewe'p isliajwan, Diosxotse dukaliajwan pomatkoicha? —aechon.

19 Jesús j̄umnot w̄ut, j̄um-aechon:

—¿Ma-aech xotkat naj̄um-am: 'Xam xabich pachaemam' —na-amkat? Jiw xabich pachaempi ajil. Kaen Dios, japon xabich pachaem. **20** Xam matabijtam Dios pejtato'laxan. Moisés chajia lelpox j̄um-aech: '¡Nabey b̄u'moejs asaow pawis, nijwa-elpow! ¡Nabey be'bej asew jiw! ¡Nabey natkowe'bej asew jiw pejew! ¡Pajilax nabey j̄um-aech'e'bej asan aton tasalaliajwam, babijax is-elpon! ¡Sitaembej nej-ax, nej-en s̄apich!' —aech Moisés chajia lelpox —aech Jesús japon atonliajwa.

21 Do jaw̄ut, kemaeyan j̄um-aech:

—Xam naj̄um-ampox, t̄adutx naexasisliajwan, yamx̄uchan w̄ut. Amw̄utjel nakiowa chiekal naexasisfulax —aech kemaeyan.

22 Jesús japox j̄umtaen w̄ut, j̄um-aechon:

—Xamf̄uk kaeyax weve'p isliajwam. ¡Puexa nejew mowam! Mowam w̄ut, ¡japaplata chaxduim kejila! Ja-am w̄ut, Dios xam chaxduiyaxael xabich pachaempoxan japonxotse. Toetam w̄ut chaxduiyax kejila, do jaw̄ut, ¡xab̄u'a't xan naknan̄amsliajwam, tajnachalnaliajwambej! —aech Jesús kemaeyanliajwa.

23 Kemaeyan japox j̄umtaen w̄ut, xabich nejxaejwas, xabich kemaenk xoton. Samata, owchi-elon Jesús j̄um-aechpox. **24** Kemaeyan chijia w̄ut Jesúsxot, Jesús j̄um-aech naewetiliajwa:

—Xabich tampoel kemaeya pasliajwa Diosxotse. **25** Xamal



©DCC

(San Lucas 18.18–27)

chiekal matabijam camello pinjin xot, xajupaxil kuthatukre'wujax poxade xensliajwa. Kemaeyanliajwabej, ja-aech. Tampoel japon pasliajwa Diosxotse —aech Jesús.

26 Jesús jum-aechpox jumtaenpi, japi jum-aech Jesúsliajwa: —¿Achankatlax bu'weyaxaes pasliajwa Diosxotse? —aechi.

27 Jesús jum-aech:

—Jiw pajut pijaxtat pasaxil Diosxotse. Pelax Dios xajup puexa isliajwa. Samata, Dios xajup jiw bu'welialjwa. Dios kajachawaesaxael jiw pasliajwa japonxotse —aech Jesús.

28 Do jawut, Pedro jum-aech Jesúsliajwa:

—Tajpaklon, xanal puexa tejew waelax xam nakfulaeliajwan —aech Pedro.

29-30 Do jawutbej, Jesús jum-aech pejnachalaliajwa:

—Diachwujnakolax xan jum-an. Nejmach-aton naexasit wut Dios pejtato'lax, japon waelt wut pejba, pijow, pakoew, paxi, pax, penbej, ja-aech wut, japon aton Dios xabich kajachawaesaxaeson ampathatat. Asamatkoi tup wut, pasaxaelbejpon Diosxotse pomatkoicha dukaliajwa —aech Jesús.

Ampoxtat Jesús jum-aech tres veces japon pejpatupaxliajwa

(Mt 20.17–19; Mr 10.32–34)

31 Jesús la doce pejnachala, japikal tamachaliajwa. Do jawux, japikal wut, Jesús jum-aech: “Amwut Jerusalén paklowax poxaxaes. Chajia profetas lelpoxan jum-aech xan, puexa jiw pakoewkolnanliajwa, jachiyaxaelpox jaxotde. **32** Do jawux, xan, puexa jiw pakoewkolnan, nawiasaxael judíos-elpixot. Jawut, nabu'wujajanpaeyaxaeli. Babejjamechan najumchiyaxaelbejpi. Naloyaxaelbejpi. **33** Xabich namatwujajselsaxaelbejpi. Do jawux, tuxaxaelen. Tux wut, tres matkoi wut, Dios namat-esaxael pejme dukaliajwan” —aech Jesús, pajutliajwa jum-aech wut.

34 Jesús pejnachala japox jumtaen wut, chiekal jummatabijaeli, tampoel xot japi jummatabijaliajwa. Jummatabijaelbejpi, ma-aech xot Jesús japon jum-aech.

Jesús boejthutpox itliaklan

(Mt 20.29–34; Mr 10.46–52)

35 Asamatkoi Jesús Jericó paklowax mox itwefol wut, wujajna ek itliaklan nuambabut'at, jiw xaxenapi plata malech

wuljoelajwa. **36** Itliaklan jumtaen wut jiw pinamut xenaxaesox, jawut wuajnaeaemt wut, jum-aechon:

—¿Ma-aechkat? —aech itliaklan.

37 Do jawut, xaxenapi jum-aechi itliaklanlijwa:

—¡Malis fulaeyaxaen ampaleldin Jesús, Nazaret paklowax-pijin! —aechipon. **38** Itliaklan japox jumtaen wut, nejlat wut, jum-aechfullison:

—Jesús, David pamon, ¡xan nabeltaem! —aechfulon.

39 Jiw, matxoelafoli, buxfiatipon boejlach ekaliajwa. Ja-aech wut, japon itliaklan kaes pejme nejlasful wut, jum-aechfulon:

—David pamon, ¡xan nabeltaem! —aechfulon.

40 Do jawut, Jesús japox jumtaen wut, nukjaba. Jawut to'apon itliaklan buflaeliajwas japonleldin. Dolisdo', Jesús wuajnaeaemt wut, jum-aechon itliaklanlijwa:

41 —Xam, ¿achaxasiamkat xan isliajwan xamlijwa? —aech Jesús.

Itliaklan jumnot wut, jum-aechon:

—Tajpaklon, xan pejme taesian —aechon.

42 Jesús jum-aech:

—¡Pejme taem! Xam chiekal xan naxanaboejtam xot, pejme chiekal taeyaxaelam —aech Jesús.

43 Do jawut, itliaklan chiekal wepachaems pej-itfut. Chiekal taenbejon. Do jawut, Jesús nakfollison. Nakfol wut, jum-aechfulon Diosliajwa: “Dios, xam xabich pachaemam” —aechfulon. Puexa jiw, japox taen wut, japibej Diosliajwa jum-aechful: “Dios, xam diachwuajnakolax xabich pachaemam” —aechfuli.

Jesús nospaeipox, Zaqueo suapich

19 Do jawux, Jesús pat wut Jericó paklowax, follison japapaklowax xensliajwa. **2** Japapaklowaxxot aton duk, kemaeyan. Japon pawul Zaqueo. Japonbej paklon impuesto mat-omwuljoewliajwa, Roma gobiernoliajwa. **3** Zaqueo xabich taesia Jesús. Pe Zaqueo itfuxajupaxil taeliajwapon Jesús, japon muramatan xot. Taeyaxilon Jesús, xabich jiw Jesús masajiasfulas xot. **4** Samata, Zaqueo najae'a wuajnade, Jesús fulaeyaxaech poxade. Jaxotde Zaqueo jul naetat taeliajwapon Jesús. **5** Jesús japalel fulaen wut, Jesús taen Zaqueo, athu naetat wut. Do jawut, Jesús jum-aech:

—Zaqueo, ¡baloemk! Amwüt nejbaxotaxaelen —aech Jesús. **6** Do jawüt, Zaqueo bichakal kamta balaelik. Xabich nejcha-chaemlaxtat Jesús chiekal bu'kultón Jesús namanaliajwa japon pejbatat. **7** Japi jiw japox taen wüt, puexa nakaewa najum-aechi Jesúsliajwa: ‘Jesús namanaxil Zaqueo pejbatat, japon babejen xot’ —aechi.

8 Do jawux, Jesús Zaqueo pejbaxot wüt, mesaxot ek wüt, Zaqueo chalechkal nant. Jawüt jum-aechon Jesúsliajwa:

—Tajpaklon, ¡xan chiekal najumtaem! Puexa xan tejewpi, ma amwüt najupadijnaxaelen kejila chaxduiliajwan. Xan impuesto mat-omwuljowx wüt, kaes mat-omwuljowxpi, japi pejplata pejme wewoeyaxaelen. Pe kaes cuatro veces japi wewoeyaxaelen —aech Zaqueo Jesúsliajwa.

9 Do jawüt, Jesús jum-aech:

—Diachwujnakolax xam amwütjellis Abraham pamonkolnam, Dios chiekal naexasitam xot, me-ama Abraham, ja-am xot. Samata, nejbapijw Dios beltaeyaxaes japi babijaxan ispoxanliajwa. **10** Xan puexa jiw pakoewkolnan, fulaenx jiw wulwekaliajwan, bu'welijaibanbej, japi napelti Diosliajwa —aech Jesús Zaqueoliajwa.

Paklon waelapox plata pamakjiwxot

(Mt 25.14–30)

11 Jesús Zaqueo pejbatat wüt, jiw jumtaen Jesús jum-aechpox. Mox xotlison Jerusalén paklowaxxot, jawüt xabich jiw nejchaxoel Jesúsliajwa: “Jesús Jerusalén paklowaxxot pa'a wüt, Dios tato'almatkoi pasaxael. Jawüt Jesús paklokolan nadofaxael puexa jiw tato'laliajwa ampatuajnpijw” —aech jiw, nejchaxoel wüt Jesúsliajwa. Pefuk Jesús paklokolan dofaxil. Samata, Jesús naewuajan ampawujantat japi jiw chiekal matabijaliajwa.

12 Do jawüt, jum-aechon: “Paklowaxxot kemaeyan duk. Japon wullalas asatuajnuel wulduiliajwas reyliajwapon, nawia'an wüt puexa jiw pejtujajnpijw tato'laliajwapon. **13** Dolison, fulaeliajwa wüt asatuajnu poxade, lalison diez pamakjiw fulaeliajwadin japonlel. Pat wüti japonxot, kemaeyan waela kaenanula plata japixot. Jum-aechon: ‘Tajwulela ampaplata nawexawuajsfulam wüt, ¡mowafuldebej kaes plata nawekaniajwam xanliajwa! Samata, xan pejme patx wüt, tajplata kaes pejme nawewoeyaxaelam’ —aech kemaeyan diez pamakjiwliajwa. Do jawüt,

fulaechlison, wullalas poxade. **14** Pe pejtuajnupijiw nejweslas kemaeyan. Nejweslasbejpon japon japi pejreyliajwa. Samata, japixot asew jiw to'api kemaeyan walduiyaxaes poxade, japi jumchiliajwa, jaxot pa'a wut: 'Japon xanal nejwesla tajreyliajwa' —chiliajwapi kemaeyanliajwa.

15 "Pe nakiowa kemaeyan wulduws reyliajwa. Do jawux, japon pejme nawian pejtuajnux poxadin. Pat wuton pejbatat, to'apon pamakan wullalaeliajwas diez pamakjiw, japixot plata waelapipon, matabijsliajwa massuapich plata kaenanula japi kana. **16** Do jawut, matxoelapatpon jum-aechon kemaeyanliajwa: 'Tajpaklon, xan diez veces kaes plata kanx, xanbistax wut nejew plata' —aechon. **17** Kemaeyan jumnot wut, jum-aechon: 'Xabich pachaem. Xam chiekal nabistam xanliajwa. Chiekal naweta-taeflam kaeyaxachpox. Samata, amwut diez paklowaxanpijiw tato'laxaelam' —aech kemaeyan pamakanliajwa. **18** Do jawut, asan pamakan pat wut, japon jum-aech: 'Tajpaklon, xan cinco veces kaes plata kanx, xanbistax wut nejew plata' —aechon. **19** Kemaeyan jum-aech pamakanliajwa: 'Amwut xam cinco paklowaxanpijiw tato'laxaelam' —aech kemaeyan pamakanliajwa.

20-21 "Do jawut, asan pamakan pat wut, japon jum-aech: 'Tajpaklon, ama nejplata. Xan chabaentax panyoelbu'tat, tajlewla xot xamliajwa, nejthu'nikam xot, xam beltae-emil xotbej namak. Namak nabistpoxantat xam kanam' —aech pamakan kemaeyanliajwa. **22** Kemaeyan jumnot wut, jum-aechon: 'Xam xabich babejnam. Chiekal natanbich-emil. Xam najum-ampoxtat xam kastikaxaelen. Xam najum-am: "Xam nejthu'nikam. Xam beltae-emilbej namak. Namak nabistpoxantat xam kanam" —nam xanliajwa. **23** Xam matabijtam wut xan tajkabuanpoxan, ¿ma-aech xotkat tejew plata presta-emil bancopijiw? Xam prestam wut plata, amwutjel bancopijiw kaes plata xam tawiasaxael. Prestampoxliajwa xam kaes mosaxaelbejpi. Samata, amwutjel plata nawewiatam wut, kaes nawewiasaxaelam' —aech kemaeyan pamakanliajwa. **24** Do jawut, kemaeyan jum-aech jaxotpiliajwa: '¡Kechafi'e ampon aton, plata nawechabaentpon panyoelbu'tat! ¡Japaplata chaxdu'e diez veces kaes plata kanpon!' —aech kemaeyan. **25** Jaxot nuili jum-aech: 'Tajpaklon, japon xabich pin-iat. ¿Ma-aech xotkat pejme kaes chaxdusaxaelam japon?' —aechi kemaeyanliajwa. **26** Kemaeyan jumnot wut,

jum-aechon: ‘Diachwujnakolax xan jum-an. Tejew chiekal nawetataefulpon, japon kaes pejme chaxdusaxaelen. Asanlax chiekal nawetataefla-elpon tejew, kaeswapich nawetataefulprox, kekusaxaeson. **27** Pe tadaelmajiw, xan nanejweslapi japi pejreynanliajwa, japi buflaeman ampalel xan tajwujnalel beliajwaspi!’ —aech rey” —aech Jesús, ampawujajan naewujajan wut.

Jesús mox patpox Jerusalén paklowaxxot

(Mt 21.1–11; Mr 11.1–11; Jn 12.12–19)

28 Jesús japox buxtoet wut Zaqueo pejbaxot, do jawut, Jesús fulaech Jerusalén paklowax poxade, pejnachala swapich. **29** Mox Jerusalén paklowaxxot wut, jaxot mux. Japamuxlelxot xabich olivonaechan nuil. Samata, japamux pawul Olivonaechanmux. Mox japamuxxot kolepaklowaxach. Kaepaklowaxach pawul Betfagé. Asapaklowaxach pawul Betania. Jesús japapaklowaxxot mox fol wut, wujana to'achon kolenje pejnachalan. **30** Jesús japi to'aliajwa wut, jum-aechon:

—¡Xabua'de japapaklowaxach poxade! Jaxotde pa'mach wut, bur jelti'san, wuke'taspon, taeyaxaelam. Japabur chinax kaen aton tua-eka-esalfuk. ¡Jolde! Joltam wut, nawebuflaeman japabur! **31** Jaxotpijin xamal wujnachaemt wut, jum-aech wuton: ‘¿Ma-aech xotkat xamal bur joltam?’ —aech wuton, xamal jum-amde japon: ‘Wajpaklon wewe'pas bur’ —amde japon aton! —aech Jesús kolenje pejnachalanliajwa. **32** Do jawut, japi ow-aech wut, fulaechlisi japapaklowaxach poxade. Ja-aech japox, me-ama Jesús chajia jum-aech. **33** Japi bur jolt wut, burpijiw wujnachaemtasi. Jumtispi:

—¿Ma-aech xotkat xamal bur joltam? —tispi.

34 Japi jumnot wut, jum-aechi:

—Wajpaklon wewe'pas bur —aechi.

35 Do jawut, Jesús pejnachala bur buflaen Jesúsleldin. Jesúsxot bu'pat wuti, bur tam-owapi pejew, thuch pejsumta-owapi. Do jawut, Jesús tua-ek. **36** Jesús burtat chaflaen wut, wujana jiw pejsumta-owa jollisi namtat ba'aliajwa Jesús chaflaeyaxaelenl. (Jasox isi Jesús chiekal bu'kulaliajwapi, xabich sitaen xoti Jesús.) **37** Jesús mox fol Olivonaechanmuxxot. Jaxot namsik muxlelasik, fulaeliajwa Jerusalén paklowax poxade. Jesús chaflae-el wut japoxadik, puexa jiw tudut

nejlasfulaliajwa, nejchachaemil xoti. Nejlaful wut, jum-aechfuli Diosliajwa: “¡Xam xabich pachaemam!” —aechfulisi. Jasox xabich jiw jum-aechful, majt chajia taen xoti, Jesús koechaxan is wut Dios pijaxtat. **38** Jiw jum-aechfulbej Jesúsliajwa:

—Ampon, fulaenpon Dios pijaxtat, xabich pachaempon. Japon fulaen reyliajwa, xatis naktato'laliajwa. Wujanjilaxtat puexa jiw duilaxael athuxotse Dios pijaxtat. Dios, athupijin, japon xabich pachaem —aechful xabich jiw.

39 Jiw xot, jaxot kaesupich fariseos. Japi fariseos palala xot, jum-aechi Jesúsliajwa:

—Jiw chanaekabuanan, jampi jiw, nejnachala, buxfia'e jum-aechfulpoxan! —aechi Jesúsliajwa.

40 Jesús jumnot wut, jum-aechon:

—Diachwujnakolax xan jum-an. Japi jiw buxfiatx wut boejlachliajwa, ia'lax nejlasfulaxael japi jiw jum-aechfulpoxanliajwa —aech Jesús fariseosliajwa.

41 Jesús Jerusalén paklowaxxot mox pat wut, paklowax taen wut, nowpon Jerusalén paklowaxpijiwliajwa. **42** Jesús now wut, jum-aechon: “Xan xabich nejxasinkax Jerusalén paklowaxpijiw tajpasax matabijaliajwa. Xan paskax japi jiw bu'weliajwan xan tajaxtat, chiekal pachaemaliajwapi Diosliajwa. Pe japi chiekal matabija-el. Xan nabu'kula-elbejpi. Samata, amwutjel japox chiekal toeplisox japi xan namatabijsliajwapox. **43** Babejmatkoijan tapasfulaxaesi. Padaelmajiw chakipasaxaesi. Chamasajoeyaxaesbejpi. Chinax kaen aton japapaklowaxxot weyaxil. **44** Ja-aech wut, Jerusalén paklowaxpijiw puexa chiekal toesaxaes. Pejbachan wetukaxaesbejpi. Chinax kaet ia't namanaxil nakae-ia'tmatwujtat. Jasox wejachiyaxaesi, xan namatabijs-el xoti, xan patxponan jiw bu'weliajwan” —aech Jesús, now wut Jerusalén paklowaxpijiwliajwa.

Jesús to'apox nakolaliajwa Dios pejtemplobat mowapi, wujtibej

(Mt 21.12–17; Mr 11.15–19; Jn 2.13–22)

45 Jesús Jerusalén paklowax pat wut, lowpon Dios pejtemploba. Jaxot Jesús taen mowapi. Taen wuton japi Dios pejtemplobat, nejthuxtat to'apon choef mowapi nakolaliajwa Dios pejtemplobat. **46** Jesús jum-aech japiliajwa:

—Dios pejjamechan, chajia lelsprox, j̄m-aech Dios j̄m-aechprox pejtemplobaliajwa: ‘Tajba kaw̄ajnaaba w̄lxael, jiw xan nakaw̄ajnalialjwa’ —aech Dios j̄m-aechprox pejtemplobaliajwa. Xamallax Dios pejtemploba kethaka pejba padofam —aech Jesús.

47 Kaematkoisful Jesús naew̄ajan Dios pejtemplobatat. Pe sacerdotepaklochow, judíos chanaekab̄anapibej, asew judíospaklochowbej, japi nakaewa naj̄m-aech: “¿Machiyaxeskat Jesús boesaliajwas?” —na-aechi nakaewa. **48** Pelax japi matabija-el, achaxtat pachaem Jesús boesaliajwas, puexa jiw chiekal naewet xot Jesús naew̄ajanpoxan.

Jesús w̄ajnaemtasprox, achan to'aspon choef mowapi nakolax to'aliajwapon Dios pejtemplobatat

(Mt 21.23–27; Mr 11.27–33)

20 Asamatkoi Dios pejtemplobaxot Jesús jiw naew̄ajan chimiaw̄ajan, jiw b̄'weyaxesox. Ja-aech w̄t, sacerdotepaklochow, judíos chanaekab̄anapi, ancianosbej, mox soepapi Jesúsxot. **2** Do jaw̄t, j̄m-aechi:

—¡Xanal naj̄m-amde ampox! ¿Achan pijaxtatkat xam to'am choef mowapi nakolaliajwa Dios pejtemplobaxot? ¿Achankat xam to'a japox isliajwam? —aechi Jesúsliajwa.

3 Jesús j̄mnot w̄t, j̄m-aechon japiliajwa:

—Xan-is xamal asax w̄ajnaemtasaxaelen. ¡Pe xamal majt naj̄mno'e! **4** ¿Achankat Juan to'as jiw bautisaliajwa? ¿Dioskaton to'as? O, ¿jiwkaton to'as? —aech Jesús.

5 Jesús japox j̄m-aech w̄t, japi nakaewa naj̄m-aechna: “J̄mnoch w̄t, ‘Juan Dios to'as jiw bautisaf̄ulaliajwa’ —tis w̄t, Jesús nakj̄mchiyaxael: ‘¿Ma-aech xotkat xamal Juan j̄m-aechproxan naexasis-emil?’ —nakchiyaxael xatis Jesús. **6** J̄mtis w̄tlax: ‘Juan jiwkal to'as jiw bautisaf̄ulaliajwa’ —tis w̄t, puexa jiw xatis ia'tat nakdadaepaxael nakmatkaejabaliajwa, palalaxael xoti xatisliajwa. Jasox isaxaeli xatisliajwa, puexa jiw j̄m-aech xot Juanliajwa: ‘Diachw̄ajnakolax Juan, jiw bautisan, j̄m-aech Dios pijaxtat’ —aech xot jiw Juanliajwa” —na-aechi nakaewa. **7** Samata, japi j̄mnot w̄t, j̄m-aechi Jesúsliajwa:

—Jalape. Xanal matabija-enil, achan Juan to'as jiw bautisaliajwa —aechi.

8 Do jaw̄t, Jesús j̄m-aech japiliajwa:

—Xan-is xamal jumchiyaxinil, achan pijaxtat xan japox isx —aech Jesús.

Pamak babejchowpox

(Mt 21.33–46; Mr 12.1–12)

9 Jesús pejme jum-aech, jiw naewuajan wut ampawuajan: “Aton mutha uva. Do jawux, uvalulpijin asew jiw wuljaet, japi jiw piach tataeflialijwa japon pej-ualul, japon ajil wut. Japi bu'pat wut, jum-aechon: ‘Xan piach kijlaxaelen asatujajnelel atuaj. Xan tajwulela tajlul chiekal xamal nawetataeflaxaelam’ —aech uvalulpijin. Do jawux, chijjalison japatujajnelel poxade. **10** Do baxael, uva foi wut, uvalulpijin kaen pamakan to'a pej-ualul wetataeflaspi poxadin, wewuljaesliajwaspon uva. Uvalul tataefulpi jaelti uvalulpijin pamakan. Jawut baeson. Do jawut, to'ason ke-etat nawiasliajwa pejpaklon poxade. **11** Do jawux, uvalulpijin to'a asan pamakan. Uvalul tataefulpi babejjamechan jum-aech japonliajwa. Do jawut, japonbej baes. Ke-etat nawiasax to'ason pejpaklon poxade. **12** Do pejme jawut, uvalulpijin asan pamakan pejme to'a. Japonbej baes wut, xakolbalas. Do jawut, uvalul tathoetlel fo'ason.

13 “Doliso!, uvalulpijin nejchaxoel wut, jum-aechon: ‘¿Machiyaxaelenkat xan? ¡Aa, xan matabijtax isaxaelenpox! Taxulan to'axaelen, xabich nejxasinkaxpon. Japi bej nawesitaeyaxael-bejpi taxulan’ —aech uvalulpijin, nejchaxoel wut. **14** Do jawut, paxulan to'alison japi poxade. Uvalul tataefulpi taen wuti, japon atuaj fulaen wut, nakaewa najum-aechi: ‘¡Tae'nik uvalulpijin paxulan! Asamatkoi pax tup wut, japon pijax wulxael ampa-ualul. Samata, xatis amwut ampon boesaxaes, uvalul wajaxkal namanaliajwa’ —na-aechi nakaewa uvalul tataefulpi. **15** Do jawut, paxulan pat wut uvalulxot, jaeltason. Jawut juchpon uvalulxot. Do jawux, boesason” —aech Jesús jiw naewetiliajwa.

Do jawut, Jesús wuajnaechaemt jiw naeweti japawuajan. Jum-aechon: “¿Achaxkat xamal nejchaxoelam uvalulpijinliajwa? ¿Achaxkat japon isaxael uvalul wetataeflaspiliajwa? **16** Uvalulpijin chakifulaeyaxael beliajwapon uvalul wetataeflaspi. Do pejme asew tataeflax to'axaelon” —aech Jesús.

Naeweti matabija wut Jesús jum-aechpox, japi jum-aech Jesúsliajwa:

—¡Dios jasox nej is-ele! xanalliajwa! —aechi.

17 Jesús chiekal natachaemt wut, jum-aechon japi jiwliajwa:

—Xamal chiekal matabijam, Dios pejjamechan, chajia lelspx, jum-aech wut, jum-aechox xanliajwa:

Jiw ia'ba is wut, kaet ia'tliajwa nakaewa najum-aechi: “Ampot ia't chaemil” —na-aechi nakaewa. Samata, mastaenipot. Do jawux, asan aton japot ia' fit wut, jum-aechon: “Ampot ia't, puexa ia'xot kaes pejme pachaem tækso'pijtalijwa, ba chiekal mamnikaliajwa” —aechon' —aech Dios pejjamechan xanliajwa, chajia lelspx.

18 Jiw fiap wut kaet ia't pinjixot, xabich naxthuya wut, naxkola-xaelbejpi. Pelax kaet ia't, pinjit, athulelsik jiw matwujasik jopik wut, japi jiw matkaeyaxaes ia't. Jasoxtat xamal xan nanaexasis-emilpim xabich nabijasaxaelam, xan nanejwesla xot. That toep wut, Dios xamal pomatkoicha kastikaxael infernoxot —aech Jesús.

19 Jesús japox jum-aech wut, sacerdotespaklochow, judíos chanaekabuanapibej, nejchaxoel: “Jesús japawujajan jum-aech wut, nakjum-aechon xatisliajwa” —aechi, nejchaxoel wut. Samata, jawut japi jaelsasiapi Jesús. Pe jaels-eli Jesús, pejlewla xoti jiwliajwa.

Impuesto mosaxliajwa, Jesús wujajnaehtaspx

(Mt 22.15–22; Mr 12.13–17)

20 Asamatkoi sacerdotespaklochow, judíos chanaekabuanapibej, to'api jiw maliach tataeflaliajwapi Jesús. Japi pat wut Jesúsxot, me-ama pachaem wut, kabuan-aechi. Samata, japi chiekal naewet, Jesús jum-aech wut babejjamechan gobiernoliajwa, jawut tasalaliajwapi Jesús gobernador pejwujnalel, Jesús kastikaliajwasbej. **21** Samata, japi xapaejsliajwa wut, jum-aechi Jesúsliajwa:

—Jiw chanaekabuanan, xanal matabijtax xam jiw naewujajnaprox diachwujajnakolax. Kejila naewujajnam wut, chiekal naewujajnam. Najupanaewujajnam kejila, kemaenkpi-bej. Xam naewujajnam japi jiw chiekal duilaliajwa, me-ama Dios nejxasink. **22** Samata, xanal chiekal matabijasian. ¿Pachaemkat xanal mosliajwan impuesto Roma tujajnpjijiw tato'lan? —aechi, xapaejt wut Jesús. **23** Pe Jesús matabijt japi xapaejtaspox. Samata, jum-aechon:

24 —¿Kaekafef nawexalaeman na-itpaeliajwam! —aech Jesús.

Jawut kaekafef, pawlox denario, xalaenlisi Jesúslel. Jawut Jesús wuajnaeemt wut, jum-aechon:

—¿Achan pejxu-aelkat ampakafefat? ¿Achan pejwulbejkat ama lelspx ampakafefat? —aech Jesús japiliajwa. Japi jumnot wut, jum-aechi:

—Roma tuajnujijiw tato'lan, japon pejxu-ael, japon pejwulbej —aechi.

25 Do jawut, Jesús jum-aech:

—¿Roma tuajnujijiw tato'lan, japon pejewpi mo'e, impuesto motam wut! Pe Dios pejewpi, japox xatis Dios xanaboejaspxan, wajnejxasiyaxbej, japoxanlap xatis Dios chaxduiyaxaes —aech Jesús.

26 Jesús chiekal jumnot xot, Jesús bu'wuajanjil jiw pejwuajnalel tasalaliajwas. Samata, maliach tataeflaspi asbuan jumch boejlach nejchaxoelanuili.

Asamatkoi mat-eyaxaespx tupi pejme duilaliajwa

(Mt 22.23–33; Mr 12.18–27)

27Saduceos asanejchaxoelaxan. Japi jum-aech: “Jiw tup wut, kaelel chiekal napelt. Asamatkoi mat-eyaxisal pejme duilaliajwa” —aechi asbuan jumch. Do asamatkoi wut, asew saduceos pati Jesús taeliajwa. Jesúsxot wut, kaen japixot ampawuajan jum-aech Jesús jumtaeliajwa:

28 —Jiw chanaekabuanan, Moisés chajia lelpox jum-aech: ‘Aton, pijowpon, japon aton tup wut naxwla-elaxtat pijowxot, tupon pakoewan naman wut, japon japow fisaxael naxwllaliajwapon japowxot, pakoewan tuponliajwa’ —aech Moisés chajia lelpox. **29** Kaen aton seis pakoew. Matxoelapijin pawis fit. Pe baxael, japon tsup xijilaxtat. **30** Do jawut, wuchakalpijin, japow fit, pakoewan naetupow. Pe baxael, japonbej tup xijilaxtat. **31** Do jawutbej, trespijin, japow fit. Japow fit wuton, japonbej baxael tup xijilaxtat. Do jawux, cuatro namapi, japibej jasoxtat natoet nakjiyaxtat japowtat. Pe chinax kaen japowxot naxwla-el. **32** Do baxaelbej, japowbej taxdukakolaxtat tup. **33** Puexa japi poejiw nakjiya japowtat. Baxael, tupi mat-eyaxaes wut, sietepixot, ¿achankat pijowaxael japow? —aech saduceos.

34 Jesús jumnot wut, jum-aechon:

—Ampathatat poejiw watho' not. **35** Dios makanochpi pasliajwa japonxotse, jaxotse pomatkoicha duilaxaeli. Japi t̄p w̄t ampathatat, asamatkoi mat-eyaxaesi pejme duilalijwa Diosxotse. Mat-eyaxaes poejiw, watho'bej. Pe japi pejme nakjiyaxil. **36** Diosxotse w̄t, japi pejme t̄paxil. Me-ama Dios pej-ángeles, jachiyaxaeli. Dios taen w̄t japi jiw, me-ama paxi w̄t, jachiyaxaelon, mat-ia xoton japi pejme duilalijwa. **37** Moisés chajia lel Dios j̄m-aechpox tamdadusaxtat boejtachnaechxot. Samata, Moisés lelpoxtat matabijas t̄pi mat-esaxaes pox pejme duilalijwa. Moisés lelpoxtat j̄m-aech Dios j̄m-aechpox: ‘Xanfuk Abraham, Isaac, Jacobbej, japi pejDiosnan’ —aech Dios. Samata, xatis chiekal matabijas, baxael t̄ps w̄t pejme duilaxaes pox. **38** Xatis chiekal matabijas chajia t̄pi, japi napels-el. Samata, Abraham, Isaac, Jacobbej, japi amw̄tjel nakiowa duilaful Diosxotse. Puexa Dios pejjiwspis t̄ps w̄t ampathatat, duilafulaxaes Diosxotse —aech Jesús saduceosliajwa.

39 Asew, judíos chanaekabuanapi, j̄m-aechi Jesúsliajwa:

—Jiw chanaekabuanan, xam chiekal j̄mnotam saduceos —aechi.

40 Do jaw̄t, saduceos padala pejme w̄ajnachaemsliajwapi Jesús.

Cristo, rey David pamonpox, pe Cristo paklonbej Davidliajwa

(Mt 22.41–46; Mr 12.35–37)

41 Jesús w̄ajnachaemt w̄t, j̄m-aechon judíos chanaekabuanapilijwa:

—¿Ma-aech xotkat jiw matabija-el Cristo Dios paxulan? Diachw̄ajnakolax jiw j̄m-aech w̄t, j̄m-aechi Cristolijwa: ‘Cristo nalaelt w̄t, japon rey David pamonaxael’ —aechi. Pe Cristo rey David pamonkala-el. Pe Cristo asanbej. **42** David chajia lel w̄t Salmosf̄tat, jaw̄t pajut j̄m-aechon Cristolijwa:

‘Dios j̄m-aech w̄t tajpaklonliajwa, j̄m-aechon: “¡Ekde tajpoklalel jiw tato'lalijwam, xan sw̄apich!

43 ¡Ekde jaxot, hasta xan malechaxaelen w̄t nadael-majiw! Malechax w̄t, japi jiw xam namakjiwaxael tato'lalijwam” —aech Dios tajpaklonliajwa’ —aech rey David, chajia lel w̄t Cristolijwa.

44 David chajia jum-aech Cristoliajwa: ‘Tajpaklon’ —aechon. Samata, Cristo diachwujnakolax David pamonkala-elon. Pe pejpaklonbejpon —aech Jesús, pajut najum-aech wut, jiw chiekal matabijaliajwa japon Dios paxulanpon.

Jesús jum-aechpox jiw chiekal matabijaliajwa judíos chanaekabuanapi pejbw'wujjanpoxliajwa


(Mt 23.1–36; Mr 12.38–40; Lc 11.37–54)

45 Puexa jiw jaxot naewet wut, Jesús jum-aech pejnachalaliajwa: **46** “¡Chiekal taem! Me-ama judíos chanaekabuanapi, xamal nabej ja-aeché! Japi nejxasink pakchowaxan, naxoeyaxan, jiw chiekal sitaeliajwas. Nejxasinkbejpi jiw moichiliajwas xabich sitaeyaxtat, paklowaxthialaxanxot xabw'kulas wut. Judíos naewujnabachanxot wut, wujjna tuchalakaxan nuili paklochow kaes sitaenspiliajwa, japoxantat japi chalak puexa jiw taeliajwas. Ja-aechbejpi, fiestaxot wut. Nejxasink chalakaliajwa kaes pachaempoxantat. **47** Japibej naekichachajba watho', pamaljiw naetupspi, natkowaliajwa japi watho' pejew. Do jawux, judíos naewujnababa lowpi Dios piach kawujnaliajwa, asew jiw jumchiliajwasi: ‘Diachwujnakolax ampi xabich pachaem’ —chiliajwasi. Samata, Dios xabich kastika-xaesi” —aech Jesús.

Pamal naetupspow, kejiipow, chaxdutpox ofrenda Diosliajwa

(Mr 12.41–44)

21 Jesús asamatkoi Dios pejtemplobaxot wut, jawut taenpon kemaeya, plata jeyaxxot jia wuti plata Dios pej-ofrendaliajwa. **2** Jaxot taenbejpon pamal naetupspow, japow jek wut kolekafefaex.



©DCC

(San Lucas 21.1–4)

Japakafeaex, cobrefaex, xabich omjillejen. Japow xabich keji. **3** Do jawut, Jesús jum-aech pejnachalaliajwa:

—Diachwujnakolax xan jum-an. Ampow pawis, pamal naetupspow, kejiipow. Pe Dios kaes pejme nejchachaemil japow pej-ofrendaliajwa. Japow, me-ama kaes pejme chaxdut wut, ja-aehow Diosliajwa. Me-ama puexa asew jiw, chaxduw wut ofrenda, jachi-el japow. **4** Puexa asew jiw chaxduw ofrenda wenamaspoxantat. Japowlax wewe'paspoxanliajwa, puexa chaxdutow Diosliajwa —aech Jesús pejnachalaliajwa.

Jesús jum-aechpox Dios pejtemploba toesaxaespoxliajwa

(Mt 24.1–2; Mr 13.1–2)

5 Dios pejtemplobaxot tathoetlel wut, asew Jesús pejnachala jum-aechi Dios pejtemplobaliajwa: “¡Tae'nik ia!, xabich chimiatan, japitat Dios pejtemploba chapachaemaliajwa! ¡Tae'nikbej asaxan asew judíos chajia chaxduwpi Dios pej-ofrendaliajwa, chiekal chapachaemaliajwa Dios pejtemploba!” —aech Jesús pejnachala. Do jawut, Jesús jum-aech:

6 —Asamatkoi asatujnupijiw Dios pejtemploba tukaxaeli. Puexa taenampi, puexa japoxan chiekal toesaxaes. Chinax kaet, ia't, namanaxil nakae-ia'tmatwujat —aech Jesús, jum-aech wut pejnachalaliajwa japoxan jachiyaxaelpox.

That toepax mox pawujajna wut, majt matxoela jachiyaxaelpoxan

(Mt 24.3–28; Mr 13.3–23)

7 Jesús wujnachaemtas wut pejnachala, jum-aechi:

—Jiw chanaekabuanan, ¿maswutkat japox jachiyaxael, xam jum-ampox Dios pejtemplobaliajwa? Mox pawujajna wut, ¿achaxkat taeyaxaes? —aechi Jesúsliajwa.

8 Jesús jumnot wut, jum-aechon:

—¡Chiekal taem, asamatkoi asew jiw xamal naekichachajbasamata! Xabich jiw fulaeyaxaen. Japi pajut kaenanula najumchiyaxael: ‘Xan Cristowan. Mox pawujajnalisox ampathat toepaliajwa’ —chiyaxaeli. Japi japoxan jum-aech wut, xamal nakfulaeyaximil japi jiw. **9** Asamatkoi xamal wultaenam wutbej nabewujajan asatujnuchanxot, ¡xamal nabej nejlewle! Japoxan majt jachiyaxael, ampathat toepax mox pawujajna wut. Japoxan ja-aech wut, that toepaxilfuk —aech Jesús.

10 Do jawut, pejme jum-aechon: “That toepaliajwa wut, xabichaxael nabewuajan. Nakaetuajnprijw nabeyaxael. Japoxan majt xabich jachisfulaxael asatuajnpuchanel. Kaetuajnprijw nabeyaxaelbej, asatuajnprijw suapich. Japoxan majt xabich jachisfulaxael asatuajnpuchanel. **11** Asatuajnpuchanel xabich sat najaesaxael. Najaesaxael wut, xabich chaemilaxael. Asatuajnpuchanel naxaeyaxan piach ajilaxaelbej. Xabichaxaelbej waxae. Jiw taeyaxaelbej, thatbaxo xabich nachoela wut. Do jawut, xabich jiw belwaxael” —aech Jesús, japoxanliajwa jum-aech wut.

12 Do pejme Jesús jum-aech pejnachalaliajwa: “Japoxan wuajna, asew jiw xamal jaelaxael, tajnachalwam xot. Japi babijaxan is wut xamalliajwa, xamal nabijasaxaelam. Xamal buflaeyaxaelbejpi judíos naewuaj nabachan poxade, jaxotde tasalaliajwapi xamal. Xamal jeyaxaelbejpi jiw jebatat. Asew jiw xamal buflaeyaxaelbej paklochow poxade. Samata, asatuajnpuchanprijw tato'alpi, gobernadoresbej, japi pejwuajnalel xamal nuilaxaelam, tajnachalwam xot. **13** Japoxan ja-aech wut, xamalliajwa pachaemaxael japi jiw chapaeliajwam tajwuajan. **14** Xamal jaxota-emil wutfuk, xabich nabej nejchaxoele' jumchiyaxaelampoxan, jumnosliajwam wut japi tasalapoxan, japi pejwuajnalelam wut! **15** Do jawut, Dios kajachawaesaxael xamal chiekal jumnosliajwam. Ja-aech wut, kaen aton japixot matabijaxil xamal jumnosliajwa. **16** Nej-axjiw xamal woeyaxael paklochowxot. Nej-axjiwa-el wut, nej-enjiwaxael. Nej-enjiwa-el wut, nakoewaxael. Nakoewa-el wut, asewaxael nejjiwpi. Nejjiwa-el wut, nejnachalaxael. Ja-aech wut, asew xamalxot beyaxaes. **17** Puexa jiw, Dios naexaxis-elpi, japi xamal nejweslaxael, tajnachalwam xot. **18** Pe chinax xamalxot kaen tabejsaxisal, Dios tapae-el wut. **19** Xamal kofa-emil wut nej-xanaboexan Diosliajwa, ja-am wut, Dios xamal bu'weyaxael duilaliajwam pomatkoicha Diosxotse.

20 “Asatuajnpuchanprijw, soldaw, chakipach wut judíos, Jerusalén paklowax masajoeya wutbejpi, jawut matabijaxaelam mox rawuajnapox japapaklowax toesliajwas. **21** Judea tuajnprijw japox taen wut, japi puexa nej dukpe pinamuxan poxade! Asew jiw, Jerusalén paklowaxprijw, japox taen wut, ipaklowaxxot nej nakole dukpaliajwa atuaj! Asew jiw, pejlulanxot nabisti, kaxa paklowaxlel nej nawe-elepi! Do jaxot, japi

kael el atʉaj nej dʉkpe! **22** Japamatkoivan japox jachiyaxael, kastikamatkoivan wʉt. Me-ama Dios pejjamechan, chajia lelspos, jʉm-aech wʉt, jʉm-aechox, diachwʉajnakolax japox jachiyaxael. **23** Japamatkoivan watho', moejowpi, watho'bej, paxi mitan miati, xabich nabijasaxael. Jiwbej, ampatʉajnpɨjiw, xabich nabijasaxael, kastikaxaes xoti Dios. **24** Asew japixot beyaxaes espadatat. Asew mʉaxmatakuiyaxaes. Do jawʉx, bʉflaeyaxaes asatʉajnpʉchanlel. Ja-aech wʉt, asatʉajnpʉchanpijiw pasaxael Jerusalén paklowaxxotdin. Do jawʉt, Jerusalén paklowaxpijiw tato'laxaes asatʉajnpɨjiw. Japox jachiyaxael, hasta Dios markamatkoi pat wʉt. Japamatkoitat Jerusalén paklowaxpijiw kofaxaes tato'laspox asatʉajnpɨjiw” —aech Jesús pejnachalalijwa.

Jesús, puexa jiw pakoewkolan, pejme kaxaxoekpox

(Mt 24.29–35, 42–44; Mr 13.24–37)

25 Jesús pejme jʉm-aech pejnachalalijwa: “Xan pasliajwan wʉt, xabich chaemilaxael thatbaxo, juimt matkoipijin, juimt madoipijinbej, ithaejbej. Mar xabich thiachoenkaxael, truxan xabich pinjiyaxan wʉt. Samata, jiw matabijaxil, achax nejchaxoelaxael, xabich belwaxael xoti. **26** Jiw tʉpbalaxael pejlwʉt, nejchaxoel wʉti ampathatliajwa, jachiyaxaelpoxliajwa. Do pejme nejliaxaeli. Puexa thatbaxotatpi, me-ama thatbaxo choelas wʉt, jasox jiw taeyaxael. **27** Do jawʉt, xan, puexa jiw pakoewkolnan, itloejentat pasaxoekan wʉt, puexa jiw nataeyaxael, fʉloekx wʉt. Jawʉt puexa jiw tato'laxaelen. Itliakaxaelenbej tajut Dios pijaxtat. **28** Japoxan taenam wʉt, xan chajia jʉm-anpoxan, xamal xabich nejchachaemilde! xXan nanaexaxisfulde, mox xotlisox matkoi xamal bʉ'welijwan!” —aech Jesús pejnachalalijwa.

29 Jesús pejme jʉm-aech wʉajantat pejnachalalijwa: “xChiekal nejchaxoelde, taenam wʉt higonae, o, nejmachnaechanbej! **30** Waech mox pawʉajna wʉt, japanaechan pajel-ʉaf nakola. Xamal japoxan taenam wʉt, jʉm-am: ‘Waechlis mox pawʉajna’ —am xamal. **31** Jasoxtatbej, xamal matabijaxaelam mox pawʉajnapox Dios puexa pejjiw tato'laxaelpox ampathatat.

32 “Diachwʉajnakolax xan jʉm-an. Puexa ampoxan xan jʉm-anpoxan, diachwʉajnakolax japoxan jachiyaxael. Japoxan asew jiw taeyaxaelfʉk, ampathatat laelpi. **33** Thatbaxo, ampathatbej,

toepaxael. Pelax tajjamechan toepaxil. Chajia jum-anpoxan, diachwajnakolax japoxan jachiyaxael.

34 “¡Chiekal taem! ¡Nabej nejchaxoele' babijaxan isaxan, saxa feyaxanbej! ¡Nabej nejchaxoele'bej ampathatpijxan! Japoxan nejchaxoelafulam wut, xan chalechkal paskax wut, xamal laepaxaelam Dios naexasis-elaxtat. **35** Chalechkal paskax wut, xabich jiw nejmamachaxaeli nawwaj nawes-elaxtat. **36** Samata, xamal duilafulde xan naxanaboejampoxtat! ¡Pomatkoicha Dios kawwajnafuldebej nejnejchaxoelaxantat mamnikaliajwam Diosliajwa, boejtaliasfulaliajwam nabijasmatkoi pat wut! Japoxan boejtaliatam wut, xamal napelsaximil, tajwajnalel nuilam wut, xan, puexa jiw pakoewkolnan, pejme patx wut” —aech Jesús pejnachalaliajwa.

37 Kaematkoisful Jesús naewwajan Dios pejtemplobaxot. Madoi wut, Olivonaechanmæaxxot moejton. **38** Pomatkoicha, kandiawasap, puexa jiw fulalaecha Dios pejtemploba poxade jumtaeliajwapi Jesús naewwajanpoxan.

Judíospaklochow nejchaxoelpox jaelsliajwapi Jesús

(Mt 26.1–5, 14–16; Mr 14.1–2, 10–11; Jn 11.45–53)

22 Mox pawwajna Pascuafiestaliajwa. Japamatkoijan jiw xael pan lewadurajila. **2** Japamatkoijan sacerdotepaklochow, judíos chanaekabuanaribej, natameja wut, nakaewa najum-aechi: “¿Machiyaxaeskát Jesús boesaliajwas?” —na-aechi nakaewa. Pe Jesús boesaxisalfuk, japi pejlewla xoti jiwliajwa.

3 Do jawut, Satanás low Judas pejmatpæatxot. Japon Judas Iscariote, kaen Jesús pejnachalan. Japontat doce. **4** Do jawut, Judas fulaech sacerdotepaklochow poxade, Dios pejtemploba wetipaklochow poxadebej. Jaxotde pa'a wut, jum-aechon:

—Xamal nejxasinkam wut, xan wiasaxaelen Jesús xamalxot —aech Judas.

5 Paklochow japox jumtaen wut, xabich nejchachaemili. Do jawut, jum-aechi Judasliajwa:

—Xanalxot Jesús wiatam wut, xanal mosaxaelen plata —aechi.

6 Do jawut, Judas ow-aech. Samata, wwaj nawetlison pachaemmatkoi, jiw ajil wut Jesúsxot, japamatkoitat wiasliajwapon Jesús paklochowxot.

Jesús xaelpox, pejnachala suapich, Pascuafiestanaxaeyax

(Mt 26.17–29; Mr 14.12–25; Jn 13.21–30; 1 Co 11.23–26)

7Dolisdo', pascuafiestaliso. Japafiestatat judíos xael pan levadurajila. Japapascuafiesta wut, jiw xua'at ovejas jelti's. 8Do jawut, Jesús to'a wut Pedro, Juan suapich, jum-aechon:

—¡Xabua'de naxaeyax isliajwam, ovejawi xaeliajwas Pascuafiestatat! —aech Jesús.

9Japi wuajna chaemt wut, jum-aechi:

—¿Amxotkat xanal naxaeyax isaxaelen Pascuafiesta nabu'xaeliajwam? —aechi.

10Jesús jumnot wut, jum-aechon:

—Jerusalén paklowax patam wut, kaen aton taeyaxaelam, mint xafol wuton kuarnatat. ¡Japon aton fulfulaem, ba lech poxade! 11 ¡Japabapijin jum-amo: 'Jiw chanaekabuanan jum-aech: "¿Ampabatutatkat xan tajnachala bu'xayaxaelen Pascuafiestanaxaeyax?" —aech jiw chanaekabuanan' —amo bapijin! 12 Japon bapijin xamal itpaeyaxael athu pejbatupijax, pinjiyax. Wuajna chajia chiekal chaemtas. Jaxotse naxaeyax isaxaelam xatisliajwa —aech Jesús, pejnachala to'a wut.

13Do jawut, pejnachala fulaechlisi Jerusalén paklowax poxade. Pat wuti, puexa, me-ama Jesús chajia jum-aech, ja-aechliso. Samata, jaxotse naxaeyax ispi Pascuafiestanaxaeyax xaeliajwa.

14Xaeliajwa wut, Jesús, pejnachala suapich, japi apóstolespi, chalaklisi mesaxot. 15Do jawut, Jesús jum-aech pejnachalaliajwa:

—Xan xabich nejxasinkax, xamal suapich, xaeliajwan ampafiestanaxaeyax xan tupax wuajna. 16Diachwuajnakolax xan jum-an. Xan pejme xaeyaxinil Pascuafiestanaxaeyax ampathatat. Asamatkoi, Dios xamal bu'wia wut, jawut pejme xaeyaxaelen, xamal suapich, Pascuafiestanaxaeyax Diosxotse —aech Jesús.

17Do jawut, Jesús copa chafit puexa pejnachala fiaflaliajwa. Jawut Jesús gracias-aech wut Diosliajwa, jum-aechon:

—¡Maj ampot! ¡Kaenanula xamal fiafulde! 18Diachwuajnakolax xan jum-an. Pejme feyaxinil vino ampathatat. Hasta Dios puexa pejiw tato'al wut, jawut pejme vino feyaxaelen —aech Jesús.

19 Do jawut, Jesús panax fit wut, Dios gracias-aech wuton Diosliajwa, panax jalkaful pejnachala kexadiajliajwa. Chaxduw wut pejnachala xaeliajwa, Jesús jum-aech:

—Ampapan itpaei, me-ama tajwit, xan tuxaxaelen xot xamalliajwa. Asamatkoi, pan xaelam wut, xan nanejchafaekaliajwam —aech Jesús pejnachalaliajwa.

20 Xaeyax kaechatoel wut, Jesús pejme copa chafit wut, jum-aechon:

—Ampavino itpaei, me-ama tajjal. Xan tux wut, tajjal nakola wut, jiw xan nanaexasitpi, japi beltaeyaxaes babijaxan ispoxanliajwa, tajjal pijaxtat. **21** Nawiasaxaelpon tadaelmajiw-xot, ma amxot nak-ekondo'. **22** Xan, puexa jiw pakoewkolnan, tuxaxaelen, me-ama Dios pejjamechan chajia jum-aech. Pe nawiasaxaelpon tadaelmajiw-xot, japon kaes pejme xabich nabijasaxael —aech Jesús pejnachalaliajwa.

23 Jesús pejnachala japox jumtaen wut, nakaewa najum-aechnapi:

—¿Achankat xatisxot Jesús wiasaxael japon padaelmajiw-xot? —na-aechnapi nakaewa.

Jesús pejnachalaxot, japixot achan kaes paklonaxaelpox

(Mt 20.20–28; Mr 10.35–45)

24 Do jawux, Jesús pejnachala nakaewa najum-aechi: “¿Achankat xatisxot kaes pejme paklonaxael?” —na-aechi. **25** Jesús japox jumtaen wut, jum-aechon japiliajwa: “Asatujnupijiw, Dios naexasis-elpi, paklochow tato'las wut, tato'la-esal chamoeyaxtat. Ja-aech wut, paklochow nakiowa jiw nejxasinkas jumchiliajwas: ‘Wajpaklochow xabich pachaem’ —chiliajwas. **26** Pelax xamal jasoxtat tato'laximil. Wuljoeyaximilbej pamamax najutliajwa. Xamalxot kaen paklonasia wut, japon majt xamal malech tanbichaxael, me-ama pamakan wut, jachiliajwapon. Me-ama yamxulan pakoew pakdiachowxot wut, jachiyaxael japon aton. **27** Paklon ek wut xaeliajwa mesaxot, pamakan chiekal tataeflison, kamta isliajwa pejpaklon to'aspo. Ja-aechon, paklon kaes tato'lan xot. Xanlax jachi-enil. Xamalxotx wut, puexa kajachawaesfulax xamal. Me-ama namaknan wut, ja-an xan xamalliajwa” —aech Jesús pejnachalaliajwa.

28 Jesús pejme jum-aech pejnachalaliajwa: “Xamal nachalafulam, Satanás piach xan naxapaejkaful wut. **29** Samata,

tapaeyaxaelen xamal tato'lalijawam jiw. Me-ama taj-ax Dios xan natapaei puexa jiw tato'lalijawan, xamalbej jachiyaxaelen. **30** Xan tajmatkoi pat wut jiw tato'lalijawan, jawut kae-yaxtat, xamal suapich, xaeyaxaelen. Feyaxaelenbej. Jawut chalakaxaelam asatua-ekaxanxot, paklochow pejtua-ekaxanxot, tato'lalijawambej docemutanpijiw, Israel tuajnupijiw” —aech Jesús pejnachalalijawa.

Pedro xanaliyaxaelpox Jesús pejnachalanpoxlijawa

(Mt 26.31–35; Mr 14.27–31; Jn 13.36–38)

31 Jesús jum-aech Pedrolijawa:

—Simón, ¿chiekal najumtaem! Satanás wuljow Dios tapaelijwas xam xapaejslijawapon. Xabich xapaejsasia-pon xam xan nakofsliajwam. **32** Pe xan Dios kawuajntax xam nanaexasisfulalijawam. Pejme xam xan chiekal nanaexasitam wut, xam kajachawaesfulaxaelam asew tajnachala, japi kaes xan nanaexasisfulalijawa —aech Jesús Pedrolijawa.

33 Simón Pedro jum-aech:

—Tajpaklon, asew jiw, jiw jebatat xam jia wuti, ¡japibej xan nej naje! Xam boesa wutbejpi, ¡japibej xan nej naboesa! —aech Simón Pedro Jesúslijawa.

34 Jesús jumnot wut, jum-aechon:

—Pedro, xan chiekal jum-an xamlijawa. Amwut, kawaema nejlae-el wutfuk, tres veces xan naxanaliyaxaelam. Jumchiyaxaelam: “Xan japon aton matabijs-enil” —chiyaxaelam xanlijawa —aech Jesús Pedrolijawa.

Jesús pejnachala pejme fol wut xalaeyaxaelpoxan, naewuajnalijawa wuti Dios pejjamechan

35 Do jawut, Jesús jum-aech pejnachalalijawa:

—Xamal to'ax wut Dios pejjamechan naewuajnalijawam asapaklowaxanpijiw, xamal kefiatx xalaesamatam nejchoxan, plata, asatuakxajoebej. Xamal masim folam wut, ¿pawewe'pkat asaxan? —aech Jesús, wuajnachaemt wut pejnachala.

Japi jumnot wut, jum-aechi:

—Xanal nawewe'pa-el —aechi.

36 Do pejme Jesús jum-aech:

—Xamal pejme folam wut, xamalxot pejchoxanpi, ¡japi nej xalae pejchoxan! Xamalxot pejplatapi, ¡japibej nej xalae

pejplata! Xamalxot espada kejiłpi, i uch naxoelpox nej mowapi! Mot w $\u00f1$ ti, iĵapaplatatat nej w $\u00f1$ ajspi pej-espada! **37** Diachw $\u00f1$ ajnakolax xan ĵ $\u00f1$ m-an. Dios pejjamechan chajia ĵ $\u00f1$ m-aech, ĵapox diachw $\u00f1$ ajnakolax jachiyaxael xanliajwa. Ĵ $\u00f1$ m-aechox Dios pejjamechan xanliajwa: ‘Ĵapon kastikaxaes. Me-ama babejen w $\u00f1$ t, ĵakechiyaxaeson’ —aechox xanliajwa. Puexa chajia lełspox, diachw $\u00f1$ ajnakolax ĵapox jachiyaxael xanliajwa —aech Jes $\u00fas$. |

38 Do ĵaw $\u00f1$ t, pejnachala ĵ $\u00f1$ m-aech:

—Ĵajpaklon, ama kole-espada —aechi.

Jes $\u00fas$ ĵ $\u00f1$ mnot w $\u00f1$ t, ĵ $\u00f1$ m-aechon:

—Ma ampoxtat do mado! —aechon.

Paw $\u00f1$ lxot, Getseman $\u00ed$, Jes $\u00fas$ Dios kaw $\u00f1$ ajanpox

(Mt 26.36–46; Mr 14.32–42)

39 Jes $\u00fas$ nakolt w $\u00f1$ t Jerusal $\u00e9$ n paklowaxxot, Olivo-naechanm $\u00f1$ ax poxade, me-ama ĵapon pejkab $\u00f1$ an. Pejnachala w $\u00f1$ chakal fol. **40** Jes $\u00fas$ pa'a w $\u00f1$ t ĵaxotde, ĵ $\u00f1$ m-aechon pejnachalaliajwa:

—Satan $\u00e1$ s xamal xapaejaxael. Samata, ĵDios kaw $\u00f1$ ajande! Ĵa-am w $\u00f1$ t, Dios xamal kajachawaesaxael babijax is-elaliajwam —aech Jes $\u00fas$.

41 Do ĵaw $\u00f1$ t, Jes $\u00fas$ at $\u00f1$ axachon pejnachalaxot tamachaliajwa. Me-ama ia't xadaps w $\u00f1$ t, ĵas-ısepon. Ĵaxotde brixtat nukon Dios kaw $\u00f1$ ajnalıajwa. **42** Dios kaw $\u00f1$ ajan w $\u00f1$ t, ĵ $\u00f1$ m-aechon: “Ax, nej-xasinkam w $\u00f1$ t, ĵnab $\u00f1$ 'wem nabıjasaxaelenpox! ĵPe nabej is xan nejxasinkaxpox! ĵIsde xam nejxasinkampox!” —aech Jes $\u00fas$, pax Dios kaw $\u00f1$ ajan w $\u00f1$ t.

43 [Do ĵaw $\u00f1$ t, chalechkal ath $\u00f1$ lelsik Dios pej- $\u00e1$ ngel natu-laelt Jes $\u00fas$ mamnikaliajwa. **44** Jes $\u00fas$ xabich nejchaxoel t $\u00f1$ paxaelpoxliajwa. Samata, kaes pejme Jes $\u00fas$ Dios kaw $\u00f1$ ajnaf $\u00f1$ l. Ĵaw $\u00f1$ t xabich pasıslanaton. Pejısis satat natacholan. Me-ama ĵal, ĵa-aech pejısis.]

45 Jes $\u00fas$ nant w $\u00f1$ t Dios kaw $\u00f1$ ajanxot, kaxadin pejnachala poxadin. Ĵaxot ĵapi taenpon, moejt w $\u00f1$ t. Ĵapi xabich damal, nej-xaejwas xoti. **46** Do ĵaw $\u00f1$ t, Jes $\u00fas$ ĵ $\u00f1$ m-aech pejnachalaliajwa:

—ĵMa-aech xotkat xamal moejtam? ĵNanim! ĵDios kaw $\u00f1$ ajande babijax isasamatam, Satan $\u00e1$ s xamal xapaeja w $\u00f1$ t! —aech Jes $\u00fas$.

Jesús jaeltaspox padaelmajiw

(Mt 26.47–56; Mr 14.43–50; Jn 18.2–11)

47 Jesús naksiya wutfuk, Judas xabich jiw bu'pat Jesúsxot. Japon Jesús pejnachalan, japontat doce. Do jawut, mox soepanlison Jesús xusuiliajwa. **48** Pe jawut, Jesús jum-aech:

—Judas, ¿xamkat nawiasaxaelam tadaelmajiwxot naxusuyaxtat, xan, puexa jiw pakoewkolnan? —aech Jesús.

49 Taen wuti ja-aechpox, Jesús pejnachala jum-aech:

—Tajpaklon, ¿xanalkat ampi jiw beyaxaelen espadatat, xam chamamosliajwan? —aech Jesús pejnachala.

50 Do jawut, chalechkal kaen Jesús pejnachalan pej-espadatat boesa wut, kaen aton cho'chikchapon poklalel pejcho't. Japon aton nabist sacerdotespaklokolanliajwa. **51** Pe jawut Jesús jum-aech pejnachalanliajwa:

—¡Nadokal! —aechon.

Do jawut, cho'chikchaspon Jesús cho'jacha wut, jawut chiekal cho'koelon. **52** Pati Jesús jaelsliajwa, japi sacerdotespaklochow, temploba wetipaklochowbej, judíos-ancianosbej. Jawut Jesús jum-aech japiliajwa:

—¿Ma-aech xotkat xamal xafolam espada, iwabej, xan najaelsasiam wut? ¿Xankat xamalliajwa, me-ama babejnan wut, kabuan-an? **53** Kaematkoisful Dios pejtemplobatat xan naewuajnafulax jiw xamalxot. Pe jaxot najaels-emil, Dios patapae-el xot xamal. Pe amwutjel, patlisox, me-ama Dios pejjamechan chajia jum-aech xanliajwa, japox jachiliajwa. Samata, amwutjel Satanás, tato'alpon itkuaatxot, xamal to'a xan najaelsliajwam —aech Jesús.

Pedro xanaliapox Jesús matabijtpoxliajwa

(Mt 26.57–58, 69–75; Mr 14.53–54, 66–72; Jn 18.15–18, 25–27)

54 Do jawutliso', Jesús jaeltas japi. Jesús buflaech sacerdotespaklokolan pejba poxade. Jawut Pedro atuaxach fol wuchakal. **55** Sacerdotespaklokolan, japon pejbafulmaktxot, temploba weti jit itfoti. Jaxot jit su'chalakax masajiati. Pedrobej jaxot naksu'cha-ek. **56** Do jawut, kaeow pawis, japabatat nabistpow, chiekal natachaemtow Pedro, jit naksu'cha-ek wuton. Do jawut, jum-aechow jaxotpijiw jumtaeliajwas:

—Ama kaen, jaeltaspon pejnachalan —aechow Pedro-liajwa.

57 Pedro xanalia wut, jum-aechon:

—Pawis, xan chinax japon aton matabijs-enil —aech Pedro.

58 Do jawux, asanbej pejme taenson. Japonbej jum-aech:

—Diachwujnakolax xambej, japon pejmupijnam —aechon Pedro-liajwa.

Pedro jumnot wut, jum-aechon:

—¡E! ¡Xan japon pejmupijna-enil! —aechon.

59 Do jawux, kaehora wutlejen, asanbej pejme jum-aech:

—Diachwujnakolax ampon, jaeltaspon pejnachalan. Amponbej Galilea tuajnapijin —aechon.

60 Pe Pedro pejme jum-aech:

—Xan matabijs-enil jum-ampox —aech Pedro.

Pedro jum-aech wutfuk, jawut kawaema nejla. **61** Kawaema nejla wut, Jesús wultataen wut, taenon Pedro. Do jawut, Pedro nejchafaet Jesús chajia jum-aechpox: “Amwut, kawaema nejlae-el wutfuk, xam tres veces xanliajwa naxanaliyaxaelam. Jumchiyaxaelam xanliajwa: ‘Xan japon aton matabijs-enil’ —chiyaxaelam” —aech Jesús, chajia jum-aech wut Pedro-liajwa.

62 Do jawut, japabafulmaktxot Pedro nakolt tathoet poxal-iajwade. Jaxotde xabich nowpon, xabich nejxaejwas xot.

Jesús bu'wujajnapaeispor

(Mt 26.67–68; Mr 14.65)

63 Poejiw, weti Jesús, japi bu'wujajnapaeipi Jesús. Baesbejpon.

64 Itfumatakusbejpon. Jawut pejme xutulapas. Kaenanula xutulapi jum-aechi Jesús-liajwa:

—¡Jum-amde, achan xam xutulap! —aechi.

65 Japibej jum-aechi babejjamechan Jesús-liajwa.

Jesús nukpor judiospaklochow pejuwajnalel

(Mt 26.59–66; Mr 14.55–64; Jn 18.19–24)

66 Kandiawasap wut, juimt julan wut, natameja judios-ancianos, sacerdotespaklochow, judios chanaekabuanapibej. (Japi puexa natameja wut, japox pawul Junta Suprema.) Jesús bu'fos wut, bu'pachpon Junta Suprema natamejaxot. Japi pejuwajnalel wut Jesús jumtis:

67—¿Xanal jumtaelajwan xam jum-amde! ¿Xamkat diachwujnakolax Cristowam, Dios to'asponam jiw bu'welajwam? —aechi.

Jesús jumnot wut, jum-aechon:

—Xan jum-an wut: 'Diasdo' —an wut, xamal naexaxisaximil.

68 Xamal wujnachaemtax wutbej, najumnosaximil. **69** Pe xan, puexa jiw pakoewkolnan, ekaxaelen taj-ax Dios poklalel jiw tato'lalajwan, taj-ax suapich. Dios pamamakolan, japon xajup puexa isliajwa —aech Jesús.

70 Jawut Jesús wujnachaemtas wut, jumtispon:

—¿Xamkatlap Dios paxulnam? —tispon.

Jesús jumnot wut, jum-aechon:

—¿Diasdo! ¿Xanlap japonan, najum-amponan! —aech Jesús.

71 Do jawut, japi nakaewa najum-aech:

—Xatis nakwewe'pa-el asey jiw nakjumchiliajwa Jesús pejbu'wujanpoxliajwa. Xatis wajut chiekal jumtaens, jum-aech wuton: 'Xan Dios paxulnan' —aech wuton. Japox jum-aech wut, jum-aechon Dios nejweslapox. Samata, kastikaxaeson —na-aech nakaewa Junta Supremapijiw.

Jesús nukpox Pilato pejwujnalel

(Mt 27.1–2, 11–14;

Mr 15.1–5; Jn 18.28–38)

23 Do jawut, japi jiw, Junta Supremapijiw, nana. Bu'follisi Jesús Pilato poxade. **2** Jesús Pilato pejwujnalel wut, tuaduti Jesús tasalalajwa. Jum-aechi:

—Xanal tajut chiekal jumtaenx. Ampon aton pejnaewujnaxtat jiw potujnuchanpijiw xabich palala. Jum-aechbejpon: '¿Nabey mos impuesto Roma gobiernoliajwa!' —aechon. Jum-aechbejpon: 'Xan Cristowan, Israel tuajnapijiw tato'lalajwan' —aechon.

3 Do jawut, Pilato wujnachaemt wut, jum-aechon Jesúsliajwa:

—¿Xamkatlap diach-wujnakolax judíos pejreynam? —aech Pilato.

Jesús jumnot wut, jum-aechon:

—Diachwujnakolax, xan japonan, me-ama xam jum-am —aech Jesús.

4 Do jawut, Pilato jum-aech sacerdotespaklochowliajwa, puexa jiwliajwabej:

—Xanliajwa ampon aton bu'wujajnil kastikaliajwan —aech Pilato.

5 Pe nakiowa, japi xabich jumbisnik Jesús kastikaliajwas. Samata, kaes xabich jum-aechfuli:

—Ampon aton pejnaewujajnextat potuj-nuchanpijiw xabich palala. Japox naewujajnextat tuduton Galilea tujajnextat. Amwutjel japox naewujajnextat amxotbej, Judea tujajnextat —aech paklochow Jesúsliajwa.

Jesús nukpox Herodes pejuwujajnalel

6 Pilato jumtaen wut Jesús majt naewujajnextat Galilea tujajnextat, jawut, wujajnextat judiospaklochow. Jum-aechon Jesúsliajwa:

—¿Japonkat Galilea tujajnextat? —aech Pilato. 7 Paklochow jum-aech wut: “Amponlap Galilea tujajnextat” —aech wuti, Pilato to'a soldaw buflaeliajwas Jesús gobernador Herodes poxade, japon Herodes puexa Galilea tujajnextat tato'lan xot. Japamatkoivan Herodes Jerusalén paklowaxxot. 8 Herodes taen wut Jesús bu'fospox japonlel, xabich nejchachaemilon. Herodes

majt chajia taesiapon Jesús, wultaeful xot Jesús koechaxan isfulpoxan. Samata, japonbej pajut chiekal taesia Jesús koechax ispox. 9 Herodes xabich wujajnextat Jesús. Pe Jesús kaes jumnos-el wujajnextat fulaspoxan. 10 Jaxot nuil sacerdotespaklochow, judios chanaekabuanapibej. Japi tasala Jesús xabich jumbisnikpoxtat. 11 Do jawut, Herodes, pejsoldaw suapich, bu'wujajnextat Jesús. Xajoelisipon chamoeyax, me-ama rey pijax, jasox, japoxtat taxaxaelaliajwas. Me-ama judios



©DCC

(San Lucas 23.1–5)

pejrey wut, ketison. Do jawux, Herodes pejsoldaw to'a Jesús pejme buflaeliajwas Pilato poxade. **12** Majt Pilato, Herodes suapich, nadaelmataen. Pe japamatkoitat japi pejme najumchachaemil.

Pilato to'apox Jesús kematamatlaliajwas

(Mt 27.15–26; Mr 15.6–15; Jn 18.39–19.16)

13 Do jawux, Pilato wullala natamejlaliajwa sacerdotespaklochow, judíospaklochowbej, a sew judíosbej. **14** Dolisi, natameja wut, Pilato jum-aech japiajwa:

—Xamal ampon aton buflaeman xanlel. Xan najum-am: ‘Ampon aton pejnaewuajnaxtat potuajnuchanpijiw xabich palalaful’ —na-am xamal. Xamal nejwuajnael ampon chiekal wuajnaemtax bu'atasalampoxanjiajwa. Ampon aton chinax babijax is-el kastikaliajwas. **15** Herodes nejchaxoelbej: ‘Ampon aton babijax is-el’ —aech Herodes, nejchaxoel wut Jesúsliajwa. Samata, Herodes kastika-el Jesús. Asbuan jumch kaxa to'anpon Jesús xanlel. Amwutjel xamal chiekal matabijam. Ampon aton babijax is-el japoxtat tupaliajwa. **16** Samata, tajsoldaw keto'axaelen asbuan jumch selisiajwas. Do jawux, nakolsax tapaeyaxaelen —aech Pilato japiajwa.

17 [Kaewaechful wut, Pascuafiesta wut, Pilato jitapaei kaen jiw jebatat jiaspon nakolsliajwa, jiw wuljowson. Pilato jasox is, jiw nejchachaemlaliajwa japonliajwa.]

18 Pilato japox jum-aech wut: “Jesús nakolsax tapaeyaxaelen” —aech wuton, judíos nejlasful wut, jum-aechfuli:

—¡Japon kematamatalde cruztat! ¡Barrabáslax nakolsax tapaem! —aechfuli.

19 Japon Barrabás majt naba, Pilato pejsoldaw suapich, Jerusalén paklowaxxot. Jiw babejpon. Samata, jiaspon jiw jebatat. **20** Pilato tapaesia Jesús nakolsliajwa. Samata, pejme jum-aechon japi jiwliajwa. **21** Pe Pilato naksiya wut, japi jiw kaes nejlasful wut, jum-aechfuli:

—¡Japonlax kematamatalde cruztat tupaliajwapon! —aechfuli, nejlasful wut Jesúsliajwa.

22 Pilato pejme jum-aech japiajwa:

—¿Ma-aech xotkat xamal jum-am: ‘¡Japon nej tupe!’ —amkat? ¿Achababijaxkaton is? Xanjiajwa japon aton bu'wuajanjil japoxtat tupaliajwa. Samata, tajsoldaw keto'axaelen asbuan jumch selisiajwas. Do jawux, nakolsax tapaeyaxaelen japon —aech Pilato judíosliajwa.

23–24 Pe japi xabich jumbisnik wut, nejlasful. Jawut, jum-aechfuli:

—Japon kematamatalde cruztat tupaliajwa! —aechfuli.

Japi xabich jumbisnik xot, Pilato baxael ow-aechlison.

25 Samata, Pilato pejsoldaw to'a tapanliajwapi nakosax Barrabás jiw jebaxot, japi wuljowpon nakolsliajwa. Barrabás jiw jebatat majt jias, naba xoton, soldaw suapich, asew jiw ba xotbejpon. Do jawutbej, Pilato to'a Jesús kematamatlaliajwas cruztat, me-ama japi jiw wuljow japon isliajwa japox.

Jesús kematamatlaspox cruztat

(Mt 27.32–44; Mr 15.21–32; Jn 19.17–27)

26 Do jawux, soldaw, japi bu'fol Jesús kematamatlaliajwas cruztat. Do jawutbej, paklowaxlel Simón fulaen. Japon Cirene paklowaxpijin. Xensliajwa wut, soldaw jaeltason. Do jawut, to'ason Jesús pijax cruz xalaeliajwa, Jesús xafolox. Jesús kaes xalaeyaxil, xabich boejil xotlison kastikaxtat. Dolisdo', japon Simón xafolon cruz Jesús pejwuchakal.

27 Do jawut, xabich jiw Jesús pejwuchakal fol. Japixot xabich watho' wunow. Nowpi pinjametat, xabich nejxaejwas xoti Jesús.

28 Jesús wultataen wut japi watho'lel, jum-aechon:

—Watho', Jerusalén paklowaxpijwam, jxan nabej nawunoe'! jNawunoem najutliajwa, naxiliajwabej! **29** Nabijasmatkoi pat wut, jiw xabich nabijasaxael. Japamatkoitat jiw jumchiyaxael: 'Amwutjel wepachaems nafoenapi, asew xijilpibej, paxi ajil xot nabijasliajwa' —chiyaxaeli. **30** Japamatkoitat jiw jumchiyaxaelbej pinamuxanliajwa, cha-aelmuxanliajwabej: 'Natacholnamik xanallelsik nakulaliajwam, jasoxtat namoechaliajwambej' —chiyaxaeli, kaes nabijasfula-elaliajwa. **31** Xan, babijax is-enilponan, nakematamatlaxaeli cruztat. Pe xabich babijaxan ispi, xabich kaes pejme nabijasaxael, wetapach wut nabijasmatkoi —aech Jesús japi watho'liajwa, wunowspiliajwa.

32 Dolisdo', soldaw bu'fol wuti Jesús, jawutbej bu'foli kolenje kethakan, japibej kaenanula kematamatlaliajwas pej-cruztat, Jesús suapich. **33** Bu'pach wuti kaemux pawulxot, Matnaethitmuxaxot, jaxot Jesús kematamatlas cruztat. Jaxotbej kolenje kethakan kematamatlas cruztat. Asan chanuk Jesús pejpoklalel. Asan chanuk Jesús pejsoenalel. **34** Jesús cruztat wut, jum-aechon:

—Ax, ¡ampi jiw beltaem! Matabija-eli ispoxlajwa —aech Jesús soldawliajwa.

Jesús kematamatali, japi soldaw nakakuji ia'xix matabijalajwa, achan kanaxael kaenanula Jesús pejnaxoe. **35** Jiw jaxoti natachaema puexa ja-aechox. Jaxotbej judíospaklochow. Jawut japi bu'wujajnpaei Jesús. Nakaewa najum-aechi:

—Asew jiw bu'wiapon. Diachwujajnakolax ampon Cristo wut, Dios to'aspon wut jiw bu'welajwa, ¡ma amwut pajut nej nabu'wepon! —aechi Jesúsliajwa, bu'wujajnpaei wut.

36 Soldawbej bu'wujajnpaeipi Jesús. Kaesupich soldaw mox soepa Jesúsxot. Duajasiapi vino, xathuyamint, Jesús suilijawa xabich wexaenkasamatas. **37** Jawut jum-aechi Jesúsliajwa:

—Xam judíospaklokolnam wut, ¡najut nabu'wem! —aechi Jesúsliajwa.

38 Jesús pejta'tabijla lelspx chaduch. Japox lelspx jum-aech: “Ampon judíos pejrey” —aechox.

39 Asan kethakan cruztat kematamatlaspon, japonbej jum-aech bu'wujajnpaei Jesús:

—Xam Cristowam wut, Dios to'aponam wut jiw bu'welajwam, ¡ma amwut najut nabu'wem! Do ja-aech wut, ¡xanalbej nabu'wem! —aech kethakan Jesúsliajwa.

40 Asan kethakan buxfiat pejnachalan bu'wujajnpaeipox. Do jawut, jum-aechon:

—¡Xam japox nabej jum-aeché' Jesúsliajwa! ¿Xamkat nejlewla-el Diosliajwa, xatisbej tuxaxaes xot? **41** Xatis nabijatas nakkastikapoxtat, babijaxan isas xot. Amponlax chinax babijax is-el —aech kethakan pejnachalanliajwa.

42 Kethakan japox jum-aech wut, jum-aechon Jesúsliajwa:

—Jesús, xam puexa jiw tato'lax tuadutam wut, ¡jawutbej xan nanejchadu'e! —aech kethakan.


43 Jesús jumnot wut, jum-aechon kethakanliajwa:

—Diachwujajnakolax xan jum-an. Ma amwut, xam Diosxotaxaelam, xan supich —aech Jesús kethakanliajwa.

Jesús tuxpox cruztat

(Mt 27.45–56; Mr 15.33–41; Jn 19.28–30)

44 Jesús tuxpalijawa wut, juimt matnoch ek wut, xabich itkuatnik tres hora potujajnu'cha. **45** Itkuatnik xabich, juimt



©DCC

(San Lucas 23.32–42)

chiekal itliaka-el xot. Do jawut, Dios pejtemplobatutat pinabʼ, duchpox batutat, najʼpathiakchakas. **46** Do jawut, Jesús nejlakcha wut, jʼm-aechon pax Diosliajwa:

—Ax, ¡ma amwut xan tʼpaxaelen! ¡Xam xanaboejtax taj-espíritu chiekal nawetataflaxaelampox! —aech Jesús.

Jesús japox jʼm-aech wut, tʼplison.

47 Soldawcapitán taen wʼton Jesús tʼpax, do jawut, jʼm-aechon Diosliajwa: “Dios, xam xabich pachaemam” —aechon. Jʼm-aechbejpon jaxoti jʼmtaeliajwa: “Diachwʼajnakolax ampon aton chinax babijax is-el tʼpaliajwa jasoxtat” —aech soldawcapitán.

48 Puexa japox taenpi, nawia wut pejbachan poxade, kaenanʼla pajut namatiafdakapi, xabich nejxaejwas xot. **49** Asew jiw, matabijapi Jesús, japi atʼaxach natachaemanuil. Jaxotbej watho' nuil, fʼlaenpi Galilea tʼajnujxot.

Patupan Jesús ochpox m̄axw̄ajtat

(Mt 27.57–61; Mr 15.42–47; Jn 19.38–42)

50–51 Jerusalén paklowaxxot aton duk. Japon pawəl José. Japon Arimatea paklowaxpijin, Judea t̄ajnxot. Japon pachaem. Chiekal dukbejpon Diosliajwa. Japon judíospaklochowxot, Junta Supremapijin. Pe japon kaenejchaxoelaxa-elon Junta Supremapijiw ispoqliajwa Jesúsliajwa. Japon w̄ajnwet Dios pejmatkoi t̄adusliajwapox, Dios pejiw tato'laxaelmatkoi. **52** Jesús t̄ap w̄ut, José f̄ulaech Pilato poxade w̄aljoeliajwapon patupan Jesús m̄thsliajwabejpon. José w̄ljow w̄ut, Pilato ow-aech. **53** Do jaw̄x, José pat w̄ut patupan Jesúsxot, kuskliwon Jesús cruzxotsik. Jaw̄t José xakoeya patupan s̄abanab̄'tat, pab̄jab̄'tat, osliajwa m̄axw̄ajxot. Japam̄axw̄aj pajelw̄aj. Patupan os-esalf̄uk. **54** José japox is napatamatkoi w̄ajna, japamatkoi chaw̄ajnachaeqliajwa. Jaw̄t, José japox isax ketoet w̄ut, cha-aex we'pf̄uk nadusliajwa napatamatkoi.

55 Japi watho', majt Jesús naknan̄amti Galilea t̄ajnxot. Japi watho' w̄uchakal fol, José f̄ulaech w̄ut m̄axw̄aj poxade. Samata, taeni Jesús ochpox. **56** Do jaw̄t, japi watho' kaxa nawen w̄ut pejba poxade, chaemtlisi perjumamin, xabejasapanbej, patupan joelaliajwa. Do jaw̄t, japi napata, napatamatkoi xot. Me-ama Moisés chajia lelpo x̄um-aech, ja-aechlisi.

Patupan Jesús mat-ech pejme dukaliajwa

(Mt 28.1–10; Mr 16.1–8; Jn 20.1–10)

24 Dominkomatkoi, kandiawasap w̄ut, watho' f̄ulaech patupanw̄aj poxade. Japi xafol chajia chaemtpi, perjumaminan, xabejasapanbej. **2** Jaxotde pa'a w̄ut, taeni ia't pinjit, jajaerat, asalelaxach nukpox, patupanw̄ajfafa xat-elspot. **3** Pe japi watho' japaw̄aj low w̄ut, tae-eli patupan. **4** Jaw̄t xabich beljowpi. Matabija-eli isaxaelpox. Do jaw̄t, chalechkal japi watho' taen kolenje Dios pej-ángeles, jaxot nuil w̄uti. Japi kolenje ángeles pejnaxoe xabich nakliafan. Me-ama chamx, jakaliaf-aech japi pejnaxoe. **5** Watho' pejlw̄la xot, brixtat nuili. Sat makxabijindikbejpi. Jaw̄t Dios pej-ángeles x̄um-aech watho'liajwa:

—¿Ma-aech xotkat xamal w̄ulwekam patupan? ¡Jesús mat-echlison pejme dukaliajwa! **6** Amxot ajil patupan. Ma

amwõtjel dukpon, mat-ech xot. ¡Nejchafae'e, xamalliajwa chajia jùm-aech wuton, Galilea tujnuxot wuton! 7 Japon chajia jùm-aech: “Xan puexa jiw pakoewkolnan, asey jiw nawiasaxael asajiwxot tujpaliajwan, cruztat nakematamatlaliajwa. Tres matkoi wut, Dios namat-eyaxael pejme dukaliajwan” —aechon, chajia jùm-aech wut —aech Dios pej-ángeles japi watho'liajwa.

8 Do jawut, japi watho' nejchafaet Jesús chajia jùm-aechpox japiliajwa. 9 Watho' kaxa nawen wut Jesús ochxotdin, puexa japoxan chapaeipi once apóstolesxot, asey jiwliajwabej. 10 Japi watho'xot, kaeow pawul María. Japow Magdala paklowaxpijow. Asaow pawul Juana. Asaow pawul María. Japow Santiago pen. Kaes asey watho'bej japixot. 11 Apóstoles jumtaen wut watho' jùm-aechpox, jùm-aechi, nejchaxoel wut: “Watho' pajut pejkachantat faekalap” —aech apóstoles, nejchaxoel wut. Samata, naexasis-eli watho' chapaeispox.

12 Asey naexasis-el wut, Pedro najae'e Jesús müthtas poxade. Pat wuton, patujpanwuj natachaemsepon. Jawut taenon sábanab'u'ankal. Do jawut, Pedro kaxadin wut, xabich nejchaxoelaful taenpoxliajwa.

Jesús natulaeltlox kolenje pejnachalanxot, fol wuti Emaús paklowaxnuamtat

(Mr 16.12–13)

13 Dominkomatkoi wut, kolenje Jesús pejnachalan Jerusalén paklowaxxot nakola Emaús paklowax poxaliajwade. Emaús paklowax pasliajwa, me-ama once kilómetros. 14 Nuamtat fol wut, nospaefuli Jesús cruztat kematamatlaspoxliajwa. 15 Nospaeful wutfuki, Jesús pajut mox soepan japixot. Do jawut, Jesús nakfol japi. 16 Japi taen Jesús. Pe japi matabija-el japon Jesúspon, Dios tapae-esal xoti japi matabijsliajwa Jesús. 17 Do jawut, Jesús wujnachaemt wut, jùm-aechon:

—¿Achaxkat xamal nospaelpam, nuamtat folam wut? —aech Jesús.

Japi nuiljaba. Xutampapi nejxaejwaspox. 18 Kaen japixot pawul Cleofas. Japon jùm-aech:

—¿Xamkat fulaeman Jerusalén paklowaxxot? ¿Xamkatlap kaenam matabijs-emilponam ja-aechox ampamatkoiyan Jerusalén paklowaxxot? —aech Cleofas Jesúsliajwa.

19 Jesús wuajnachamtu wut, jum-aechon:

—¿Achaxkat ja-aech Jerusalén paklowaxxot? —aech Jesús.

Do jawut, japi jum-aech:

—Jesús Nazaretpijin, Dios pejprofeta, japon xabich koechaxan is Dios pejpamamaxtat. Jiw chiekal naewuajnafulbejpon Dios pijaxtat. Jasox isfulon xabich jiwliajwa. **20** Sacerdotespaklochow, wajpaklochowbej, asajiwxot wiatipon tupaliajwa. Samata, cruztat kematamatlas. **21** Xanal nejchaxoelx japonliajwa: ‘Xatis judíos japon nakbu'weyaxael asatwajnuapijw naktato'alpox’ —an xanal, nejchaxoelx wut japonliajwa. Pelisox tres matkoije japon tuppox. **22-23** Asew watho' xanalxot ampakandiasap fulaech patupanwuj poxade. Pe patupan Jesús ajil wut, kaxa naweni bachadin. Japi watho' xanal nachapaei, Dios pej-ángeles natulaela wut japixot jumtispos. Jumtis japi watho': ‘¡Jesús mat-echlison! ¡Ma amwutjel pejme duklison!’ —tis japi watho'. Japox xanal jumtaenx wut, xabich nejchaxoelx japoxliajwa. **24** Do jawux, asew xanalxotpijw fulaech patupanwuj poxade pajut chiekal taeliajwa. Do jawut, taeni puexa, me-ama watho' jum-aech. Pe tae-eli patupan Jesús —aechi Jesúsliajwa, japi kolenje, Emaus paklowax poxade fulaechpi.

25 Do jawut, Jesús jum-aech japiliajwa:

—Xamal xabich matnaetinkam. Naexaxis-emil profetas chajia lelpox Cristoliajwa. **26** Matabija-emilbej Dios pejjamechan. Cristo, Dios to'aspon jiw bu'weliajwa, japon majt xabich nabijasaxael. Do jawux, mat-eyaxaeson pejme dukaliajwa. Jiw tato'laxaelbejpon Diosxotse —aech Jesús pajutliajwa.

27 Do jawut, Jesús chiekal chanaekabuana Dios pejjamechan chajia jum-aechox japonliajwa. Jawutbej chiekal chanaekabuanaapon Moisés chajia lelpoxliajwa. Do jawutbej, Jesús chiekal chanaekabuana Dios pejprofetas chajia lelpox, jachiyaxaesopox japonliajwa.

28 Emaús paklowax pasliajwa wuti, jawut Jesús, me-ama matnoch xensliajwa wut, ja-aechon. **29** Pe japi kolenje xabich jumbisnik japon namanaliajwa japixot. Jum-aechi:

—¡Namande xanalxot moejsliajwam! Tuilalisox. Itkua'-nikafulbejlisox —aechi.

Do jawut, Jesús ow-aech. Lowlison namanaliajwa, japi suapich. **30** Chalak wutlisi mesaxot naxaeliajwa, jawut Jesús panax fit wut, gracias-aechon Diosliajwa. Do jawut, panax jalnat wut,

chaxduwpon japi kolenje. **31** Do jawutbej, japi chiekal matabija japon diachwujnakolax Jesúspon. Jawut chalechkal Jesús naxaelcha. **32** Naxaelcha wuton, nakaewa japi kolenje najum-aechna:

—Diachwujnakolax xabich nejchachaemlas, nakfol wuton xatis, chiekal nakchanaekabuana wutbejpon Dios pejjamechan, chajia lelspos —na-aechi nakaewa.

33 Do jawut, kamta nanapi kaxaliajwade, Jerusalén paklowax poxade. Jaxotde pa'a wut, wujna natamejal once apóstoles, asewbej. **34** Japi apóstoles jum-aech kolenje, jelpatiliajwa:

—Diachwujnakolax wajpaklon Jesús mat-ech. Pejme duklison. Jesús natulaelt Simónxot —aechi.

35 Do jawut, japi kolenje, jelpati, chapaei, nuamtat fol wut japiliajwa ja-aechpox. Chapaeibejpi, Jesús panax jalnat wut japi xaeliajwa. Do jawutbej, pajut chiekal matabijapi, diachwujnakolax japon Jesúspon.

Jesús natulaelt pox pejnachala natamejaxot

(Mt 28.16–20; Mr 16.14–18; Jn 20.19–23)

36 Japi kolenje japox chapaei wutfuk, jawut chalechkal Jesús natulaelt japixot. Do jawut, Jesús japi kejacha wut, jum-aechon:

—¡Dios nej kajachawaes xamal chiekal duilaliajwam! —aechon.

37 Xabich belwanapi, nejchaxoel wut, jum-aech xoti: “Ampon Jesús-el. Pej-ael” —aech xoti, nejchaxoel wut. **38** Jesús jum-aech:

—¿Ma-aech xotkat xamal puxa belwam? ¿Ma-aech xotbejkat naexaxis-emil xan namat-etpoxliajwa pejme dukaliajwan? **39** ¡Taem tajke-e, tajtuakanbej! Xanlap japonan. ¡Najacham! ¡Nataem chiekal! Espíritu wejisal pawí, pathibej. Me-ama xan, jachi-el —aech Jesús.

40 Buxtoet wut, itpaelison pejke-e, pejtukaanbej. **41** Jesús pejnachala xabich nejchachaemil, pejme taen wuti Jesús. Pe chiekal naexaxis-elfuki, diachwujnakolax japon Jesús kolan wut, xabich nejchaxoelanuil xoti. Do jawut, Jesús pejme jum-aech japiliajwa:

—¿Xamalkat naxaeyax xan xaeliajwan? —aech Jesús.

42 Jawut chaxdutipon baxin chabosan, jalnaspox. **43** Do jawut, Jesús baxin fit. Jawut puxa pejnachala pejwujnalel xaelon. **44** Do jawutbej, Jesús jum-aech japiliajwa:

—Japoxanliajwa xamal chajia jəm-an, tɔpaxaelenpoxliajwa tɔpa-enil wɔtfɔk, namat-esaxaelpoxliajwabej pejme dukaliajwan. Japoxanliajwa Moisés chajia lel, profetasbej. Salmosfɔtat lels japoxanliajwa. Samata, japoxan ja-aechlisox xanliajwa —aech Jesús pejnachalaliajwa.

45 Do jawɔt, Jesús chiekal chanaekabuana pejnachala, japi chiekal matabijaliajwa Dios pejjamechan, chajia lelspxan, jəm-aech wɔt Jesúsliajwa. **46-47** Jesús pejnachala chiekal chanaekabuana wɔt, jəm-aechon:

—Dios pejjamechan chajia jəm-aech xanliajwa: ‘Cristo, Dios to'aspon jiw bɔ'weliájwa, japon tɔpaxael. Tɔppox tres matkoi wɔt, japon mat-esaxaes pejme dukaliajwa. Do jawɔx, pejjiw tɔadusaxael japon pejwɔajan naewɔajnalíajwa Jerusalén paklowaxxot. Do baxael, japi naewɔajnaxael asew jiw, asatɔajnɔchanpijw. Japox Cristo pejjiw isfɔlaxael jiw kofaliajwa babijaxan ispxan beltaeliajwasi Dios’ —aech Dios pejjamechan, chajia jəm-aech wɔt xanliajwa. **48** Diachwɔajnakolax japoxan chiekal ja-aechlisox. Amwɔtjel xamal najut chiekal taenam. ¡Japoxan xamal chapaefɔlde asew jiw! **49** Xan to'axoekan Espírítu Santo xamallíajwa, Dios chajia jɔmdutpon xamal kajachawaesfɔlaliajwapon. ¡Xamalfɔk kawetaxaelam Jerusalén paklowaxxot wɔajnewesliájwam Espírítu Santo xamal nejmatpɔatanxot pasliájwasik! Dolisdo', Espírítu Santo pask wɔt, mamnikaxaelam Dios pijaxtat —aech Jesús pejnachalaliajwa.

Jesús bɔ'fospox athɔ poxase

(Mr 16.19–20)

50 Do jawɔx, Jesús pejnachala bɔ'fol Jerusalén paklowaxxot, Betania paklowaxlel poxade. Pa'a wɔti mox Betania paklowaxxot, Jesús mɔaxxachot Dios kawɔajnalíajwa pejnachalaliajwa, Dios kajachawaesfɔlaliajwas japon pejnachala. **51** Jesús kawɔajan wɔtfɔk Dios pejnachalaxot, jawɔt Dios bɔ'foslison athɔ poxase. **52** Jesús pejnachala japox taen wɔt, brixtat nuili itpaelíajwa sitaeyax Jesúsliájwa. Do jawɔx, kaxa nawen wɔt Jerusalén paklowax poxadín, japi xabich nejchaemil. **53** Kaematkoisfɔl, Dios pejtemplobatat Dios kawɔajan wɔt, jəm-aechi Diosliájwa: “Dios, xam xabich pachaemam” —aechfɔli.